

大藏聖教法寶標目

元清源居士王古撰



清刻龍藏佛說法變相圖

大藏聖教法寶標目序偈

庭一

元清源居士王古撰

歸命正徧知 如來妙法藏 十方大菩薩

三尊真聖眾 我今於法寶 願作勝妙緣

若以一毛端 庭一 測量太空界 如說須彌頂

是諸天住處 如指海波中 大魚龍窟宅

廣大殊勝處 非一言可盡 然其所標顯

舉要非妄謬 憫彼不遇者 望涯而自絕

常時對寶所 終身空手過 西域取經亡軀為法末法有安

佚懶情不肯展卷者 暫能一經目 即植菩提根

未閱經者獲益 清信樂法人 未暇徧披閱

崑山取片玉 滄溟採如意 隨其所欲見

發函即有得 未徧閱經者獲益 多聞博覽人

已知龍藏者 溫故檢忘誤 釋然得本明

已徧閱經者獲益 除彼大闡提 有是種種益

海墨書一義 九旬而演妙 云何以片言

而欲顯法要難舉廣略 如來在定時

五百阿羅漢 各各說所解 而皆非佛意

各順正理故 可依而無罪 我今所撰述

率稽古德語 非我妄臆說 是故應信受

答難舉廣 智者悟筏喻 不著文字相

見月而忘指 入海譏筭沙離相忘筌難

方便有多門 豈以一廢百 種種皆佛事

全來彰妙用方便無礙答 以此勝功德

願常在佛會 一音所演法 歷耳永不忘

如海受大雨 亦如水傳器 持以利衆生

如法界無盡

大藏聖教法寶標目序

竊以至理遼夙絕名言而叵測法身昭應隨語嘿以總持露妙有之冲玄通群情之封滯由是鹿苑鶴林之提唱谷響傳音線花貝葉之翻翻雲垂布錦爰有法寶耀彼摩尼經律論藏汎性海之波瀾戒定慧學皎義天之日月遊上林之春則奇葩異卉紛馥鮮妍窺王庫之寶則美玉精金光明洞徹法寶標目者清源居士王古所誌也公讀經該貫演義深玄舉教綱而目張覽智鏡而神會故茲集要略盡教條溥爲來機豁開寶藏流傳既久貝笈未收眼目所存誠爲欠事即有前松江府僧錄廣福大師管主八續集祕密經文刊圓藏典謂此標目該括詳明謹錄藏中隨函披閱俾已通教理者覩智燈而合照心之解未

閱聖言者掬法流而澡惑業之垢一覽之餘全藏義海瞭然於心目之間矣善哉信而解解而行行而證證而極於言語道斷心行處滅了最上之真空傳法王之心印燈燈聯輝展轉分照廓法界之疆域入普賢之願海則効報於皇恩佛恩可知矣若夫棄經廢律歲月耽翫受聖門之利養甘面牆之蒙塞斯文也亦可爲懲勸之一端云耳昔大德丙午子月既望江西吉州路報恩寺講經釋克已序

大藏聖教法寶標目文前大科分爲四段

庭一

三

- 初總標年代括人法之紀綱
- 二別約歲時分記錄之殊異
- 三略明乘藏顯古錄之梯航
- 四廣列名題彰今目之倫序

初總標年代括人法之紀綱

自後漢孝明皇帝永平十年戊辰至大元聖世大德十年丙午凡一千二百四十一年中間譯經朝代歷二十二代傳譯之人一百九十四人所出經律論三藏一千四百四十部該五千五百八十六卷

經藏

大乘經八百九十七部二千九百

八十卷

小乘經二百九十一部七百一十

卷

律藏

大乘律二十八部五十六卷

小乘律六十九部五百單四卷

論藏

大乘論一百一十七部六百二十

八卷

小乘論三十八部七百單八卷

二別約歲時分記錄之殊異

自後漢明帝永平十年戊辰至唐玄宗開元十八年庚午凡一十九代六百六十三年中間傳譯經素總一百七十六人所出大小乘三藏教文凡九百六十八部四千五百單七卷

唐一

錄上開元所紀

自唐開元十八年庚午至德宗貞元五年己巳凡六十年中間傳譯三藏八人大乘經論及念誦法一百二十七部二百四十二卷

錄上貞元所紀

自唐貞元五年己巳至宋太宗興國七

年壬午凡一百九十三年中間並無譯人其年壬午始建譯場至真宗大中祥符四年辛亥凡二十九年中間傳譯三藏六人所出三藏教文二百單一部三百八十四卷錄上梓符所紀

自宋仁宗景祐四年丁丑至今大元聖世至元二十二年乙酉凡二百五十四年中間傳譯三藏四人所出三藏教文二十部一百一十五卷其餘前錄未編入者經律論等五十五部一百四十一

卷通前七十五部二百五十六卷依拾遺編

三略明乘藏顯古錄之梯航

開元錄所紀經律論一千一十六部四千五百三十七卷

大乘

經五百六十三部二千一百七十三卷百冊三帙
律二十六部五十四卷五帙
論九十七部五百一十八卷

十五帙

經二百四十部六百十八卷

四十帙

小乘

律五十四部四百四十六卷

四十帙

論三十六部六百九十八卷

七十帙

貞元錄所紀經論一百二十七部二百

四十二卷

大乘

經一百二十五部二百四十

卷三十帙

論二部二卷

祥符錄所紀經律論二百部三百八十四卷

經一百四十部二百九十卷

帙三十

大乘律一部一卷

論一十一部一十九卷

帙二

小乘

經四十四部六十九卷

帙七

律五部五卷

帙一

景祐錄所紀經律論十九部一百五十卷

大乘律一部一卷

經九部一百八卷一十一帙

論二部二十八卷

帙三

小乘經六部一十一卷

帙一

帙六

律一部一卷

弘法入藏錄及拾遺編入經律論七部二十六卷

經五十七部二百二十一卷

大乘

帙七

論六部六十一卷

帙七

經一部十二卷

帙一

大乘

律九部五十二卷

帙五

論一部一十卷

帙一

弘法入藏聖賢傳記不在其數

四廣列名題彰今目之倫序

文如

大元續集法寶標目卷第一

般若部總二十一部七百三十六卷七十三

帙

大般若波羅蜜多經六百卷

天字至柰字號六十帙函號依印經

院有本

右佛於天上人間四處十六會說西域本有二十萬偈此方八部咸在其中唐三藏法師玄奘取全本於西域於玉華寺譯成六百卷般若空宗此焉周盡初法師將順衆意如羅什所翻除繁去重於夜夢中有極怖畏事還依廣翻即見殊勝境界遂不敢刪依梵本譯慶成之曰般若放光諸天雨華空中音樂異香芬烈法師曰此鎮國之典人天大寶經自記此方當有樂大乘

者國王大臣四部徒衆書寫受持讀誦流布皆得生天究竟解脫

已上出三藏法師傳

開元釋教錄云諸經以般若建初者謂諸佛之母也

般若六度之一數也五度未與大名唯此般若圓宗獨稱尊大乃是衆妙之淵府群智之玄宗萬法之本原衆聖之圓極所以前五但爲佐助與般若作其輔翼唯此獨立大名般若者此云智慧也

出經音疏序

第一會王舍城鷲峰山說第一卷

至第四百卷天字至

霜字號

右四十帙八十五品新譯此方舊來流傳佛在鷲峰菩薩聲聞衆集佛於一身分放大光明其光徧照三千大千世界及十方殫伽沙諸佛世界十方諸佛各遣大菩

薩衆持金蓮華奉釋迦佛佛知衆集告舍利弗爲諸菩薩衆說般若波羅蜜多舍利弗滿慈子與佛問答演說初會四百卷經中說一切法五蘊十二處十八界十二緣生三十七菩提分法四靜慮定四無色定八解脫八勝處九次第定十徧處如來三身四智十力四無畏四無量心六神通十八不共法三十二相八十種好一切功德皆從六波羅蜜生般若波羅蜜多最大最勝最爲第一更無過者餘五波羅蜜皆攝入此般若波羅蜜中一切諸法若無般若不得名爲到彼岸故

佛說內空內六根空故外空外六塵空故內外空根塵皆空故空空一切法空故大空十方皆空故勝義空涅槃亦空故有爲

空三界皆空故無爲空無生住異滅故畢竟空諸法竟不可得故無際空無初中後故散空散謂有放有棄有捨可得此由散空無變異空無放無棄無捨本性空一切法非佛所作本性空故自相空一切法自相皆空如變礙是色自相領納是受自相等共相空謂一切法如苦是有漏法共相無常是有爲法共相空無我是一切法共相等一切法空謂五蘊十二處十八界有色無色有見無見有對無對有漏無漏有爲無爲法皆空故不可得空三際不可得故無性空無少法可得故自性空諸法能_九和合自性空故無性自性空諸法無能和合性有所和合自性皆空故_五十六波羅蜜三解脫十力十八不共一切智四果二

乘十地究竟涅槃皆如夢如幻設更有法勝涅槃者我亦說爲如夢如幻何以故幻化夢事與一切法乃至涅槃皆悉無二無二分故^{八十一}一切諸佛一切功德無不皆從此般若波羅蜜多所生故一切三乘賢聖五果福地乃至人天富樂自在福德吉祥亦不離此般若波羅蜜多一切世出世間諸功德善法若無般若爲其先導如人無眼則無所往

若人受持讀誦恭敬供養繫念在心而不忘失者即知是成佛之前相去佛非遠故如是之人一切魔怨外道不能惱亂一切毒藥毒蛇惡獸不敢傷害諸惡鬼神悉皆遠離水火風災亦所不及若入軍陣刀箭不中戰鬪得勝一切災難無不滅者

則法師序云大般若經者希代之絕唱曠劫之遐津光被人天括囊真俗誠入神之奧府有國之靈鎮舊已譯八部纔現半珠今具十六會乃握全寶義既天悠辭仍海溢且爲諸分之本又是前古未傳此初會經四百卷八十五品矣^{唐西明寺沙門玄奘譯}

第二會四百一至四百七十八卷

^{金字至}

右則法師序云舌覆大千身分巨億普利六趣震動十方是使微塵刹土不動而遊恒沙諸佛不謀而證非般若^十至曠孰能致此同幻花之開落不滅不生比夢像之妍媸無染無淨颺谷投響則毀譽共銷月池寢色則物我俱謝文優理詣感通悟永此會凡八十五品七十八卷即舊大品光讚

放光本同譯別然大品之於光讚詞倍豐而加美此分之於大品文益具而彌正讚輝校寶豈不盛歟舊譯闕常啼等品餘意大同

第三會從四百七十九卷至五百三十七卷
崗字至珠

右新譯三十一品五十九卷於舊無涉佛言若諸菩薩欲疾證得一切智智應學般若波羅蜜多欲超聲聞獨覺等地欲住菩薩不退轉地欲得殊勝六種神通欲以一念隨喜之心超過一切聲聞獨覺施戒定慧忍進欲以一食一香一華一燈一衣一蓋一幢一旛供養十方沙界如來欲滿足六波羅蜜欲得一切如來殊勝功德欲得如上無量無邊殊勝功德應學般若波羅

經一

十一

蜜多

四百七十九此但略出詳如本經

第四會從五百三十八卷至五百五十五卷夜稱

右第八譯二十九品一十八卷一切凡夫剖名相之符保癡愛之宅所以措懷有著擬議必違至真反此動寂斯會以假名般若授假名菩薩是持幻法與幻人故無作亦無得此晨蜉之語歲夢蝶之議覺乎此會一十九品一十八卷即舊小品道行新道行明度經品之爲言分也分有長短故有小品大品焉道行即分中之初品譯者取以別經明度乃智度之異言即就總目爲號寔由殘闕未具故使名題亦差今大教克圓鴻規允布心術之要可復道哉出則

法師開元釋教錄云放光大品新舊譯耳

大品爲新放光爲舊

第五會十卷 光

右二十四品第五百五十六卷

至五百六十五卷

佛言若諸菩薩但聞般若波羅蜜多尚獲無邊功德勝利況深信解如說修行是諸菩薩近一切智安住真如疾證菩提若有菩薩說聲聞法令三千大千世界一切有情悉皆證得阿羅漢果所獲福聚甚多若菩薩爲諸有情宣說般若乃至一彈指頃所獲福聚甚多於前

五百六十五流通品

則法師序曰夫見生死者三有著涅槃者二乘知生死空斯出三界矣知涅槃空斯過二地矣此會二十四品十卷舊未傳譯是大經略譯覽者固當不以抵羽而輕積珍矣

卷一

十二

第六會八卷

自第一會至第五會並在鷲峯山說

第十二

右十七品第五百六十六卷至五百七十

三卷最勝天王問佛說即舊勝天王般若

本同譯別此第二譯發明弘旨敞拔幽關

固已法寶駢映義林交積

則法師序

第七會室羅筏城給孤獨園說曼殊室利

珍卷

右第五百七十四卷至七十五卷與舊譯

文殊般若本同譯別此第三譯則法師序

曰即相無觀真如之壯觀即慮無知種智

之默識既泯修而造修亦絕學而趣學狀

其區別則菩提萬流斷其混茫則涅槃一

相一相則不見生死萬流則無非佛法不

壞假名而開實相法尚不有何有菩提尚

無菩提何有證得此會即舊譯文殊般若

矣

第八會一卷

右一品那伽室利分第五百七十六卷與舊譯濡首菩薩分衛經本同譯別此第三譯則法師序曰縱觀空術澄襟海定蜃樓切景知積氣以忘躋鸞鏡含姿悟惟空而輟覽故能自近鑒遠由真立俗識危生之露集知幻質之泡浮電倏青氣之輝雲空軒蓋之影文約理贍昔秘今傳雖一軸單譯而三復固多重味矣

第九會

第八第九會並在給孤獨園

說能斷金剛分一卷

右第四譯第五百七十七卷與舊金剛般若本同譯別凡本具云能斷金剛般若欲明菩薩以分別爲煩惱而分別之惑堅類金剛此經所詮無分別慧乃能除斷故知

舊譯失上二字又下文三問闕一九喻闕

三法師具依梵本翻譯

出三藏法師傳

則法師序冲照倬存逸韻遐舉承閑語要三問傑其標節理情塗兩如肅其致窮非想以布想攝衆度以檀度格虛空而未量汎聲香而不住忘法身於相好豈見如來分刹土於微塵誰爲世界河沙數非多之多福山王比非大之大身法性絕言謂有說而便謗菩提離取知無授而乃成皆所以拂靄疑津剪萌心逕廣略二本前後五譯無新無故逾鍊逾明經卷所在則爲有佛故受持之迹其驗若神傳之物聽具如別錄

第十會他化自在天王宮說般若理趣分一卷

右一卷第五百七十八卷與後譯實相般若本同譯別般若理趣分者蓋乃覈諸會之旨歸綰積篇之宗緒心疑旨叅義皎詞明言理則理邃寰中談趣則趣冲垓表雖一軸單譯而具該諸分若不留連此旨咀

味斯文何能指晤遙津搜奇密藏矣則法師序

第十一會說施波羅蜜多分卷五 李

右新出無舊譯從五百七十九卷至五百八十三舍利弗言若菩薩欲證無上菩提一切行中應先行施作如是念我施十方界一切有情令永解脫惡趣生死未發無上菩提心者令速發心已發心者令永不退已不退者令速圓滿一切智智以布施善根勿招餘果唯證無上菩提能盡未來利樂一切如是乃名布施波羅蜜多普令

一切波羅蜜多皆得圓滿若無後心緣一切智回向菩提雖行布施而非波羅蜜多亦不能令餘所修習波羅蜜多速得圓滿亦不能得一切智智菩薩知一切法如幻化故行布施時無實可捨證正覺時實無所得如二幻師戲為交易此中二事俱非實有佛神力故令舍利子及大眾等見十方佛刹中諸菩薩廣大布施財施法施身命施等佛言求大菩提當如是施

第十二會說戒波羅蜜多分卷五

右新譯從五百八十四卷至五百八十八夫欲儲淨法先滌身器將越愛流前鳩行機戒者切身口而流訓則一言一行斯佛事矣因動靜以研幾則舉足下足皆道場矣誠嶮道之夷證闇室之凝釭度疫之僊

九出苦之神馭也五卷單譯一如施分則

序師

第十三會說忍波羅蜜多分卷一

右新譯第五百八十九卷佛言一切法皆如幻化畢竟性空畢竟空中無所諍競令彼聞已鬪諍心息其心平等猶若虛空不相伺求種種瑕隙由斯感得大丈夫相所莊嚴身一切有情見者歡喜乃至證得清涼涅槃畢竟安樂

則法師序曰將夷道梗爲坦心怨播親親於蠢徒闢蕩蕩於情路雖毀甚矛箭害窮壑粉必當內蠲我想外抵人相目鄰虛之有間投刃曷傷念機關之無主觸舟奚苦如大浸稽空而空無溺懼積洿歸澤而澤無垢念況已謝之聲毀譽一貫既遷之色

損益同科不有來損則攝受之路無從不有往慈則菩提之行無主翻爲善友更領深恩聞訾劇絲竹之娛得捶踰捧戴之悅太子之二目兼喪曾靡一心僊人之七分支解方酬七覺百矛集體百福之相開萬惱縈身萬德之基立語其大力則拔山無以喻談其無畏則賈勇弗之論一軸單譯不其要歟

第十四會說勤波羅蜜多分卷一第十一至十四會並在給孤獨園

右新譯第五百九十卷惟夫淺溜穿石小

疑一

十六

滴盈器鑽燧之勤斷幹之漸皆積微不已

故在著可觀單卷新譯

則法師序

經中詳說諸

菩薩懈怠精進行相

第十五會驚峯山說靜慮波羅蜜多分卷二柰

右新譯第五百九十一九十二卷夫心之用也大矣哉動則舛競聿興靜則衆變幾息大之充法界細之入鄰虛故海嶽寰區心之影也形骸耳目心之候也生死遭迴心之迷也菩提昭曠心之悟也三界唯此寔曰難調一處制之斯無不辦沈掉雙斥止觀兩明故統之則一如權之則二相敞之則三脫依之則四神行之則五印檢之則六念聚之則七善流之則八解階之則九次肆之則十徧其餘四念四等之儔五根五力之類如泥之在鈞金之在鍛唯所用耳豈有限哉故能力味精通神妙揮忽日月上掩川嶽下搖身徧十方聲覃六趣水火交質金玉易形殫變化之塗出思議之表

則法師序

卷一

十七

第十六會竹林園中白鷺池側說般若波羅蜜多分八卷

右新譯五百九十三卷至第六百佛言若於般若波羅蜜多甚深法門受持一句尚獲無量無邊功德況於此大般若經能具受持轉讀書寫供養流布廣爲他說彼所獲福不可思議說此法時無量無數菩薩得無生法忍復有無邊諸有情類皆發無上正等覺心爾時如來記彼決定當證無上菩提

放光般若波羅蜜經二十卷或三十卷三帙 菜重
右佛將說法先入三昧於一身分放大光明徧十方大千世界衆生見光皆得不退佛出廣長舌相放無量億百千光化爲十葉金色蓮華上皆有佛坐一一化佛皆

說六波羅蜜衆生聞者皆發大菩提心此

經二十卷九十品與前大經同

摩訶般若波羅蜜經四十卷

亦名大品般若經或三十卷四

帙芥薑海

光讚般若波羅蜜經十卷

或十卷

鹹

右三經與大般若第二會同本異譯其光

讚般若比於新經三分將一至散華品後

文並闕按姚秦僧叡小品序云斯經正文

凡有四種是佛異時適化廣略之說也其

多者云有十萬偈少者六百偈此之大品

即是天竺之中品也唯斯中品故知與大

經第二會同梵文也

龍樹菩薩造智度論釋大品經

摩訶般若波羅蜜鈔經五卷

一名須菩提品亦名長安品

河

右與小品道行經等同本異譯故初題云

疏一

十八

摩訶般若波羅蜜經道行品第一但文不

足三分過二准道行經後闕十品

道行般若波羅蜜經十卷

亦名般若道行品或八卷一帙

淡

小品般若波羅蜜經十卷

或七卷或八卷一帙

鱗

大明度經四卷 潛

右四經與大般若第四會同本異譯

勝天王般若波羅蜜經七卷

右與大般若第六會同本異譯

文殊師利所說摩訶般若波羅蜜經二卷羽

梁扶南三藏曼陀羅僊譯第一

右亦名文殊般若波羅蜜經初無十重光

後有一行三昧文言文殊師利童真者是

又編入寶積在第四十六會與後經名同

文殊師利所說般若波羅蜜經一同

梁扶南三藏僧伽婆羅譯第二

右初有十重光後無一行三昧文言文殊
師利法王子者是此本稍廣又此二經亦
互有廣略與大般若第七會曼殊室利分
同本異譯

濡首菩薩無上清淨分衛經一卷

一名決了諸法如幻

化三此與大般若第八會那伽室利分同本
殊經異譯新舊相比舊經稍廣

右文殊菩薩與龍吉祥菩薩等執應器錫
杖入城乞食舍利子須菩提等問答說佛
性離垢染故名無上清淨法身無像都無
煩勞無了不了如幻化影響無心無念無
言無說說是法身清淨功德時有百億菩
薩天人等得無生忍者發菩提心者一生
補處者共歎菩薩功德無量

金剛般若波羅蜜經一卷

秦鳩摩羅什譯第一

金剛般若波羅蜜經一卷

魏菩提留支譯第二

金剛般若波羅蜜經一卷

陳真諦譯第三

能斷金剛般若波羅蜜多經一卷

唐玄奘譯第四

能斷金剛般若波羅蜜多經一卷

義淨譯第五

右五經同本異譯三師造論同釋此經解在第九會

實相般若波羅蜜經一卷

右與大般若第十會般若理趣分同本異
譯西域梵文有廣略二本故實相理趣文
意乃同況大小異佛為諸菩薩說實謂真
實不虛妄故相謂體相自性凝寂故具真

如常寂之義故名實相

仁王護國般若波羅蜜經二卷或一卷

右佛爲十六國王等說法欲滅時一切有

情造惡業故國土災難競起日月星變水

火雨雹賊盜饑疫兵戈鬼神等種種災異

說救護法國王眷屬百官百姓皆當受持

般若七難即滅皆得安樂佛說菩薩行位

五忍十五地等法廣如本經

摩訶般若波羅蜜大明呪一卷

鳩摩羅什譯出經題第一譯

般若波羅蜜多心經一卷

唐玄奘譯第二譯二經同本異譯三王般若等三經大

義雖通大部全本大部中無是支派攝非從彼出

右二經於六百卷大般若中此爲要略若

受持讀誦有殊勝功德菩提不遠一切魔

怨外道毒藥蛇獸諸惡鬼神水火軍陣刀

箭風災不能爲害唐三藏法師到流沙逢

無量鬼神醜惡凶猛唯念般若心經聲發

即皆散滅出三藏法師傳

寶積部總八十二部一百六十九卷七十一卷

大寶積經一百二十卷翔字至文

右此經新舊重單合譯共四十九會合成

一部歷代譯者摘會別翻而不終部帙唐

南印度菩提流支翻譯二十六會三十九

卷並流支新譯二十三會八十一卷舊譯

者止勘同編入共成一部列會如左

第一三律儀會三卷翔

右與舊大方廣三戒經同本異譯從第一

卷至第三卷大迦葉問佛若諸衆生求於

佛法力無畏者攝受何法而修行增長成

熟諸如來道證入菩提得不退轉佛說此經名演說三戒亦名說菩薩禁戒亦名集一切佛法在家出家菩薩修行法門成就退失菩提法詳如本經

第二無邊莊嚴會四卷

右從第四至第七卷無邊莊嚴菩薩為諸菩薩求一切智善巧地者令得圓滿不思議願及一生補處所有善根等願佛開示如是法門佛說此經是無邊辯才攝一切義善巧法門由此能照了一切法斷一切疑

第三密迹金剛力士會七卷 龍

右從第八卷至第十四密迹金剛說如來身口心三秘密目連欲窮佛聲邊際過西方九十九恒河沙佛土終不能得其音常

近不遠應持菩薩過上方百億恒河沙佛土欲見佛頂相亦不能見樓至如來於賢劫千佛中最後成佛住壽長遠所度弟子一切聖眾等與九百九十九佛適等無異不可限量賢劫諸佛出世時密迹常持金剛侍衛其金剛杵擲於虛空復立于地帝釋目連盡其神力皆不能動密迹說是不可思議法時菩薩天人無央數發菩提心得法眼淨無生法忍諸佛世界六返震動大光明照十方無量佛土

第四淨居天子會二卷

卷二

右舊譯名菩薩說夢經新改名淨居天子會當第十五及十六卷佛說諸菩薩修行有夢中所見一百八相

第五無量壽如來會二卷

第十卷

右與舊無量清淨平等覺大阿彌陀無量壽經等同本異譯當第十七十八卷無量壽經四十八願平等覺經彌陀經皆二十四願文異理同與寶積經第五無量壽會同本異譯皆說極樂國勝妙彌陀願力勸人往生

第六不動如來會二卷

第二譯

右與舊阿閼佛國經等同本異譯當第十九卷及二十卷說妙喜世界種種勝妙不動佛行願功德

第七被甲莊嚴會五卷

師

右新譯從第二十一卷至第二十五佛爲無邊慧菩薩說菩薩被大甲冑乘于大乘行于大道持大法炬放大法光擊大法鼓霍大法雨此大菩提法爲諸衆生作大饒

定一

二十三

益

第八法界體性無分別會二卷

右與姚秦童壽所譯法界體性經同本異譯當第二十六二十七卷文殊師利說法界體性無汙染淨亦無向得無解脫者是心體性空無有實從妄想起非生住滅無縛無脫無向無得是經如佛光明一切普照

第九大乘十法會一卷

右與梁衆鎧所譯大乘十法經同本異譯當第二十八卷十法者一信成就二行成就三性成就四樂菩提心五樂法六觀正法行七行法順法八捨憍慢九善解如來祕密之教記聲聞得菩提言我背痛言我老弊問耆婆醫藥逐諸外道摘勝金槍馬

麥提婆宿怨乞食空鉢木器合腹謗等皆是善巧方便爲後世衆生利益故十者心不希求聲聞乘獨覺乘行是十法名住大乘此經能施一切衆生慧目大乘菩薩所當修學當得菩提

第十文殊師利普門會一卷

右與舊普門品經等同本異譯當第二十九卷佛說普入不思議法門色聲香味觸法八部三塗貪瞋癡善不善有爲無爲等二十八三昧平等法門若能受持則爲受持八萬四千法門說是經時七十二萬億那由他諸天一百八十萬人等發菩提心九萬二千菩薩得無生忍天魔憂苦涕泣如中毒箭衆生聞是經決定得不退轉空我境界

庭一

三十四

第十一出現光明會五卷 火

右新譯從第三十卷至第三十四月光童子問佛往昔修何等業得此無量無邊種種色光明佛爲說如來因地善根資糧圓滿成就相好光明等法門

第十二菩薩藏會二十卷 帝鳥

右從第三十五卷至第五十四三藏法師自西域回首譯出此經經初說王舍城五百長者問佛觀何等相棄捨家法悟大菩提佛言我觀世間衆生爲十苦所逼十惱害相憎嫉入十種惡見稠林爲十種大毒箭所中十不善道染汙纏縛我以是等故捨家趣無上道五百長者皆證阿羅漢次說如來十種不思議法一者如來身二者音聲三者智四者光五者戒定六者神通

七者十力八者四無畏九者大悲十者不
共佛法四無量心六波羅蜜三十七品法
門四諦十二緣四攝等法檀波羅蜜中說
過去善攝受如來因地爲紡績人日以一
縷微線施佛願未來世成等正覺由此福
故十五拘胝劫不墮惡道千及爲輪王帝
釋累劫奉事諸佛致成菩提第四十卷精進
波羅蜜中說過去熾然精進如來因地修
行時於千歲中不於彈指頃起睡眠及念
欲樂心不起稱量飲食鹹淡甘苦心不觀
授食人面是男是女於樹下坐不一仰觀
樹相於千歲中不曾起念論世間無益之
語起如是妙行修如是道迹勇猛精進未
曾休息四十卷釋迦如來因地作天帝釋於
瞻部洲大疾疫劫化大身令病苦衆生割

截身肉食已病愈以願力故隨割隨生食
其肉者乃無一人墮於惡道皆住三乘得
不退轉有如是力四十卷如是等微妙法門
不可具舉佛言欲疾證得菩提者當於如
是大菩薩藏微妙法門猛利殷重讀誦修
習廣爲他說此是諸菩薩等聖珍寶藏當
勤修學如我所證

第十三佛爲阿難說處胎會一卷

右與舊胞胎經同本異譯當第五十五卷

第十四佛說入胎藏會二卷

右唐舊譯單本當第五十六卷及五十七

此入胎藏會本名佛爲難陀說出家入胎
經在根本說一切有部毗奈耶雜事第十
一十二卷三藏義淨析出別行說人受生入胎種種事本
同譯別入胎藏會經初說佛種種方便化
難陀離欲出家事經末說難陀往昔設浴

供佛等緣致金色身具三十相短佛四指
今得證果事比舊經增多

第十五文殊師利授記會三卷

右與文殊師利佛土嚴淨同本異譯從第

五十八卷至第六十說菩薩嚴淨佛土種

種行願及普見如來佛刹種種勝妙功德

西方極樂世界莊嚴如一滴水普見佛刹

莊嚴如大海水壽量衆會不可思議十方

無量無邊佛刹中一切如來皆是文殊之

所勸教成就

第十六菩薩見寶會十六卷 官

右從第六十一卷至第七十六佛成道已

還迦毗羅城將化父王時國人迎佛天龍

八部圍繞禮敬佛現神通說法授諸天人

非人及外道等菩提記佛爲淨飯王等說

六界差別法門七十三至七十六地水火風空識
界十八界一切法皆空諸根如幻境界如
夢此法是一切菩薩之所修行一切諸佛
之所證得次四轉輪王品說佛往昔爲轉
輪王七寶具足福力殊勝與帝釋分座以

貪欲故從天墮沒以不放逸故於帝釋所
亦無貪著說是經時淨飯王等七萬釋種
得無生忍佛記皆當往生無量壽佛國後
皆成佛

第十七富樓那會三卷

右舊譯本名菩薩藏經亦名大悲心經同

本異譯從第七十七卷至七十九說諸菩

薩修行布施精進忍辱多聞修慈修喜等

法致不退轉大悲品說佛昔因夜闍然兩

臂照道救失路諸賈客爲大畜身以血肉

施諸衆生乃至一劫爲大力王以身分割
施婆羅門八萬四千歲中爲惡魔罵辱心
不瞋恨亦不言我有何罪無量百千萬世
割肉刺血施諸衆生如是種種難行苦行
第十八護國菩薩會二卷 人皇

右當第八十卷及八十一護國菩薩問佛
菩薩修行王等於一切法增長功德到究
竟處而得自在入一切智佛爲說清淨無
畏喜捨調伏退墮障道繫縛等法說佛昔
因爲國王王子商主女人及爲鹿馬師象
龜猿雉兔等受種種身捨施身命利益衆
生求無上道略說五十餘緣次說無量壽
釋迦阿閼佛昔爲國王王子天神供養諸
佛本緣

第十九郁伽長者會一卷

右與法鏡經及郁迦羅越問菩薩行經等
同本異譯當第八十二卷說在家種種過
患功德出家菩薩修行功德之法

第二十無盡伏藏會二卷

右新譯當第八十三卷及第八十四卷說
菩薩五種伏藏成就殊勝功德速證菩提

第二十一授幻師跋陀羅記會一卷

右與舊幻士仁賢經同本異譯當第八十
五卷王舍城中幻士以幻術變化諸佛及
僧供養心中念悔欲得滅沒所化莊嚴等
以佛神力令不滅沒七日佛言一切諸法
如我之身及大千世界皆如幻化爲跋陀
羅說法授記

第二十二大神變會二卷

右新譯當第八十六卷及第八十七說如

來有大神變說法教戒神通等事後說商主天子授記成佛

第二十三摩訶迦葉會二卷

右當第八十八卷及第八十九說破戒妄言得果貪著名利嫉妬瞋害種種罪相教誡切至

第二十四優波羅會一卷

右與舊決定毗尼經同本異譯當第九十卷說菩薩聲聞戒律持犯開遮輕重盡護不盡護種種差別等法

第二十五發勝志樂會二卷

右與舊發覺淨心經同本異譯當第九十一卷及九十二卷說初業菩薩業郭閻鈍好世話睡眠戲論廣營眾務貪著所不應為忘失正念行迷惑捨由昔惡業久墮地

疑一

二十九

獄故福慧微少懺罪發願後當得生彌陀佛國當捨利養當觀察憤鬧世話睡眠營務戲論各有二十種過失

第二十六善臂菩薩會二卷

右舊譯當第九十三卷及第九十四佛說菩薩當具足六波羅蜜法

第二十七善順菩薩會一卷

右當第九十五卷此經與過字函須賴經同本異譯解在彼經

第二十八勤授長者會一卷

右當第九十六卷佛為五百長者說發菩提心者所應學應住應所修行法門於身命財妻子屋宅飲食車服一切樂具應無所著應觀此身無量過患四十四種可厭惡事長者聞法得無生忍受成佛記

第二十九優陀延王會一卷

右與舊優填王經同本異譯當第九十七

卷新說三經
互爲廣略佛說耽著女色欲染過患苦

切詳悉

第三十妙慧童女會

兼後一卷

右與舊兩譯須摩提經及流志先譯妙慧

童女經同本異譯當第九十八卷從初至

半王舍城長者女名妙慧年始八歲問佛

云何得端正身得富貴身得眷屬不壞得

蓮華座化生佛前從一佛土至一佛土處

世無怨所言人信離鄣清淨能離諸魔臨

終諸佛現前佛爲說四十行童女受成佛

記即變成男子

第三十一恒河上優婆夷會

與前同卷

右當第九十八卷從半至末說一切法如

三十一

三十一

幻化如虛空心尚不可得何況心所生法

一切法皆無所得名真修梵行往昔千佛

亦於此處說如是法

第三十二無畏德菩薩會一卷

右與阿闍世王女阿術達菩薩經等同本

異譯當第九十九卷無畏德年始十二見

聲聞不起不迎不問不禮王問之云轉輪

聖王迎小王不帝釋迎餘天不大海神禮

河池神不日月光神禮螢火不如是等廣

說二乘與大菩薩人種種差別與舍利目

連迦葉須菩提問答妙法見佛即轉女身

受成佛記

第三十三無垢施菩薩應辯會一卷

右與離垢施女經及得無垢女經同本異

譯當第一百卷波斯匿王女年始八歲與

大聲聞迦葉舍利弗等大菩薩文殊觀音
等問答法要見佛問法即轉女身受成佛
記

大聖藏教法寶標目卷第一

度一

三

音釋

安佚

佚弋質切安誤造也臆於力切

速也

笈渠立切負括古括切掬兩居六切

也

瞭明也懲戒也贖深也

也

檝舟權也蹬級也道也矛莫侯切壑稽祖

也

碎覃徒含切殫都寒切掬古岳切槍七

也

切稍

大藏聖教法寶標目卷第二

庭二

元清源居士王古撰

第三十四功德寶華敷菩薩會

右當第一百一卷從初至半說持誦十方現在佛名所得殊勝功德

第三十五善德天子會

庭二
與前同卷

右與流志先譯文殊師利所說不思議佛境界經同本異譯當第一百一卷從半至末文殊演說諸佛不思議甚深境界

第三十六善住意天子會四卷

右與如幻三昧經及聖善住意經等同本異譯從第一百二卷至第一百五文殊放大光明召集十方諸菩薩衆不可計數諸大弟子入四萬三昧而不能見善住天子已曾供養多佛入深法忍辯才無礙文殊

與俱見佛問法是經說甚深法不施不慳不戒不犯不忍不諍不進不怠不禪不亂不智不愚無凡夫無佛不因緣不無緣等法門過去已有七十四億那由他百千諸佛說此法彌勒賢劫未來千佛亦爾又欲度造逆罪菩薩故文殊持劔逼佛佛爲說法諸菩薩得無生法忍

第三十七阿闍世王子會

兼後三卷

右與舊太子剎護太子和休二經同本異譯當第一百六卷從初至半剎護和休王太子名也問佛何因緣得端正蓮華化生知宿命相好智慧三昧不生八難生天上得六神通等佛隨問演說王子與俱來五百同友受成佛記

第三十八大乘方便會

右與慧上菩薩問大善權經等同本異譯
從第一百六卷半至一百八卷盡慧上菩
薩問佛說諸菩薩以一搏食施給一切衆
生一香一華供養十方佛禮敬一佛即禮
敬十方佛如是等種種善權方便法門以
至八相成道疾二示現金槍馬麥十餘殃事等
皆是如來善權方便教化衆生

第三十九賢護長者會二卷

右舊譯本名移識經新故名賢護長者會
從一百九至一百十卷此二經本同譯別
賢護童真問佛衆生有識如寶在篋不顯
不知身謝識遷如夢遷化捨此受彼獲當
來報受種種身遷轉遷滅往來苦樂等事
又大藥王子問佛識捨於身作何形像佛
爲種種譬喻顯說

第四十淨信童女會兼後三卷文

右當第一百一十一卷初波斯匿王女問
佛菩薩正修行法得堅固力安住生死成
熟衆生六度四無量五神通化生諸佛前
轉女身降魔轉法輪等佛爲說此經

第四十一彌勒菩薩問八法會

右本名彌勒菩薩所問經與大乘方等要
慧經同本異譯當第一百一十一卷中八此
法會有釋論五卷其說不退轉菩薩降伏
要慧經文少略耳魔怨知一切法於諸世間心不疲倦速成
菩提等疾三

第四十二彌勒菩薩所問會

右與舊彌勒菩薩所問本願經等同本異
譯當第一百一十二卷末佛說彌勒以善
權方便安樂行晝夜六時禮佛懺悔勸請

諸佛及願於來世人民無垢穢奉行十善時成佛釋迦佛以身命布施勇猛精進願於五濁惡世成佛度生

第四十三普明菩薩會一卷

右與摩訶衍寶嚴佛遺日摩尼寶二經同

本異譯當第一百一十二卷

此舊寶積經有釋論四卷

佛說諸菩薩修行求無上菩提增進退失善惡邪正種種行相及有三十二法得稱菩薩及說菩薩二乘差別中道觀心等種種譬喻真實沙門像似沙門諸善惡事相教戒切至種種法義富備微妙學佛者當常誦讀

第四十四寶梁聚會二卷

右當第一百一十三卷及一百一十四佛說沙門善惡垢淨梵非梵行種種事相營

事比丘於三寶物中所不應作受諸罪報住阿蘭若乞食受糞掃衣等教戒精切此經名選擇一切法寶亦名安住聖種儀式亦名寶聚亦名寶藏

第四十五無盡慧菩薩會

兼後二卷

右當第一百一十五卷初說十波羅蜜入十地先相等法

第四十六文殊說般若會

右與大般若曼殊室利分及衆鎧所譯文殊般若同本異譯從第一百一十五卷中

疏二

四

至一百一十六卷末解在羽字號文殊所說般若經

第四十七寶髻菩薩會二卷

右亦名菩薩淨行經與大集寶髻品及康僧會所出菩薩淨行經同本異譯當第一

百一十七卷及一百一十八卷

此寶誓會釋論一卷

佛說六波羅蜜三十七菩提分法菩薩淨行等

第四十八勝鬘夫人會一卷

右與舊勝鬘師子吼一乘大方便經等同本異譯當第一百一十九卷勝鬘夫人波斯匿王末利夫人之女禮敬讚歎如來真實功德佛爲授記號普光如來佛言此經成就無量無邊功德一切聲聞緣覺不能究竟觀察知見此經歎如來真實第一義功德大受大願攝受正法入一乘如來藏法身空義及自性清淨心等義分十五章斷一切疑決定了義入一乘道

第四十九廣博仙人會一卷

右與舊毗耶娑經同本異譯當第一百二

卷二

五

十卷毗耶娑五通仙人領眷屬五百仙人勤修苦行不食而齋有光明名聞問佛云何布施死已得福福在何處有何形段佛涅槃已供養塔等誰爲受者得何福報佛如所問爲說有三十三種垢染布施不得果報及說種種上施若佛現在若已滅後供養得福無異復有五種無上施謂佛及僧及說法者及父母復說生死轉識及生諸天欲樂衰相等事

大方廣三戒經三卷

右與寶積第一三律儀會同本異譯解在寶積第一會

無量清淨平等覺經四卷

後漢譯

阿彌陀三耶三佛薩樓佛檀過度人道經

兩卷

吳譯

無量壽佛經兩卷

曹魏譯

右三經譯文詳略小異本一經也

阿閼佛國經二卷 乃

右與寶積經第六不動如來會同本異譯解在寶積

文殊佛土嚴淨經二卷

右與寶積經第十五文殊授記會本同譯

別解在寶積

法鏡經二卷 或一卷 第一譯

郁迦羅越問菩薩行經一卷 或云郁迦長者經或二卷 第

四譯六譯三闕

右二經與寶積第十九郁伽長者會同本

異譯解在寶積

疾二

六

大乘十法經一卷

右與寶積第九大乘十法會同本異譯解在寶積

胞胎經一卷

右與寶積第五十五五十六五十七卷胎

藏會本同譯別解在寶積

普門品經一卷

右與寶積第十文殊師利普門會同本異

譯解在寶積

幻士仁賢經一卷 或云仁賢經 服

右與寶積第二十一授幻師記會同本異

譯解在寶積

決定毗尼經一卷 一名破壞心識

右與寶積第二十四優波離會同本異譯

解在寶積

發覺淨心經二卷

右與寶積第二十五發勝志樂會同本異

譯解在寶積

優填王經一卷

右與寶積第二十九優陀延王會同本異

譯解在寶積

須摩提經一卷

亦直云須摩經

須摩提菩薩經一卷

右二經與寶積第三十妙慧童女會同本

異譯解在寶積

阿闍世王女阿術達菩薩經一卷

右與寶積第三十二無畏德會同本異譯

解在寶積

離垢施女經一卷

西晉法護譯

得無垢女經一卷

或云無垢女經一名論義辯才法門

第三譯

衣

右二經與寶積第三十三無垢施會同本

異譯解在寶積

文殊師利所說不思議佛境界經二卷

第一

右與寶積第三十五善德天子會同本異

譯解在寶積

佛說如幻三昧經二卷

聖善住意天子所問經三卷

右二經與寶積第三十六善住意會本同

譯別解在寶積

太子刷護經

太子和休經

右二經與寶積第三十七阿闍世王子會

本同譯別解在寶積

慧上菩薩問大善權經二卷 棠

右與寶積第三十八大乘方便會同本異

譯解在寶積

大乘顯識經二卷 第二唐譯

右與寶積第三十九賢護長者會同本異

譯解在寶積 第二

大乘方等要慧經一卷

右與寶積第四十一彌勒問八法會同本

異譯比八法會甚略解在寶積

彌勒菩薩所問本願經一卷

右與寶積第四十二彌勒所問會同本異

譯比後譯文不足解在寶積

佛遺日摩尼寶經一卷 亦名遺說般若經

摩訶衍寶嚴經一卷 一名大迦葉品

右二經與寶積第四十三普明菩薩會同

本異譯三經互有詳略佛言此經所在是

爲天下最妙之塔寺若從法師聞當敬法

師如佛若敬法師供養奉持必得無上道

命終之時要見如來當得身口意各十種

清淨恒沙國土滿中七寶供養恒沙諸佛

及弟子衆恒沙劫一切施安起七寶塔不

如受持讀誦此經餘解在寶積

勝鬘師子吼一乘大方便方廣經一卷 亦直云勝

經第二譯

右與寶積第四十八勝鬘夫人會同本異

譯解在寶積 第三

毗耶娑問經二卷

右一經與寶積第四十九廣博仙人會同

本異譯解在寶積

大集部一百四十二卷一十四帙

大方等大集經六十卷 推字至虞字

右佛成正覺十六年菩薩海眾悉來大集
佛於無緣象王眾中欲宣說菩薩法藏令
知諸佛深境界故於欲色天二界中間化
七寶坊如大千世界諸天龍鬼神等并及
十方佛刹諸菩薩眾一時雲集佛說菩薩
種種莊嚴種種光明十六大悲壞眾三
十二惡業如來大悲行相因緣及如來三
十二業真實慧根慧業等法一至寶女所問品六至說實語義語毗尼十力四無畏
十八不共法三十七助菩提分三十二相
業因三十二障大乘法三十二速成就大
乘法如是等無量寶聚不昀菩薩品說一
切諸法自在三昧等第七海慧菩薩品說淨印三昧攝取大乘障礙大乘法八至諸菩

薩各各說如是法住法門海慧說諸魔業
佛說破壞魔業調伏波旬十次無言菩薩品解在發虛空藏菩薩品說虛空藏功德
神通智辯方便行願等事一切法與虛空
等微妙法門十二至十九次說十方諸佛會集
寶坊調伏眾魔十二他方諸佛會中各有大
菩薩眾來集佛為海眾說經四無量品說
修慈悲喜捨淨目品說諸菩薩或作天像
鬼脩羅八部鳥獸之像教化眾生閻浮提
外有十二辰屬蛇馬羊等修聲聞慈各各
一日一夜巡行教化眾生二十二至寶髻品二十五至解在寶積四十七會菩薩品
二十七至三十解在罪字函三十一至三十三日
密分三十四至四十五日藏分與前日密
分同本異譯口密分文中稍略此中稍廣十方恒河沙

佛世界諸菩薩皆來集會佛說若住處有五比丘持法畏罪求解脫道供養獲大功德侵奪得大罪報破戒受施及在家人受侵損僧伽藍種種物皆獲大惡報諸佛刹各有大菩薩衆來禮敬佛說陀羅尼種種利益衆生等法星宿品說二十八宿等事濟龍品說諸龍受生受苦受樂業報因緣受三歸依盲龍即得淨眼熱惱餓龍皆得安隱佛付囑天龍大力鬼神等守護國土衆生等四十六至五十七月藏分說月藏

菩薩與八十億那由他菩薩從西方禮敬供養如來說吉祥呪利益衆生次波旬品說調伏魔事次說大集十方一切佛土無餘諸菩薩百億三界一切龍天諸部大鬼神等悉集無餘顯說甚深佛法爲護世間

度二

十一

故以閻浮提諸國土付囑釋梵護世諸天一切龍神修羅夜叉鬼神等各各分布安置護持養育除障護善令法久住五十八至六十說菩薩修行校量失行不失行甚詳

大乘大集地藏十輪經十卷 陶

大方等十輪經八卷 唐

右二經同本異譯佛說地藏菩薩已於無量無數大劫五濁惡時無佛世界成熟有情具足不可思議殊勝功德於十方諸佛國土利益安樂一切有情除一切病惱憂苦遍切滿一切求願有人於一食頃歸依供養諸所求願速得滿足勝於百劫歸依供養諸大菩薩經說末法惡時人敗根如坯器空見如生盲五欲如石田不苗十惡

如臭身垢穢此經滅衆生煩惱令三寶久住佛言我遺法弟子下至非器無戒行雖應罰治無令還俗護持我法國王大臣宰官長壽安樂獲十種功德利益十輪者人王治國選用臣僚撫安民人教兵禦敵修營事業給養功藝賞善罰惡等有十王輪法佛輪十種教化衆生斷十惡修十善安立聖道降伏魔怨令修行人成無上道大集須彌藏經二卷

右如來功德天地藏觀音菩薩及諸龍王等各說神呪護持國土利益衆生

虛空孕菩薩經二卷 帛

虛空藏菩薩經 此後不開卷數者並是一卷

觀虛空藏菩薩經

虛空藏菩薩神呪經

虛二

十二

右四經同本異譯說虛空藏菩薩不可思議功德能滿種種求願救苦懺罪密塗治圍廁等法若見虛空藏天冠如意珠或珠印印文有除罪字或聞空中聲唱言罪滅皆是罪滅相禱疾病者或夢得藥或見像或疾病即除虛空藏或譯云虛空庫又爲虛空孕譯文不同其義一也以此而推觸類而長之則凡於佛說可以得意而忘言矣

菩薩念佛三昧經五卷

右與般舟三昧等經文別

十方等大集菩薩念佛三昧經十卷 民

右二經同本異譯諸天勸請佛說念佛三昧一切天龍夜叉阿脩羅菩薩羅漢人非人等海衆大集不空見菩薩見大神變妙

莊嚴事聞佛請法大弟子目連迦葉舍利

弗羅睺羅彌勒菩薩等說大神通各師子

吼佛說是三昧甚深經典

般舟三昧經三卷 伐

拔陂菩薩經

莊二

大方等大集賢護經五卷第七譯

十三

右三經同本異譯前後七譯梵語拔陂此

云賢護說念佛三昧功德佛言此經是諸

菩薩眼是菩薩父母受持隨喜獲無量無

邊福德速成無上菩提

阿差末經七卷晉曰無盡意 罪

無盡意菩薩經六卷

右二經同本異譯東方不眴世界現住普

賢如來刹土無盡意菩薩與六十億菩薩

俱來先現大光明神變舍利弗問無盡意

說初發心六度四無量六通四無礙智四

攝四依三十七助道等法門一一皆不可

盡說是法時次第有七十那由他又七十

六那由他天人又六十七百千衆生發菩

提心七萬六千又五百二千菩薩得無生

法忍三萬二千菩薩得日燈三昧十方諸

佛皆同讚喜此八十無盡法悉能舍受一

切佛法是諸菩薩不退轉即速能成就無

上菩提

大集譬喻王經二卷 周

右舍利弗問佛答聲聞獨覺智慧如一滴

水佛智菩薩智如大海水等種種譬喻甚

廣

大哀經八卷

右是大集經初陀羅自在王菩薩品異譯

卷初至第五卷半 此與大集經互有廣略佛放光

明十方佛刹諸大菩薩來集佛說無盡法門戒定光明莊嚴大悲哀愍衆生無量劫來教化度脫無有厭倦如來三十二事業菩薩八大總持等法智積菩薩問何謂智

庭二

十四

本何謂慧業佛爲分別解說十方佛刹六返震動及記魔波旬至佛法滅時生大歡喜墮阿鼻地獄受大苦故念佛教故心得淨信即於地獄命終生三十三天復積善根以至涅槃

寶女所問經四卷 發

右是大集經寶女品異譯出第五卷半後至第七卷解在大集

無言童子經二卷

右是大集經第十二卷無言菩薩品異譯

同本童子生不啼泣乃至八歲無所言說佛言此童子是大菩薩已曾供養無量無邊諸佛得不退轉當成無上道我今說是大集經典此童子於此中當說經法利益無量衆生湧身空中讚佛功德問答法要無量衆生發菩提心數十萬菩薩得無生忍金剛齊菩薩與六萬億諸菩薩從東方佛土來在釋迦佛身內坐蓮華臺聽汝而於佛身無有逼觸而佛身無增無減無礙有如是等不可思議法門

庭二

十五

自在王菩薩經二卷

奮迅王問經二卷

右二經同本異譯說菩薩四自在法一戒二神通三智四慧一切聲聞辟支佛之所無有金剛齊菩薩安住於戒八萬四千諸

魔千歲隨逐乃至不見一念心散可得怖
惱魔言我於千歲求汝心行不能知處菩
薩言恒河沙劫求之亦不能得心不在內
不在外不在中如幻化人尚無有心況心
行處魔等受化皆爲弟子往昔金剛齊即
自在王菩薩是也四自在中各有如是微
妙法門

寶星陀羅尼經十卷

佛說陀羅尼變五百魔女爲丈夫身大集
十方佛現大神變降魔衆說諸神呪祐護
一切等事

華嚴部總二十六部一百八十七卷一十八
帙

古華嚴經六十卷 湯字至道字

右第一晉譯唐譯九會晉經七會初闕十

定品重會普光故唯八會唐譯三十九品
晉經三十四品初會中唯有二品一世間
淨眼品即今世主品盧舍那品即今現相
已下五品初會闕四兼闕十定故唯三十
四品餘諸品會大同文有小異翻梵本三
萬六千頌成五十卷或六十卷唐譯益九
千頌通舊總四萬五千頌合成唐本八十
卷按隋譯經三藏崛多云于闐國東南二
千餘里有遮拘迦國王宮有摩訶般若大
集華嚴三部大經並十萬偈旋二般若經裝法
師已取到全譯出六百卷外大集經若具
出可三百卷華嚴十萬偈今八十卷繞僅
半珠唯願支那緣熟諸聖加被大經東傳
早見全寶使大法明普照無極

大方廣佛華嚴經八十卷 垂字至首字

右唐譯此經七處九會說三十九品八十卷七處者人中三天上四初諸來海會諸菩薩作是思惟云何是諸佛地云何是諸佛境界云何是諸佛神力諸佛所行諸佛神通諸佛無所畏諸佛三昧諸佛無能攝取諸佛眼諸佛耳諸佛鼻諸佛舌諸佛身諸佛意諸佛身光諸佛光明諸佛聲諸佛智願佛世尊開示演說又諸佛皆說世界海衆生海佛海佛波羅蜜海佛解脫海佛變化海佛演說海佛名號海佛壽量海及一切菩薩誓願海發趣海助道海乘海行海出離海神通海波羅蜜海一切菩薩地海一切菩薩智海十住十行十迴向十藏十地十願十定十通十頂爲成就一切菩薩故令如來種性不斷故演說一切諸法

卷二

十七

故永斷一切疑網故願佛亦爲我等如是而說九會所說經共答此問詳如大疏第一會菩提場中說世主妙嚴至毗盧遮那品六品十一卷經名舉果勸樂生信分謂舉揚如來十種法界無盡身雲二十重華藏莊嚴剎海依正二報難思之果勸厲當機聞而樂欲生其淨信發趣修行如佛證故第二會普光明殿說十信等第三會忉利天宮說十住等第四會夜摩天宮說十行等第五會兜率陀天宮說十迴向等第六會他化自在天宮說十地等第七重會普光明殿說十定十通十忍等從如來名號品至如來出現品三十一品四十一卷名修因契果生解分因謂因行豎該六位果謂佛果總攝十身進修契證令生勝

解欲使一乘圓機依此所詮發揚妙智進趣修行成六位之圓因契十身之滿果第八普光明殿普賢說離世間一品七卷經二千行法名託法進修行分謂上差別因果生解既終今乃寄託前法攝解成行故隨舉一行六位頓修古德頌云河傾二百問瓶瀉二千酬一心觀性海萬行炳齊修六位因成滿八相果圓周是也第九會給孤獨園說入法界品二十一卷經名依人證入成德分由前大行既具觸事造微故善財依佛菩薩歷事知識隨所見聞無不契入總斯教理不出信解行證若兼所信所解所行所證即自真心共成五字斯乃本末該羅頓漸融攝皆指一心同歸性海耳此經以入法界緣起普賢行願爲宗

旋二

十八

諸佛祕藏如來圓教不思議解脫頓入佛

乘已上清涼疏

華嚴一乘祕教亦名不思議解脫經功用大故感應亦大一四句偈地獄衆生聞之而脫苦壘掌滴水螻蟻微類承之而生天欲學佛心慧了佛境界證佛地位依此一乘法性海而修行者不歷地位初發心時便成正覺悉與三世諸如來等譬如衆流一滴之才纔入海中即名海水若依大乘二乘權教備修萬行綿歷多劫不如聞是經以少方便疾得菩提經云此經不入一切衆生二乘人手唯除菩薩摩訶薩一切聲聞緣覺不聞此經何況受持若菩薩億那由他劫行六波羅蜜不聞此經雖聞不信是等猶爲假名菩薩若有此經卷地即

是如來塔廟禮拜供養彼衆生等具足善
根滅煩惱患得賢聖樂聞此普賢大行海
印深定法界體性方知華嚴是佛根本教
釋氏宗極故修此感應傳廣示未聞出華
嚴感應傳

庭二

十九

信力入印法門經五卷

右上三卷佛說諸菩薩清淨初歡喜地得
大無畏安隱處法次二卷普賢說諸佛無
障礙智教化衆生力自然智普門現前無
邊身一切徧見無差別無依止智等法門
末說信毀種種罪福

度諸佛境界智光嚴經

佛華嚴入如來德智不思議境界經二卷

大方廣入如來智德不思議經

右三經同本異譯說如來安坐不動而普

現一切利益衆生

大方廣佛華嚴經不思議入佛境界分

大方廣如來不思議境界經

右二經同本異譯普賢說佛出現乃至涅槃刹土時劫光明威德等事皆不可思議

及諸菩薩修習法門

大乘金剛髻珠菩薩修行分

右說佛於往昔經無量劫承事諸佛修習

法門

大方廣佛華嚴經修慈分 伏

右彌勒問佛云何少用功力安樂無倦而

能速證廣大佛法在生死中不受無量衆

苦逼迫於諸佛法速得圓滿佛說應修慈

心爲最上功德速具相好成無上正覺想

念身中有十方諸佛國土隨一切衆生所

須與種種安樂捨離瞋恨怨結平等利益
是修慈人乃至未能離於分別起我我所
見亦常得六種梵天之福無始惡業皆得
消滅

大方廣普賢菩薩所說經

莊二

辛

莊嚴菩提心經

大方廣十地經

右三經同本異譯信力入印法門等十一
經並與華嚴分有相似是眷屬攝而非正
部

兜沙經

石是華嚴經如來名號品異譯

菩薩本業經

諸菩薩求佛本業經

右二經是華嚴淨行品異譯

菩薩十住行道品

菩薩十住經

右二經是華嚴菩薩十住品譯新經在第十六卷略

無偈

漸備一切智德經五卷

十住經四卷 戎

右二經是華嚴十地品異譯天親菩薩造釋論二十二卷

卷

等目菩薩所問三昧經三卷

右是華嚴十定品異譯

莊二

三一

顯無邊佛土功德經

右是華嚴壽量品異譯

如來興顯經四卷

右是舊華嚴寶王如來性起品及十忍品

異譯新經名如來出現品

度世品經六卷 羌

右是華嚴離世間品異譯

羅摩伽經三卷

右是華嚴入法界品異譯

此羅摩伽經比於本品文闕不

同於其中間譯出少分爾

大方廣佛華嚴經

右續華嚴經入法界品

或有經本續入大部之中在第五十

卷七

涅槃部總六部五十八卷六帙

大般涅槃經四十卷 遐邇壹體

右北涼天竺三藏曇無讖第五譯宋文帝

元嘉年中達于建業時有沙門慧嚴慧觀

謝靈運等以識前經品數疎簡乃依舊泥

洎加之品目文有過質頗亦改治結爲三

十六卷行於江左比前經時有小異虛字

函有論一卷略釋大經又論一卷釋本有
今無一偈佛言吾滅度後汝等四衆當勤
護持我大涅槃我於無量萬億阿僧祇劫
修此難得大涅槃法今已顯說此是十方
三世一切諸佛金剛寶藏常樂我淨周圓
無闕最後究竟理極無遺諸佛於此放捨
身命故名涅槃汝等欲疾得菩提令一切
衆得出世法當勤修習此涅槃經出涅槃後分
宣律師問天人韋將軍曰諸佛說教何等
偈爲般若何等爲華嚴何等爲法華何等
爲涅槃答曰但是無相離我我所即入般
若但是說諸度萬行悲智攝益即入華嚴
但是授聲聞等記作佛即入法華但是決
擇邪正說一切衆生皆有佛性即入涅槃
如此決擇古今未有味道君子幸願知音

出靈
威傳

大般涅槃經後譯茶毗分二卷 率

右是前大般涅槃經之餘僑陳如品之末
兼說滅度已後茶毗等事佛言若佛滅後
一切信心所施佛物應造佛像衣七寶
幡蓋香油寶華除供養佛餘不得用即犯
盜佛物罪若佛現在若涅槃後有人以七
寶堂殿衣服飲食一切樂具恭敬供養佛
像及舍利如芥子許乃至尊重讚歎是二
人所得福德無二無別無量無邊能令眾
生離三界苦得涅槃樂佛欲涅槃以手却
衣顯出師子胸臆上昇虛空高七多羅樹
七返告言汝等大衆應當深心看我紫磨
黃金色身汝當修習如是清淨之緣於未
來世得此果報自今見已無復再覩佛欲

定二

三三

涅槃放大光明現種種大神變大聖金棺
力士衆人皆莫能舉佛神力故自然乘空
徐行入城西門而出東門左右繞城七市
諸人天等各設廣大殊勝供養梅檀沉水
積高如山人天舉火皆不能然待迦葉至
金棺自然開見佛相好紫磨金身閉棺已
復現雙足光照十方從佛心胸自然火出
分布舍利滿八斛金壘天上人間起塔供
養

大般泥洹經六卷

右是大般涅槃經之前分盡大衆問品同
本異譯

方等般泥洹經二卷 賓

四童子三昧經三卷

右二經同本異譯佛於雙樹間將入涅槃

諸弟子衆皆大哀戀有四童子皆大菩薩
從四方佛刹來現大神通會集供養與佛
阿難問答說法時無量無邊人天菩薩得
道得果得無生忍佛放大光明度諸地獄
極苦衆生皆即生天乃至成阿羅漢無央
數人天菩薩皆得道進果以至立無上正
真道魔波旬惱恨悲泣今日所度雖佛壽
一劫所度不能過此我界遂空佛言所未
度者如大地土所度者如爪上土耳及諸
佛爲羅云說法安慰佛言我所應度者皆
已度訖未度者皆已作得度因緣我所應
作皆已作竟

大悲經五卷

右說佛將涅槃諸弟子哀戀佛安慰阿難
等說正法不滅迦葉等及佛滅後有諸大

度二

二五

神通智慧威德弟子流布佛法汝勿憂愁
次說供養佛舍利如芥子及作形像塔廟
乃至散一華於空中若生一念敬信果報
福德不可思議終當得至涅槃佛執阿難
手付囑法藏令廣宣流布令勿隱沒第一
卷說大梵天王念言我能勝他他不如我
我是智者三千大千世界中大自在王造
化衆生世界等佛言非汝所造所化是業
所化此大千世界是佛土梵王禮懺悔過
方廣大莊嚴經十二卷

右二十七品說如來於兜率天宮下生處
胎降生示現童子示書現藝遊行出家苦
行降魔成佛轉法輪等次叙甚詳第十一
說十二緣三十二相業末說人能受持此
經有種種勝妙功德

普曜經八卷

右二經本同譯別文詳略有小異爾

大藏聖教法寶標目卷第二

庭二

三五

音釋

鬘

莫班切

眊

翰閏切

坏

備瓦切

未

器也

盲

莫耕切

目

盥

古玩切

識

楚讀切

壘

徒含切

鯢

音武

澡

于也

大藏聖教法寶標目卷第三

庭三

元清源居士王古撰

妙法蓮華經七卷 鳴

右佛爲一大事因緣故出現於世爲欲令

衆生開示悟入佛之知見故說此一乘法

授諸聲聞記如是妙法諸佛時一說之如

優曇華時一現耳先示化城之權終與髻

珠之祕雖三車異駕而一雨同滋皆令自

知決定作佛說是經時多寶佛塔從地湧

出十方諸佛集會證明六萬恒河沙等菩

薩及其眷屬護持流布持經隨喜有六根

清淨等無量功德若夫入旋陀羅尼諸三

昧見靈山法會儼然佛常住不滅證悟者

自知非思議境界天親菩薩論二卷天台

智者證旋陀羅尼三昧九旬談妙妙玄文

句止觀三大部三十卷盛行東南慈恩法

師章疏廣化西北誦持靈感具有傳記流

通震旦無盛此經

法華三昧經

右是法華支派

無量義經

右是法華前說

薩曇分陀利經

右是略出寶塔提婆品中少分

正法華經十卷 鳳

右西晉竺法護譯品義大同翻文有異

添品法華經八卷 在

右隋天竺三藏崛多笈多以秦譯有闕文

添藥草喻之半提婆達多品陀羅尼次神

力品後囑累品在卷終餘諸字句亦間有

改定

維摩詰經三卷

右什法師譯維摩詰此云淨名示疾毗耶離城佛遣聲聞諸菩薩問疾皆辭不任文殊與八千菩薩大弟子等來入室問答

庚三

二

妙法深談實相不二法門等借座燈王請

飯香積手按大千室容海眾亦名不思議

解脫法門生肇融敷四法師注解天台智者略疏十卷

維摩詰經二卷

右吳支謙譯

說無垢稱經六卷 樹

右奘法師譯已上三經本同譯別

大方等頂王經

大乘頂王經

善思童子經二卷 白

右三經同本異譯善思童子維摩詰子也乳母抱持在重閣上見佛自湧身空中投下而住空中獻華問答說甚深法佛為授記作佛

大悲分陀利經八卷

悲華經十卷 駒

二經同本異譯右說諸佛本願莊嚴清淨

佛土釋迦如來以大悲故願出五濁惡世

成佛度生說釋迦佛因地布施身命種種

大悲行願彌陀阿閼觀音勢至文殊普賢

庚三

三

本所發願讀誦書寫此經乃至一偈勝十

大劫行六波羅蜜

金光明最勝王經十卷 食

合部金光明經八卷 場

右前後三譯經同品異初北涼曇無讖譯

四卷十八品次隋僧寶貴合諸譯爲八卷二十四品然文皆不足唐義淨譯十卷三十一品比前最備佛說是金光明微妙經典諸經中王說佛壽長遠三身差別金鼓懺悔天神護法大辯才天大功德天天王地神皆同佑衛此妙經法及供養天神天女誦呪祈願種種法門後說救魚生天捨身飼虎皆成佛因緣

他眞陀羅所問如來三昧經三卷

右他眞此言樹謂天伎樂神即乾達婆王名也大緊那羅王經與此本同譯別他徒門反

大樹緊那羅王所問經四卷 化

右二經本同譯別經初天冠菩薩問佛諸菩薩種種法門佛隨問答說菩薩諸四句

法時大樹緊那羅王從香山中與諸大衆來禮敬佛奏諸伎樂須彌等山頗峨湧沒四衆八部大迦葉等惟除不退轉菩薩皆悉起舞不能自持樂中說偈八千菩薩得無生忍請佛菩薩於香山供養七夜佛說淨六度方便等諸波羅蜜一一各三十二法門六十萬餘衆生發無上正真道心授王作佛記又爲八千王子說助菩提法爲八萬四千夫人婁女說轉女身法及說菩薩成就三十二法能爲法器及菩薩諸行法又法施有三十二功德此經亦名宣說不思議法品

佛昇忉利天爲母說法經三卷

右佛昇忉利天度夏安居三月月天子問諸菩薩種種法門佛隨問答略如維摩經

佛告目連勿謂佛獨在一閻浮提成道度
生於三千大千世界中示現降胎現生成
佛示滅略說四方四維等諸佛名號國土
應現種種不同等事

佛說道神足無極變化經四卷

右與昇忉利天爲母說法經本同譯別

寶雨經十卷 被

寶雲經七卷 草

右二經同本異譯除蓋障菩薩問佛云何
菩薩得十波羅蜜圓滿云何得等於地水

火風空如日月如師子如蓮華調伏寂靜
廣大清淨智慧如海善巧辯才令衆生歡
喜信受空無相願慈悲喜捨遊戲神通離
八難處住不退轉得如來法身金剛身十
二頭陀云何得種種善巧生清淨佛土乃

至云何速證無上菩提佛各隨問爲說問
一答十微妙富備大略如華嚴普賢二千
酬行法

阿惟越致遮經四卷

不退轉法輪經四卷 木

廣博嚴淨不退轉法輪經六卷

右三經本同譯別廣略文異說佛出五濁
方便說三乘化導衆生令入一佛乘他方
淨土二十那由他劫植衆德本不如忍界
從明至食說法化愚令受三歸五戒況勸
人出家廣爲說法令出三界佛說信行法
行八輩四果辟支佛皆是不退轉菩薩微
妙法門次諸大阿羅漢說密語我等具足
五無間業謂無明能生生死爲母不正思
惟及喜愛爲父壞諸想諸行爲破僧不壞

凡夫法滅羅漢想名殺阿羅漢滅如來想
名出佛身血知一切法如幻如影如響故
次說衆生若聞釋迦牟尼佛名者皆於菩
提得不退轉況持一華以供養耶如尼拘
陀樹種子甚小漸次長大至蔭五百人有
東方佛刹來三大菩薩頭面禮佛言我等
於此法中無有疑惑我是如來我是世尊
我是佛爾時衆會皆作是念無有二佛並
出世間何緣彼作是說佛偈云不住一切
法求寂滅菩提亦不得菩提是故名如來
詳如本國五百童女五千尼五千居士婦
聞法不復受胎爲女人皆生佛國無量無
邊不可思議天龍八部人非人等皆於菩
提得不退轉

入定不定印經

卷三

不必定入印經

右二經本同譯別佛說五種菩薩行一羊
乘行二象乘行初二菩薩於正等覺是不
決定於生死海不能救濟一切有情退失
無上道三日月神通乘行四聲聞神通乘
行五如來神通乘行後三菩薩必定不退
無上智道如來行中廣明種種大乘利他
行法大心人之龜鑑也未說信敬供養瞋
惡侵損大乘法人極大罪福

等集衆德三昧經二卷 賴

集一切福德三昧經三卷

右二經本同譯別毗舍離城淨威力士自
念我成就大力閻浮提中無與等者我當
往觀佛何如我也佛欲降伏令目連取佛
爲童子時與兄弟犢力射箭著鐵圍山佛

言是菩薩父母生力非神通力若以神力當過無量諸佛世界佛說人牛象師子力士諸天力諸菩薩力各各增上十乃當一以至十地菩薩力等一後身菩薩力至成佛時超百千陪過於菩薩魔梵人天等不可喻說次復較量種種福德復說成就莊嚴福德種種法義復次佛諸菩薩問答解說此三昧法義

持心梵天所問經四卷

右經初說如來種種光明名號功德次持心梵天問何謂菩薩志性堅強言無惱熱德超衆生威儀安詳心不憤亂開化塵勞乃至於諸佛法而不退轉佛隨所問廣爲演說次明網菩薩梵天文殊大弟子等問答法要又諸菩薩各隨所樂說菩薩法次

梵天大菩薩等受成佛記末說此經大功德力

思益梵天所問經四卷

姚秦什法師譯

勝思惟梵天所問經六卷

魏菩提流支譯右二經與持心梵天所問經同本異譯佛放光明照三千大千世界普及十方無量佛土東方過七十二恒河沙佛土國名清淨佛號日月光如來有菩薩梵天名曰思益白佛欲詣娑婆世界佛言應以十法遊於彼土於毀譽心無增減於善惡心無分別於諸愚智等以悲心於上中下衆生之類意常平等於輕毀供養心無有二於他闕失不見其過見種種乘皆是一乘聞三惡道亦勿驚畏於諸菩薩

生如來想佛出五濁生希有想於此國中
百千萬劫淨修梵行不如彼土從旦至食
無瞋礙心其福爲勝

持人菩薩經四卷 萬

晉譯

持世經四卷

唐

八

秦什法師譯右二經本同譯別什師所譯
文備詞順持世菩薩問佛云何菩薩能知
諸法實相亦善分別諸法相云何得念力
轉身成就不斷念乃至得無上菩提佛爲
隨問開示初品答所問種種法門次五陰
品次十八性品次十二入品次十二因緣
品次四念處品次五根品次八聖道品次
世間出世間品次有爲無爲法品逐品法
義至詳至妙及說過去諸佛本事此經有

種種大功德利益乃至疾得無上菩提
濟諸方等學經
大乘方廣總持經

右二經本同譯別佛說謗佛法僧人必墮
地獄多劫不能得出佛說過去劫爲法比

丘以惡毒心謗淨命比丘揚其惡行八十
劫中受地獄苦又多生墮畜生中方得人
身常受貧厄瘡痍無舌法比丘者則我身
是淨命比丘彌陀佛是由我過去愚癡無
智受苦如是當知隨順惡友求法師短譏
毀損害爲自傷損

唐

九

大方廣寶篋經二卷 方

文殊現寶藏經三卷

右二經本同譯別說文殊智慧辯才神通
威德遊於諸佛國土現種種殊勝等事東

方佛土有第一智慧弟子住梵天說法聲
徧三千大千世界聞文殊發大音聲驚怖
墜落如旋嵐風吹於小鳥復有佛土大火
災起世界充滿文殊於彼火中作蓮華網
而從中過火所觸和適快樂聲聞神力如
小鳥文殊神力如金翅迅疾又七日七夜
雨不斷絕諸比丘衆未得禪定者饑羸困
苦文殊化一鉢食置講堂上千二百五十
比丘萬二千菩薩皆得飽足鉢無減耗魔
化四萬比丘來入會中亦皆受供鉢食亦
無減耗悉皆降伏又文殊三月竟夏不現
佛邊大迦葉問何所在耶答云我在王宮
娑女中及諸姪女小兒中迦葉念言何緣
此人與清淨僧衆爲臘即搗捷椎欲逐出
文殊即見十方不可計數佛邊各有文殊

各有迦葉搗捷椎欲逐出之佛語迦葉汝
欲逐出何者文殊迦葉慚愧欲置捷椎于
地盡其神力而不能也佛令禮文殊乃得
墮地佛言文殊三月教化城中女人宮中
娑女及童男童女各五百人及無量人得
不退轉成道得果或生天宮又說三十二
德鎧法門三萬二千天人皆發無上道意
是經亦名文殊所現變化降伏衆魔化諸
異學名曰寶藏

證契大乘經二卷

庭三

大乘同性經二卷

右二經本同譯別佛在楞伽山爲羅刹王
說衆生捨身受身中陰識神隨業輪轉戒
律持犯善不善果報種種差別修行三十
七品至成無上菩提聲聞辟支佛菩薩如

來皆有十地如諸小河流皆入大海一切諸法皆悉流入毗盧遮那智藏大海同一真如清淨法性授羅刹王成佛記及說過去佛菩薩本緣

深密解脫經五卷 蓋

魏菩提流支譯

解深密經五卷

唐玄奘譯右佛說一切法相略有三種一偏計所執相二依他起相三圓成實相偏計所執謂一切法名假安立自性差別依他謂一切法緣生自性如無明緣行乃至集大苦蘊圓成實相謂一切法平等真如通達修習乃至無上菩提一切諸法皆無自性無生無滅本來寂靜自性涅槃如空華如幻像如虛空無生無滅第三卷彌勒

三

十一

問瑜伽種種義極於微妙第四觀世音問十地十一地微細法門地殊勝功德及二愚癡與所應學法六波羅蜜因果種種法門第五卷文殊問如來法身化身出現調伏說法威德住持等法門

解節經

右如理正聞菩薩問能解甚深義節菩薩一切法無二答說此經

緣生初勝分法本經二卷

右序曰本是一心積爲三界理極實相筌窮假名五因七果十有二分緣生之法總備於此佛說十二因緣法義微妙衆經綱目攝在茲焉聖者鬱楞伽作論釋此經先立偈三十後以論釋故亦名三十論分別緣起初勝法門經二卷

右與緣生經同本異譯

相續解脫地波羅蜜了義經

右與解深密經第四第五卷同本異譯解在彼經

楞伽阿跋多羅寶經四卷

宋天竺三藏求那跋陀羅譯右佛在南海瀕楞伽山頂昔諸如來皆於此城說自所得聖智證法非外道邪見及二乘修行境界我今亦當開示此法時大慧菩薩致一百八問佛隨所問答說諸佛正覺性自性第一義心成就世間出世間上上法心意識生住滅相等一百八法傳燈錄僧那禪師曰我初祖兼付楞伽經四卷謂我師二祖曰吾觀震旦唯有此經可以印心仁者依行自得度世又二祖凡說法竟乃曰此

庚三

十二

經四世之後變成名相深可悲哉我今付

汝宜善護持

入楞伽經十卷 身

三藏真諦譯

大乘入楞伽經七卷 髮

實叉難陀譯右三經同本異譯初譯四卷楞伽夜叉王城勸請序致及流通等文不足次流支譯十卷次七卷則天久視年中譯序云此經諸佛心量之玄樞羣經理窟之妙鍵廣喻幽旨洞明深義跋陀之譯未弘流支之義多舛今討三本之要詮成七卷之了教傳燈之句不窮湧泉之義無盡菩薩行方便境界神通變化經三卷
右上卷文殊說六波羅蜜等各各十二功德進修行門次二卷尼乾子說佛三十二

相三十二大悲行三十七助道四無畏十八不共法等與尼乾子經同而稍略

大薩遮尼乾子所說經十卷 四

右第一第二卷佛說一乘菩薩行方便境界奮迅法門第三尼乾子與八十八千萬

庚三

十三

尼乾子俱遊行諸國爲嚴熾王說十不善

業果報

品華嚴十地第二同

說國王護衆生法說轉

輪聖王七寶功德又復有七種次寶七者

一劔二海龍王皮三牀四園五屋舍六衣

七足所用寶次說諸國王治國善惡法行

法行王能救護衆生善行政治用兵愛民

等種種事甚詳及說國王布施十五種功

德次說外道聰明智慧各有罪過第六至

第九說唯佛無諸過失三十二相八十種

好三十七品菩提分法六通四無礙智十

力四無畏十八不共法等不思議法門佛言尼乾子現行外道法以一切無量種種身化無量衆生發菩提心所供養佛不可量數過無量數劫當得成佛名實慧幢王國土勝妙壽法長遠此經是如來祕密藏純淨妙藏佛法印藏三千大千世界衆生俱時成佛有人滿足一劫供養禮拜爾所諸佛所得功德不如有人受持讀誦書寫流布此法門過彼無量無邊

大方等無想經六卷 大

右大雲藏菩薩問佛云何修行得陀羅尼云何得大海三昧云何能解諸佛密語云何得知具足法義云何得到諸佛大海彼岸云何如來身不名爲血肉筋骨之所成立若有如是身云何爲空云何爲地獄衆

生作安樂云何得佛不可思議等問佛答
所問說此經佛言此經諸佛菩薩四百不
可思議解脫法門諸法寶藏神通王三昧
等門此經三名大雲密藏菩薩所問故名
大雲如來常住畢竟無有入涅槃者一切
衆生皆有佛性故名大般涅槃受持讀誦
斷一切想故名無想

疏三

十四

大雲輪請雨經二卷

大雲經請雨品二卷

右佛在龍宮諸大龍王與八十四億百千

那由他龍王等俱來集會廣興供養佛爲
說除滅諸龍一切苦惱降澍甘雨誦陀羅
尼念五十四如來名結壇祈求等法二經
本同譯別佛言若一七二七日遠至三七
日必降甘雨除不專念無慈心人及穢濁

者海水潮來尚可盈縮此言真實決定不
虛

諸法無行經二卷 五

諸法本無經三卷

右本同譯別佛與師子遊步菩薩文殊等

問答說一切法性畢竟空寂無根本無形
相無生滅無依住入是法門疾得無生法
忍及說文殊與佛往昔因地謗毀說法性
寂滅真空菩薩故人墮大地獄

無極寶三昧經

疏三

十五

寶如來三昧經二卷

右二經本同譯別佛入寶如來三昧震動
十方無極佛刹海衆菩薩來會寶如來菩
薩文殊舍利弗等種種問答
慧印三昧經

如來智印經

右二經本同譯別世尊入佛境界三昧爾時衆皆不見如來身心相佛從三昧起舍利弗文殊彌勒等問答說是經

大灌頂經十二卷 常

右卷別各是一經具列如左第一卷灌頂七萬二千神王護比丘咒經二卷灌頂十二萬神王護比丘尼咒第三卷灌頂三歸五戒帶佩護身咒經第四卷灌頂百結神王護身咒經第五卷灌頂宮宅神王守鎮左右咒經第六卷灌頂塚墓因緣四方神咒經說諸佛輪王四方葬法第七卷灌頂伏魔封印大神咒經第八卷灌頂摩尼羅賣大神咒經第九卷灌頂召五方龍攝疫毒神咒經第十卷灌頂梵天王神策經占

卜吉凶第十一卷灌頂隨願往生十方淨土經或云普廣所問品即是別行隨願往生經說誦經然燈造幡追福等法追薦功德七分獲一若自發心獲福無量又說那含長者救父母生天因緣第十二卷灌頂拔除過罪生死得度經即是舊藥師經佛遊維耶離者

佛說藥師如來本願經 恭

藥師瑠璃光如來本願功德經

右二經本同譯別說東方藥師佛本發十

度三

十六

二大願攝受衆生國土莊嚴如極樂世界持誦願求種種如意及建立道場放生解結除病續命等法與前灌頂經第十二一卷本同譯別

藥師瑠璃光七佛本願功德經二卷

右佛說東方七佛本因誓願國土莊嚴種種功德教人持誦求願第七即是藥師佛與前經本同譯別前略此廣

阿闍世王經二卷

右本同下後廣此略

文殊師利普超三昧經三卷

右文殊與諸菩薩問答法義時諸天子以佛道難成欲退取二乘滅度佛爲救此等故放鉢於地下過七十二恒河沙佛土五百聲聞等皆莫能知鉢在何處文殊入普超三昧不起於座伸手下取而於鉢來諸佛土菩薩雲集於是退心者與無量衆皆堅發無上道心阿闍世王爲造逆罪故問文殊諸大菩薩聲聞衆乞請決疑王上金色疊文殊等諸菩薩皆忽然不現乃至自

廣三

十七

不見身遂悟道文殊爲說法王斷疑見諦得不起法忍佛爲授記於未來世當得作佛號淨界如來

放鉢經

右即普超三昧經中文殊取鉢化退大心

天子等

月燈三昧經十卷 惟

右月光童子問諸佛行何等行能爲世作光明得不思議智云何得說法最上智無邊智具戒定慧淨身口意能知宿命不處胞胎得不壞衆無礙辯佛所得諸法相到一切法彼岸願爲我說佛爲說此月燈正行一切諸法體性平等無戲論三昧解釋三百句法門經中廣說諸佛菩薩往昔因地行願微妙法義不可具載

月燈三昧經 鞠

右說三界一切法生滅滅已寂滅爲樂等法皆具六種不可思議如十八界四諦十二因緣等一者諸行道識不可思議二有爲道識三無爲道識四有住道識五無住道識六者皆空不可思議是爲六種

無所希望經

象腋經

右二經本同譯別佛說菩薩地甚深之法口誦心思是菩薩藏解此經者如大象力如大龍力能令菩薩勇猛故信解此經是人現致二十種功德

大淨法門品經

大莊嚴法門經二卷

右二經本同譯別文殊教化勝金色光明

度三

十八

德女發菩提心者即汝身是女聞法已宿

善根故即得順法忍即能於四衆中如法

說法與長者子同見佛受記下卷說非以

剃髮染衣戒律等名爲出家能除衆生煩

惱三毒起四無量心等名爲出家問答略

如維摩經

如來莊嚴智慧光明入一切佛境界經二卷

右文殊爲諸菩薩衆問如來法身不生不

滅義佛爲種種喻說

度一切諸佛境界智嚴經

右十方菩薩雲集文殊爲請問無生無滅

法義佛說此經

後出彌陀偈經

右讚往生淨土勝妙

觀無量壽佛經

右阿闍世王母韋提希夫人幽閉苦惱願
往生淨土不樂復生濁惡世中佛為說極
樂世界十六觀九品往生法門

阿彌陀經

什法師譯

卷三

九

稱讚淨土佛攝受經

英法師譯右本同譯別並佛說無量壽佛
國勝妙莊嚴種種功德勸人念佛往生彼
國

觀彌勒菩薩上生兜率天經 養

右佛說兜率天上有微妙寶宮四十九重
垣牆宮殿寶蓮寶林欄楯瑠璃為渠皆七
寶所成莊嚴光明雨華天樂說妙法音極
妙樂事說不可盡彌勒於一時中成就五
百億不退轉天子若人能精勤修諸功德

威儀不缺掃塔塗地以眾名香妙華供養
行眾三昧深入正受讀誦經典雖不斷結
若一念頃受八戒齋繫念發願即得往生
彌勒於閻浮提歲數五十六億萬歲爾乃
下生

彌勒下生成佛經

彌勒大成佛經

並什法師譯

彌勒下生經

法護譯

彌勒來時經

失譯人名右四經本同譯別詳略異耳佛
說彌勒下生時閻浮提地平淨如瑠璃鏡
寶華林樹過於帝釋歡喜之園人有智慧
威德五欲快樂無九惱苦壽足八萬四千

歲無中天者皆長一十六丈唯有三病飲食便利衰老人常慈心和順調伏無水火刀兵怨賊劫竊饑饉毒害之難不閉戶不殺生不貪衆寶人無遠近皆兩得相見八功德水異香華果充滿百味具足佛身三十二丈庚三臂廣十丈面長五丈一一相有八萬四千好光照千由旬日月等光皆不爲用早晨出家是夜成佛初會龍華樹下說法度九十六億人成阿羅漢第二會度九十四億人第三會度九十二億人皆阿羅漢詣耆闍山出迦葉定受釋迦衣迦葉奉衣已躡身空中現十八變說釋迦佛十二部經八十億人得阿羅漢彌勒住世及正法住各六萬歲於四天下各起八萬四千塔像法二萬歲

大威燈光仙人問疑經

第一義法勝經

右二經本同譯別仙人問佛衆生流轉諸趣生滅輪回業相體性義佛說此經
順權方便經二卷

樂瓔珞莊嚴方便品經

右二經本同譯別轉女身菩薩與須菩提舍利弗問答法義說三十種沙門法大乘諸行相貌法有二十無過患利益衆生事故如來乞食菩薩能隨宜機變順衆生樂庚三
欲而調伏之化令進道及說菩薩八種瓔珞莊嚴以自嚴飾化度一切衆生得無礙辯佛說轉女身菩薩方便成熟無量衆生受記成佛
諸法勇王經

一切法高王經

右二經本同譯別意義與羊字函諸法最上王經本同解在彼經

六度集經七卷 豈

右施度二卷說佛因地不惜身命國城妻子種種行施因緣戒度一卷忍度一卷精進度一卷禪度一卷明度一卷皆雜集衆經中事類佛昔因地戒忍精進定慧種種因緣

菩薩睺子經

睺子經

右二經本同譯別出六度經第二卷施度中說菩薩因地孝行死而更生事

太子須大拏經

右與六度經第二卷中須大拏事本同譯

別說佛因地爲國王子施白香象故被逐入山復施二子及妃等事

太子慕魄經

太子沐魄經

右二經本同譯異出六度經第四卷戒度中說佛因地爲國王子不語十二年出家修道事

九色鹿經

右出六度經第六卷精進度中說佛因地爲鹿王捨身濟人事

鹿三

三

大藏聖教法寶標目卷第三

音釋

詰苦吉 瘡瘡瘡於金切瘡烏下切 過切步瓜也 鍵巨僂切 睺失角切 也 鍵戶鑰也 睺失角切

大藏聖教法寶標目卷第四

庭四

元清源居士王古撰

無字寶篋經 敢

離文字普光明藏經

徧照光明藏無字法門經

庭四

右三經本同譯別佛答勝思惟菩薩問菩薩所應斷除三毒我執懈怠睡眠無明等應當守護一法謂已所不欲勿施於人及如來所證知法

老女人經

老母經

老母女六英經

右三經本同譯別老母問佛四相五陰六根四大從何所來去至何所佛爲說諸法來無所從去無所至如兩木出火如鼓出

聲如雲雨雷電如畫隨意從空盡空萬物

亦爾

月光童子經

申日見本經

德護長者經二卷

右三經同本異譯說童子父名申日信奉外道以火坑毒食試佛童子諫父佛爲降伏受度事

文殊師利問菩提經

伽耶山頂經

大乘伽耶山頂經

象頭山頂精舍經

右文殊答淨光天子及諸菩薩問菩提心義菩薩行法四經本同譯別長者子制經

菩薩逝經

逝童子經

右三經本同譯別說長者子以食與衣奉施如來佛爲授記

犢子經

度四

乳光佛經

右犢子捨乳施佛佛爲授記後二十劫作

佛二經本同譯有詳略

無垢賢女經

腹中女聽經

右佛說法無垢女在胎藏中跪聽即示現

出生現大神變事

轉女身經

右經初如無垢賢女經所譯文義詳廣佛說轉女身法門無垢女等皆爲男子

無上依經二卷 毀

右阿難問造高閣及四事供養施四方僧與起佛塔供養舍利二種福德何者爲多佛言供養微塵數世界四果辟支佛不如佛涅槃後取舍利如芥子大造塔如阿摩

羅子大露槃如棗葉大此功德甚多於前若不回向菩提所獲福德如世界微塵數作諸天王況轉輪王下卷說如來三十二相八十種好種種勝妙功德因果不可思議

度四

未曾有經

三

甚希有經

右二經與前無上依經本同譯別前廣後略

希有希有校量功德經

最無比經

右二經本同譯別佛說供養大千世界諸佛上妙樂具起塔高廣所獲福德不如起淨信心受三歸依受三歸依不如一念頃受持十善受十善不如一晝夜持八戒受盡形大戒其福轉勝前所獲福百千萬分不及其一

大乘百福相經

大乘百福莊嚴相經

二經本同譯別右佛說一閻浮提衆生十善福聚數滿百倍成一轉輪聖王王四天下自在福如是百倍成一天王帝釋福聚又增滿百倍成一第六他化自在天王福又百千倍成一梵王福此上漸漸倍增成大千世界主大梵天福又無量億百千倍

成一最後身菩薩福又無量億百千倍成如來一毛孔福復百千倍成一隨好福復百千倍成三十二相中一相福三十二相福聚始成如來隨類教化一切衆生音聲福聚如是威光勢力皆不可思議及所修因地行願法門

決定總持經

謗佛經

右二經說十菩薩謗佛業障遇佛懺悔滅

除大略同本真言別

寶積三昧文殊問法身經

度四

入法界體性經

右二經佛文殊舍利弗問答本同譯別

如來師子吼經

大方廣師子吼經

右佛命勝積菩薩往北方法上如來所聽
大師子吼方廣法門佛問汝從何來勝積
默然海衆皆疑三界尊問云何不答佛現
微笑曰諸佛境界不可思議當知無說是
名真說二經本同譯別

前世三轉經

銀色女經

右二經本同譯別說佛因地以身布施事
阿闍世王受決經

採華違王上佛受決經

右二經本同譯別說然燈獻華供養世尊
得授佛記

正恭敬經

善恭敬經

右二經說弟子事師儀範及罪報

庭四

五

稱讚大乘功德經
妙法決定業障經

右二經本同譯別說菩薩不應親近二乘
人及說大乘名義

大乘四法經

菩薩修行四法經

右二經四法謂寧失身命不捨菩提心親
近善友不捨忍辱依寂靜處二經本同譯
別

諫王經 傷

如來示教勝軍王經

佛爲勝光天子說王法經

右三經本同譯別佛爲勝光王勝軍王等
說世間福樂五欲貴富自在威勢宮殿園
林親屬臣佐象馬車乘珍寶服御種種莊

嚴悉皆無常不可長保年少會老強健必
病含血之類要終歸死老病死時良醫拱
手迅速不停隨業流轉墮諸惡趣不可以
勢力逃避抗拒唯以正法治國勿行惡法
應愍衆生皆如一子薄賦斂省徭役賞善
罰惡遠離不忠良者無受佞言當受忠諫
恭敬三寶教民爲善能如是龍天歡喜福
力延長國無災難壽命增益名聞十方後
生天上乃至成佛佛言我終不說獲得世
間諸欲樂具名富貴者得佛正法聖慧財
寶積聚受用乃名圓滿真富貴者

大方等修多羅王經

轉有經

右二經本同譯別佛爲國王說無常空法
文殊師利巡行經

鹿野

六

文殊尸利經

右二經本同譯別文殊舍利弗問答文殊
說真如法界衆生衆不減不增不染不淨
等

思惟十二因緣經

緣起聖道經

右二經說佛思十二因緣法本同譯別

稻芊經

了本生死經

右二經本同譯詳略別稻芊經彌勒爲舍

利弗詳說十二緣義

自誓三昧經

如來獨證自誓三昧經

右二經本同譯別說佛出家苦行成道淨
居天現證及迦葉證果

灌佛形像經

摩訶剎頭經

浴像功德經

浴像功德經

右四經本小有異譯別說供養舍利及造

庭四

佛像以香水灌浴佛像諸供養中^七最爲殊

勝所獲福德無量無邊

造佛像福報經

作佛形像經

右二經本同譯別優填王問造佛形像得

何福報佛說得種種福報無量無窮不墮

三惡道不生貧賤家生天得道乃至菩提

其福甚多於江河海水出過十倍

龍施女經

龍施菩薩本起經

右長者女名龍施見佛發無上道心樓上

捨身即轉爲男子佛爲授記本起經本同

更說龍施宿命爲毒蛇聞法捨身生兜率

天下生爲長者女

八吉祥經

八吉祥呪經

八陽經

八佛名號經

右四經各說八佛菩薩名號持誦功德本

同譯別

孟蘭盆經

報恩奉盆經

右二經佛爲目連說救母法并爲未來世

爲見世及七生父母祈福拔苦

校量數珠功德經

數珠功德經

右二經本同譯別文殊說誦指數珠一徧
鐵者得福五倍赤銅千倍真珠珊瑚等寶
百倍槐子千倍蓮子萬倍水晶者福萬萬
倍用菩提子或但手持其功德無量無數
不可稱量

度四

不空絹索神變真言經三十卷 女慕貞

右佛在補陀洛山與九十九億俱胝大菩
薩及天龍八部居觀世音菩薩說是神呪
是一切諸佛菩薩大寶光聚若造極惡業
應墮阿毗地獄經無數劫受無間苦能懺
悔持誦罪悉得滅不墮地獄唯五逆罪現
世輕受病苦何況淨信輕罪受持無不成
就若種種災厄怖畏惡夢不祥悉得消滅
有無量殊勝利益壇場手印持誦祈願呪

藥治病降伏攝召諸天種種神變及求佛
菩薩天神龍女藥精現身等法

不空絹索陀羅尼自在王呪經三卷 潔
寶思惟譯

不空絹索陀羅尼經

李無諂譯右二經本同譯別十六品觀世
音菩薩說除一切業障集一切福慧成就
一切佛法滿一切求願役召降伏除止災
疫求見觀音種種等法

不空絹索呪經

度四

隋天竺三藏譯

九

不空絹索神呪心經

契法師譯右二經本同譯別說持誦者獲
種種殊勝功德呪藥治病除災滅業種種
求願等法本經後序云此經者三際種智

之格言十地證真之極趣也裂四魔之徧
罣折六師之邪幢運諸子之安車詣道場
之夷路者也印度諸國咸稱爲如意神珠
名不空者謂擲翳取獸時或索空茲教動
桴罔不玄應故爾

千眼千臂觀世音菩薩陀羅尼神呪經二卷
右唐貞觀中智通翻譯訖懇祈微應感現
聖證此陀羅尼能滅罪治病降伏魔怨滿
足一切祈願請雨止雨種種殊勝功德有
二十五種印呪法大身呪九十四句與大

悲心呪本別

千手千眼觀世音菩薩姥陀羅尼身經

右二經本同譯別觀世音說利益一切衆
生持誦壇印攝召降伏除災增壽能滿種
種求願日月蝕時呪蘇一百八徧結印印

蘇食令人日誦萬偈

千手千眼觀世音菩薩廣大圓滿無礙大悲
心大陀羅尼經

右唐西竺三藏伽梵達磨譯觀世音菩薩
白佛我欲衆生得安樂除病壽命富饒滅
一切惡業因緣成一切功德善根離一切
怖畏滿一切所求說此神呪若受持者除
滅身中百千萬億劫生死重罪不受十五
種惡死得十五種善生及說四十手種種
求願及治種種病苦等法

庭四

觀世音菩薩祕密藏如意輪陀羅尼神呪經

唐于闐三藏實叉難陀譯

觀世音菩薩如意摩尼陀羅尼經

唐天竺三藏寶思惟譯

觀自在菩薩如意心陀羅尼經 男

唐三藏義淨譯

如意輪陀羅尼經

唐三藏菩提流支譯右四經本同譯別誦者除災集福消罪愈病五無間業皆得清淨百千種願悉得如意降伏鬼神見佛菩薩資具豐足色力安盛種種呪藥護摩等法

文殊師利根本一字陀羅尼經

曼殊室利菩薩呪藏中一字呪王經

右二經同本異譯佛說此呪守護衆生一

切如來祕密心大神呪王更無過者有大神力文殊常來擁護此呪尚能攝得文殊況餘賢善能消一切災障惡夢怨敵五逆四重十惡罪業一切不祥能成辦一切善事滿一切願二徧護同伴三徧護一宅四

庭四

十一

徧護一城五徧護一國及說呪種種藥病等法

十二佛名神呪經

稱讚如來功德神呪經

右二經同本異譯說十方十二佛名及神

呪持誦功德五千五百佛名經第一卷十

二佛號與此同

孔雀王呪經

大金色孔雀王呪經

佛說大金色孔雀王呪經

孔雀王呪經二卷

大孔雀呪王經三卷

義淨譯右五經同本別譯前略後廣佛時一年少比丘析薪爲毒蛇螫悶絕于地吐沫翻目阿難疾走告佛佛說此呪令往救

治即得消除此呪於一切恐怖厄難疾病
憂惱饑饉囚繫悉得解脫有大神力求者
皆驗五天諸國南海十洲無問道俗二乘
皆尊敬讀誦求請蒙福交報不虛舊經文
闕致此土未甚流布義淨本書像壇場軌
式具備利益無邊

陀羅尼集經十二卷 效才

右唐永徽年中天竺三藏譯此經本出金
剛大道場經大明呪藏六萬偈中之少分
也撮要而譯第一卷佛部上大神力陀羅
尼經釋迦佛頂三昧陀羅尼品種種印壇
求願降伏等法第二卷佛部下說諸佛頂
印呪等法藥師琉璃光佛阿彌陀佛印呪
持誦得往生事及數珠跋折囉功能法相
等法第三般若波羅蜜經心呪印壇等法

庭四

十二

第四第五第六卷觀世音印呪壇場諸法
第六卷半後諸大菩薩法會勢至文殊彌
勒地藏普賢虛空藏等印呪法第七第八
第九金剛部大笑火頭青面金剛等金剛
諸印呪法第十第十一諸天部摩利支天
功德天及釋梵四王日月星宿諸部神王
各各獻佛助成三昧印呪佐護衆生法第
十二卷諸佛大陀羅尼都會道場灌頂普
集壇法

誦真言功德力如日月之光念佛功德如
夜燈之光若日日供養誦明兼念佛功德
如須彌之高大海之深若唯念佛名不兼
誦明如香山之小阿耨達池之淺若日日
供佛誦明滅罪如火燒草木功德不可思
議

第三
卷末

十一面觀世音神呪經

十一面神呪心經

右二經與前陀羅尼集經第四卷十一面神呪經同本異譯集經中印法廣備此經觀世音說種種持呪求願殊勝法

庚四

十三

摩利支天經

右佛說有天名摩利支常行日月前有陀羅尼能守護人一切時處怨賊兵刃不能加害種種利益與前集經第十卷初同本異譯前廣此略

呪五首經

右契法師譯一千轉陀羅尼二六字呪三七俱胝佛呪四一切如來隨心呪五觀自在隨心呪

千轉陀羅尼觀世音菩薩呪經

右與前集經第五卷初及雜呪同本異譯六字神呪經

右與前集經第六卷中文殊呪及呪五首同雜呪

七俱胝佛大心准提陀羅尼

七俱胝佛母準泥大明陀羅尼

右二經同本異譯呪五首及雜呪中同說是陀羅尼大勝妙功德種種求願等法

觀自在菩薩隨心呪經

右觀音說是呪有不可思議威力多所饒

益怨對惡障巧畏一切皆息能滿種種求

願等法

佛頂尊勝陀羅尼經

杜行顥等譯三十五句

良

右唐高宗儀鳳元年西域僧佛陀波利來禮五臺願見文殊忽見一老人謂曰漢地

衆生多造罪業唯有佛頂尊勝陀羅尼經

能滅除惡師可以此經來流傳漢土廣利

群生拯濟幽明報諸佛恩語已忽然不見

僧遂西還永淳二年取經回至京高宗詔

日照三藏與司賓寺典客杜行顗同譯此

庭四

十四

陀羅尼八十八號伽沙俱胝百千諸佛同

共宣說爲救善住天子七返傍生之苦爲

救三塗六道十惡五逆一切衆生種種生

死危急苦難夭者增壽病者脫苦書高幢

上或窄堵波中結壇呪土有種種殊勝功

德衆生隨惡趣者悉得解脫救拔幽顯最

不思議大曆中僧法照入金剛窟文殊聖

寺見佛陀波利云

佛頂尊勝陀羅尼經

佛陀波利譯
三十四句

右即前經本日照譯進高宗祕藏禁中波

利泣請曰捐命取經本期普濟願請梵本

帝還之乃訪西明寺僧順貞同翻遂有兩

譯其實一也

最勝佛頂陀羅尼淨除業障經

句

三藏地婆訶羅譯三十六

右亦同前本而序說善住天子因果等事

加詳

佛頂最勝陀羅尼經

右與前本同譯別僧彥棕序

四十八句

佛頂尊勝陀羅尼經

庭四

十五

右義淨譯五十三句

舍利弗陀羅尼經

出生無量門持經

無量門微密持經

無量門破魔陀羅尼經

四經本同譯別右佛爲十方海會菩薩說是決定大乘一切功德甚深法藏能滿一切願有種種勝妙功德

阿難陀目佉尼呵離陀隣尼經

阿難陀目佉尼呵離陀經

出生無邊門陀羅尼經

一向出生菩薩經

四經本同譯別右佛說此陀羅尼殊勝祕密微妙法門能滿菩薩一切行大功德藏阿彌陀佛往昔因地爲國王太子聞是經已奉持精進七千歲中不睡脇不至席不念愛欲財寶不問他事常獨處止意不傾動復爲教化世間人民令八十億萬那行人皆得阿惟越致

種種雜呪經

右集種種神呪

妙臂印幢陀羅尼經

勝幢臂印陀羅尼經

右二經本同譯別能滅五逆十惡等罪終不更受諸惡趣生得種種樂

無崖際總持法門經

尊勝菩薩入無量法門陀羅尼經

右二經本同譯別說陀羅尼功德利益及廣演法義

金剛上味陀羅尼經

度四

十九

金剛場陀羅尼經

右二經本同譯別說諸趣十二緣等法皆陀羅尼門

師子奮迅菩薩所問經

華聚陀羅尼經

華積陀羅尼經

右三經本同譯別說持呪功能保護衆生

六字呪王經

六字神呪王經

右二經本同譯別說滅一切惡毒呪厭延
壽解難法

虛空藏問七佛陀羅尼呪經

如來方便善巧呪經

右二經本同譯別諸佛各各說呪保護衆
生消災除病滅罪延壽及能令人知宿命

事有種種求願法

持句神呪經

陀鄰尼鉢經

東方最勝燈王如來經

右三經本同譯別諸佛菩薩各說神呪利

庭四

十七

樂衆生有種種求願法

善法方便陀羅尼經

護命法門神呪經

金剛祕密善門陀羅尼呪經

右三經本同譯別說此呪能保佑衆生有

種種持法

無垢淨光大陀羅尼經

右婆羅門七日當命終墮大地獄禮佛求

救佛爲說此延壽滅罪陀羅尼令修古佛

舍利壞塔安此陀羅尼於輪櫓中供養得

延壽滅罪有種種儀法櫓塔中柱也造塔

當檢用

請觀世音消伏毒害陀羅尼經

右說陀羅尼能救護一切衆生消伏毒害

種種障難

內藏百寶經

右說佛方便智隨順世間諸示現事

溫室洗浴衆僧經

右說洗浴衆僧有大功德福報

須賴經

右舍衛國中有極貧者名曰須賴方便度人示現極貧道力堅固天帝屢試而不動須賴得瑞應珠寶常謂波斯匿王爲極貧者欲施與王王以爲不然求證於佛佛爲說法授須賴佛記與寶積經第二十七善願菩薩會同本異譯

私阿昧經

右長者子名也見佛威光問因地佛爲說此經

菩薩生地經

右佛爲長者子差摩竭說菩薩行

庭四

十八

四不可得經

右說四人得五神通隱身空中海中山石中關市中皆欲逃死而不得

梵女首意經

右佛爲首意女說法授記

成具光明定意經

右佛爲貴姓子善明說廣修六度等法有法名成具光明定意不見十方生死起滅之處乃至如來皆無見止清淨想亦不止清淨想是爲空見無所見當是時心不在內不處外不道不俗不有不無不起不滅不於動搖處是心無根無音響爲空爲滅爲都無所有爲應成具光明定意之法是法無所有強爲其名後爲善明等授如來記

寶網經

右佛爲寶網童子說諸佛名號功德

菩薩行五十緣身經

右說佛身相好因地功德

菩薩修行經

庭四

右五百長者發正真道意問佛當學何法

十九

佛爲說此經

諸德福田經

右佛說八福田一者衆僧有五淨德名曰

福田爲良爲美爲無旱喪供之得福又有

七法廣施行者得福即生梵天一者興立

佛圖僧房堂閣二者園果浴池樹木清涼

三者常施醫藥療救衆病四者作堅牢船

濟度人民五者安設橋梁過度羸弱六者

近道作井渴乏得飲七者造作園廁施便

利處是爲七事得梵天福佛會中阿羅漢

比丘比丘尼天帝釋等各各說往昔因緣

道邊作小精舍供給止息僧福報爲帝釋

輪王施一呵梨勒果供衆僧九十一劫無

病瓶酪施豪尊榮貴施沐浴無病身真金

色一柰奉佛累劫端正不生胞胎施珠璣

爲天帝釋施園廁累劫無病無諸穢垢

大方等如來藏經

右說衆生煩惱身中有如來藏與佛無異

有九譬喻如華開見佛蜂去得蜜糠除成

米金出不淨如貧女姪聖王如開模出金

像過去常放光明王佛說是經諸菩薩衆

聞者除文殊觀音勢至金剛慧四菩薩餘

皆已成佛道末說聞持此經功德

佛語經

右龍威德上王菩薩問佛語非佛語義佛說此經

金色王經

右說佛因地施辟支佛食獲福報

漢道俗業經

度四

二十

右佛爲給孤獨長者等五百居士說治家財有三輩出家修學三乘疾成佛道開化衆生之法

百佛名經

右說持百佛名功德

稱揚諸佛功德經三卷 必

右佛說四方上方諸佛名號本願功德持誦者獲福無量

須真天子所問經四卷

右佛答須真天子所問菩薩三十二事又

文殊答所問大乘法義能斷一切狐疑普入諸佛方便慧

摩訶摩耶經二卷

一名佛升忉利天爲母說法經

右佛於忉利天宮爲母說法及摩耶夫人所自說偈佛涅槃已摩耶從天來下世尊從金棺起如師子王奮迅放千光明與千化佛悉皆合掌向摩耶說偈已闔棺如故又名佛臨涅槃母子相見經

佛說除災患經

右維邪離國災患投佛求救佛來至已國

度四

三

人安樂災病除愈復說才明長者家大富饒捺女生於華中及恒河邊一切餓鬼種種宿因

孛經

右外道謀欲毀佛殺女埋祇樹間七日事

露佛說宿命爲國王師其名曰字王後以
讒間故字辭去其國遂亂後王悔過復尊
用字改國復治

觀世音受記經

右說觀世音次補彌陀佛其國土莊嚴超
越百千萬倍佛號功德山王如來得大勢
菩薩次補觀音成佛號善住功德寶王如
來

海龍王經四卷 改

右海龍王供佛問法請佛入宮化作三道
寶街從海邊至海底金銀瑠璃甚微妙好
如佛昔從忉利天下閻浮提佛入龍宮化
海衆生無量無邊佛言犯戒律者不捨直
見不墮地獄此類多生龍中釋迦佛法中
有九百九十億居家出家者皆生龍中佛

以一衣徧分龍衆使免金翅鳥怖佛衣雖
一而億萬龍衆受用無盡及爲龍王諸眷
屬等說法授記

首楞嚴三昧經三卷

右佛說是三昧非九地已下菩薩及二乘
人所知唯受職菩薩之所能得不以一事
一緣一義可知一切禪定解脫三昧神通
無礙智慧無所不攝如海會百川得此三
昧故一切三昧皆悉隨之故名首楞嚴會
中諸大菩薩證此三昧者各現種種大自
在神變

莊四

三二

觀普賢行法經

右阿難迦葉彌勒問佛云何衆生不失無
上菩提之心云何不斷煩惱不離五慾得
淨諸根父母所生眼得見障外事等佛說

是經說觀普賢菩薩身相境界懺悔滅罪

淨六根等得諸佛現前三昧

觀藥王藥上二大菩薩經

右說二大菩薩本因行願爲兄弟同發菩

提心及記當來相次成佛名號壽量莊嚴

等事及觀念二菩薩滅罪獲種種功德內

有五十三佛名懺罪法

不思議光菩薩所說經

右舍衛國有棄嬰兒遇佛即能問答說法

踴身空中放大光明證無生忍受菩提記

佛說昔因於毗婆尸佛法中以瞋恚罵罵

菩薩生生爲婬女子被棄空處惡業盡故

受善業報遇佛授記

十住斷結經十卷 得能

右說十住菩薩所斷所修所證等種種法

廣四

三三

義第九卷說中
陰生滅甚詳

諸佛要集經二卷

右說世尊於東方天王佛土與諸佛會集

說法文殊師利欲往彼土見佛聞法天王

如來神力移立鐵圍山頂令講無極深妙

之法爲將來諸菩薩衆顯大光明離意女

佛前入定以文殊神力不能出定佛言棄

陰蓋菩薩乃能出此女定文殊與離意女

棄陰蓋菩薩等問答種種要妙法義

未曾有因緣經二卷

右說佛子羅云出家幼少不樂聽法佛爲

化度說經上卷說佛往劫爲野干以聞法

不修行故墮旁生爲天帝說十善法八萬

諸天發菩提心諸天供養禮敬死生兜率

天下卷說五女婢昔世因緣濫受信施累

劫受苦償債等事

菩薩瓔珞經十四卷 莫忘

右此經四十五品佛與諸大菩薩羅漢問答種種法要會衆聞法受度不可勝數

超日明三昧經二卷

右佛說此三昧大慧光明利益能照無形一切不礙四大不礙雲霧夜闇不礙鐵圍故諸菩薩問答種種法要日天王王后太子眷屬請佛日宮供養問法天人受度無量有長者女名曰慧施與五百女人聞法發願轉爲男子受記却後十劫成佛及說佛往昔因地以謗法故歷劫墮大地獄又以解空精進故得速疾成佛

賢劫經十三卷 罔

右佛說了一切法本三昧復詳列二千一

庭四

千四

百諸度無極合八千四百諸度無極一變爲十乃至八萬四千諸三昧門銷除八萬四千衆垢塵勞是諸佛道深入無極致一切智復說賢劫千佛第六卷名號父母弟子光明壽量說法所度遺法年數分布舍利及發意因地

大法炬陀羅尼經二十卷 談彼

右佛說過去無量無邊劫放光如來說此陀羅尼甚深經典此陀羅尼門則能總攝諸餘經典出生一切修多羅一切章句一切分別義一切諸波羅蜜故名爲門五十二品說種種法門因緣

大威德陀羅尼經二十卷 短靡

右佛爲阿難說陀羅尼法本過去諸佛已說廣利益諸天人等故令衆生受安樂故

廣說三界諸趣善惡事相種種法令諸衆
生增智增念增慧增辯

佛名經十二卷 恃已

右佛說能受持讀誦此諸佛菩薩名者終
不墮惡道生天人中常值佛菩薩善知識

離諸煩惱至得菩提

庚四

千五

過去莊嚴劫千佛名經

見在賢劫千佛名經

未來星宿劫千佛名經

右佛說聞是佛名信樂持誦供養讚禮者

勝用十方佛國滿中珍寶純摩尼珠至梵

天百千劫中布施經中有種種懺悔法

佛所護念經二卷

右列十方佛名初中後無長叙說

五千五百佛名經八卷 長

右說受持佛名功德及諸陀羅尼

華手經一十卷 信

右佛與諸大比丘諸菩薩等夏安居已三
千大千世界八部雲集及他方諸佛會中
一生補處菩薩等各持華奉供佛說是斷
衆生疑經知一切衆生深心令入法海說
諸菩薩行及淨佛國化衆生業成就諸波
羅蜜法門有種種因緣

大方等陀羅尼經四卷 使

右佛言我去世後此方等經在閻浮提如
日月照明世間衆生遭恩得見四方能滅
一切大罪業報身有白癩一心懺悔若不
除差無有是處此是一切衆生之大珍寶
能令衆生得究竟樂四重五逆佛海死屍
依小乘經如斷多羅樹畢竟不生無懺悔

處依大乘經聽許洗浣此經如呪枯生果
如死者還生如囚聞赦如病得醫如貧得
寶如行到家經云於一劫中教化一切令
登補處格其功德不及香華供養此經功
德況能依法修行者耶經中詳說修懺行
道滅罪增壽善惡夢應種種事相南岳思
禪師七載修行遂淨六根天台智者方等
三昧行法一卷說修行此法至詳至妙

大方廣圓覺經

右佛言此經百千萬億恒河沙諸佛所說
三世如來之所守護十方菩薩之所歸依
十二部經清淨眼目亦名如來決定境界
名爲頓教大乘頓機衆生從此開悟亦攝
漸修一切群品布施七寶積滿大千世界
不如聞此經名及一句義教百恒河沙衆

生得羅漢果不如有人宣說此經分別半
偈圭峯禪師作大小疏鈔修證儀裴相作
序盛行于世

僧伽吒經四卷

右佛說聞此法門除五無間罪於菩提得
不退轉一切善法皆得成就所得功德之
聚如佛世尊當得壽八十劫九十五劫自
識宿命六萬劫中爲轉輪王於現在世人
所敬重刀毒不傷妖蠱不中臨終見諸佛
安慰之言汝莫怖畏將至佛國聞此法門

庚四

三六

不墮惡道不墮愚癡不生邊地若人施諸
樂具供養六十二億恒河沙諸佛聞此法
門其福正等詳如本經

力莊嚴三昧經三卷

右佛入力莊嚴三昧十萬諸佛剎地大震

動諸佛悉皆讚歎釋迦佛勇猛精進能行
難行苦行有大願力於五濁惡世救苦衆
生十方佛土聞釋迦佛名者皆得受菩提
記或得聲聞果力莊嚴者如來十種力有
大威德神變令三千大千世界成大莊嚴
詳如本經

觀佛三昧海經十卷 可

右說佛身相好光明觀三十二相有無量
殊勝功德繫心入定逆觀順觀是爲念佛
三昧佛示現相好光明時四衆八部了了
得見有業障者見佛色身猶如灰人或如
聚墨佛說其宿咎教以懺悔已皆得明見
得果受記卷第三觀佛心品第五說諸地獄
一切苦相甚詳觀佛心者是大慈也大慈
所緣緣苦衆生苦衆生者謂三惡道也第

十說觀七佛十方佛及諸佛菩薩說昔因
地因觀佛得道佛言此觀佛三昧是一切
衆生犯罪者藥破戒者護失道者導盲冥
者眼愚癡者慧黑闇者燈煩惱賊中是勇
猛將三世諸佛皆說如是念佛三昧十方
諸佛皆由此法成三菩提

大藏聖教法寶標目卷第四

庭四

二十八

音釋

抗拒抗苦浪切拒其呂 搯苦洽切螯施隻
行毒豎魚豎切 悰昨宗切 捺乃代切 蠱果五切
也

大藏聖教法寶標目卷第五

鹿五

元清源居士王古撰

大方便佛報恩經七卷 覆

右佛於往昔劫中孝養父母乃至捨身命
血肉救濟父母爲報重恩及求無上菩提
累劫修積難行苦行種種因緣第六卷優
波離品詳說受三歸依及持犯齋戒種種
功德罪報經末說三十二相因果法

菩薩本行經三卷

右說佛因地爲求佛法施捨身命利益衆
生供養法師等種種苦行因緣及五百羅
漢各各自說往昔善行致生天得道因緣
但或掃塔或散華或施辟支佛一飯或獻
一草蓋或以一偈讚佛等皆致生天得道
無量福報

佛說法集經六卷 器

右佛與諸大菩薩大弟子等說廣大勝妙
法集法門諸菩薩入何法行知如來生如
來身如來成真實常住大般涅槃正徧知
法空義法師義不共住法化事法行勝妙
果報六通三明八解脫八勝處十一切入
十自在十諦九定十力十智六度四念六
念等種種勝妙法義

觀察諸法行經四卷

右佛說五百三十五菩薩法行皆由三摩
地心觀察故則能了知何等法應親近應
念修應多作不應親近不應念修不應多
作等種種法門

菩薩處胎經一卷 欲

右佛自兜率天降神入母胎現處宮殿爲

諸方來供養菩薩廣說法要化度無量衆
現入六道種種化身度諸衆生說無盡寶
法藏分別五種非實神通菩薩得六通慧
復說佛宿命作日月天子五星二十八宿
及作人天神仙外道更無量苦行無過涅
槃可謂真道說八關齋是諸佛父母龍受
八關齋戒金翅鳥不能害帝釋受之脩羅
戰不能勝如是等法不可具載佛涅槃後
賢聖結集最初出經此爲第一

弘道廣顯三昧經四卷

右無熱惱龍王請佛菩薩大弟子等於阿
耨達池宮殿中半月供養諸佛願說菩薩
大士應所修行法門得諸佛法相好具足
得普智心修習道品文殊迦葉須菩提等
問答末授無熱王菩提記

施燈功德經

右佛說於佛像經法舍利前以一燈至多
燈供養照道一階或塔一面或時速滅或
風吹滅或油炷盡雖施少燈其福報不可
思議無量無邊惟佛能知非聲聞緣覺能
了於現在世得三種淨心臨命終時得三
種明見四種光明生天得五種清淨得四
種可樂之法得三業善友清淨於世世中
得八種勝法得八種資糧八種增上之法
廣如本經

驚崛魔羅經四卷 難

右此唐言指鬘受外道教殺一千人取指
爲鬘以血塗身而少一人佛往化度而現
其前說偈問答即調伏受度指鬘說摩訶
衍如來藏法說偈阿難釋梵護世魔王諸

大弟子菩薩等佛言菩薩成就四十相者
即非新學菩薩佛言鵝崛摩羅是南方一
切世間樂見上大精進佛文殊是北方歡
喜藏摩尼寶積佛指鬘母及指鬘師師婦
躡身空中說偈而沒不現佛言三人皆我
所幻化不可思議度無量衆生

無所有菩薩經四卷

石無所有菩薩問佛菩薩若有染有著有
繫有犯如何遠離超越成一切智修習圓
滿一切功德佛說此經令諸菩薩於一切
法中無有障礙有難調伏殺害人者過去
瞋恨謗毀菩薩故五百生中生生受毒蛇
身害無數衆生死入大地獄最後生刑殺
人家殺人飲血廣造惡業見佛光明勝妙
發慙愧心自歎惡劣又聞佛與無所有菩

薩問答空法心智猛利即得斷漏除瞋恚
分別煩惱顛倒受成佛記無所有菩薩說
法而不現身以身相勝妙惟除如來在三
界中無有勝者諸女人見此菩薩身相聞
法皆變身為男子

明度五十校計經二卷

右六波羅蜜等法能越生死到彼岸故名
明度五十種法行校比計度於諸法中相
應不相應有罪無罪煩惱盡未盡諸相具
未具功德滿未滿等

中陰經二卷 量

廣五

右中有身具足五陰在死有後居生有前
二有中間故名中陰佛具不思議神變力
故教化一切中陰衆生斷惡修善七十八
億百千那由他住中陰衆生發菩提心

大法鼓經二卷

右佛與迦葉問答上乘義種種譬喻化城貧子等喻如法華經後說離車童子降魔護法受記作佛

文殊師利問經二卷

右文殊問世尊答說種種法義戒品字母品雜問品問答諸法義住家過患出家功德入定見十方佛及呪華療治等法

月上女經二卷

右維摩居士女也生時有大光明故名月上自說往因後詣世尊供養與舍利弗諸菩薩問答法要轉身爲男子佛記後八萬億劫當得作佛號月上如來

如來祕藏經二卷

右說菩薩種種行法

庭五

五

大乘密嚴經三卷 墨

右有淨佛土超出三界殊勝淨妙名曰密嚴諸菩薩衆皆是智慧神足意生之身如日月明珠鏡中之像而來住此諸菩薩問金剛藏菩薩答廣說微妙不思議法門

占察善惡業報經二卷

右地藏菩薩說上卷以木輪占察三世善惡因果業報一百八十九種等事下卷說一切諸法依心爲本廣說大乘進趣方便深要法門說是究竟實義時十萬億衆生發菩提心九萬八千菩薩得無生法忍佛深讚喜

文殊師利問菩薩署經

右佛說諸菩薩所當學諸菩薩所依住法觀行境界藏識等義

蓮華面經二卷

右如來於入涅槃三月前入跋提河浴告
阿難言汝可至心觀如來身三十二相久
遠乃現難出難見日月有大威德光明在
佛身邊悉蔽不現釋梵諸天王等常讚歎
佛光明殊勝如來舍利如芥子恭敬供養
者所得功德無量無邊阿僧祇不可數不
可說次說佛付囑八部天龍夜叉王等護
持佛法佛鉢舍利佛涅槃以後至彌勒佛
時放大光明作大利益等事

大乘造像功德經二卷

右佛在天宮安居三月爲母說法優陀延
王渴仰思佛故發願造像毗首羯磨天工
巧無匹變身爲匠者即以是月初八日弗
沙宿合毗婆訶底出現之時佛初誕生時

庭五

六

起作不日而成佛於三道寶階從天而下
兩邊階道皆黃金成中道瑠璃足所踐處
布以白銀諸天七寶而爲間飾諸天翼從
威德熾盛光明赫奕如滿月在空衆星共
遶如旭日初出彩霞紛映梵王執白蓋在
右帝釋持白拂侍左諸天乘空隨佛而下
側塞虛空音樂妙香雨華積至于膝半路
四天王獻供殊妙劫初已來所未曾有佛
告優陀延王汝於我法中初爲執則更無
有人與汝等者令諸衆生得大信利已獲
無量福德廣大善根天帝告王佛在天上
讚王造像功德諸天悉亦隨喜宜自欣慶
佛說若有人以雜綵繡飾或金銀銅鐵鉛
錫鎔鑄或雕刻織繡或白灰丹土若泥若
木乃至極小如一指大獲種種福報功德

無量無邊不生邊小國土下劣種性不淨
邪見貧窮之家生人天中圓滿超眾無諸
痛苦不爲毒藥兵仗諸橫緣所傷害不受
苦報及說女人受男身男子受女身黃門
二形不男邊夷受生等因緣若造佛像皆
免所滅種種罪所獲種種福詳如本經

廣大寶樓閣善住祕密陀羅尼經三卷

右說寶樓閣陀羅尼殊勝功德種種印咒
求願持誦等法

字佛頂輪王經五卷

右說此諸咒王是無礙最勝大明咒法及
結界建壇畫像供養澡浴誦持輪結印咒
入三摩地證神通除業障降伏魔怨種種
求願殊勝成就等法

大陀羅尼末法中一字心咒經

右說此陀羅尼勝妙功德印畫壇場種種
求願降伏呼召等法

大佛頂如來密因修證了義諸菩薩萬行首
楞嚴經十卷 緣

右阿難爲大幻術摩登伽女咒攝將毀戒
體世尊頂放百寶光明光中千葉寶蓮有
佛化身坐宣神咒阿難歸來佛所佛說此
經名大佛頂首楞嚴王具足萬行十方如
來一門超出妙莊嚴路七處徵心八還辯
見飛光擊觸寶手開合顯真性不動自心
妙明常光現前性周法界歇即菩提不從
人得文殊選擇諸聖二十五圓通以觀音
從聞入道爲此方真教體五濁十二類衆
生受生原因修三漸次方得除滅從乾慧
地修行增進十信十住十行十回向四加

行十地等妙二覺五十五位十因十類七
趣三界生業因緣十種禪那五陰區宇種
種魔事次說修三摩地斷殺盜婬妄道場
持咒修證功德佛言若人以七寶滿十方
虛空奉上微塵諸佛承事供養所得福德
不如以一念將此法門開示末學若人身
具四重十波羅夷應入阿鼻獄是人罪障
應念消滅如教行道直成菩提無復魔業
大毗盧遮那成佛經七卷 染

右說十佛刹微塵數執金剛神祕密主問
佛受持真言曼荼羅壇場印像護摩字輪
法義鈴杵供養願求修證種種法門

蘇婆呼童子經三卷

右童子請問執金剛菩薩世間受持真言
不得成就爲法不具耶爲無力耶有罪耶

爲真言字有加減耶菩薩爲說受持真言
壇場供養除障分別金剛杵等成就遮難
種種法門

金剛頂念誦經四卷 詩

右於百千頌中金剛頂大瑜伽教中略說
壇場印咒祕密法門持誦供養得無量功
德利益圓滿一切願求盡衆生界救護利
樂

蘇悉地羯羅供養法經三卷

右說嚴淨神室澡浴供具數珠神線草鐶
寶座護身結界誦持求願法

牟黎曼陀羅咒經

右誦持此咒有大功德自一百八徧至百
萬徧各有種種應驗消一切災病罪障滿
一切祈求志願結印結界建壇場護摩爐

等種種法式

七佛十一菩薩陀羅尼經四卷 讚

右諸佛菩薩釋梵龍天星辰各說神呪利益衆生滅罪求福拔苦治病修道證果治種種鬼病受持求願等法

大吉義神呪經二卷

右佛說結呪界法擁護衆生辟却摧伏一切惡毒鬼神羅刹夜叉等并種種求願法諸天龍王各各說降伏惡毒利益衆生呪法

文殊法寶藏陀羅尼經

右說諸佛菩薩陀羅尼及印畫持誦種種求願法利益衆生不可思議功德

金剛光焰止風雨陀羅尼經

右說降伏諸惡毒龍惡風暴雨保護衆生

及苗稼華果等種種神呪加持法

阿吒婆拘鬼神大將上佛陀羅尼經

右說降伏一切惡毒鬼神蟲獸救護諸難阿彌陀鼓音聲王陀羅尼經

右說持呪往生淨土十日十夜晝夜六時專念決定見佛此呪六十餘句

大普賢陀羅尼經

右說種種治鬼病法

大七寶陀羅尼經

六字大陀羅尼經

右二經說持呪能除一切怖畏安穩利樂

安宅經

右說保安家宅辟除不祥祈福利人法

摩尼羅剎經

右說除治種種鬼病法

玄師殿陀神呪經

右說辟除鬼神蛇蟲賊劫法

護諸童子陀羅尼經

右說保護小兒并求子息法

諸佛心陀羅尼經

拔濟苦難陀羅尼經

八名普密陀羅尼經

右三經並說持誦種種功德

持世陀羅尼經

右說持誦神呪貧乏者富疾病者安罪障

者消除危懼者安樂

六門陀羅尼經

右說持呪六願利益自他

觀音普賢陀羅尼經

右說種種求願持誦功德

鹿五

智炬陀羅尼經 兼

右日月宮中諸佛會集同聲所說後有救

拔五逆罪謗正法人破阿鼻地獄衆生令

解脫法

諸佛集會陀羅尼經

右說持呪增長壽命消除災難

隨求即得大自在陀羅尼經

右共八呪并說種種求願書寫受持畫戴

功德能成就一切善事常爲諸天龍神之

所擁護諸佛菩薩之所憶念一切罪障災

病惡夢不祥悉得消滅并說種種靈驗救

護事

百千印陀羅尼經

右說若造一塔寫此經安置塔中所得功

德如造百千塔等無有異

救面然經

右說阿難夜見一面然餓鬼言却後三日汝當命盡來生我趣若能布施百千恒河沙數餓鬼并百千婆羅門及仙人等各令飽足汝得增壽我得離苦佛說此呪令一

切餓鬼飽足生天施食人具足成就供養百千俱胝恒河沙數如來功德經末有甘露陀羅尼令一切餓鬼甘露充足

莊嚴王陀羅尼呪經

右說持呪種種功德命終決定往生極樂

國土

香王菩薩陀羅尼經

一切功德莊嚴王經

拔除罪障呪王經

善夜經

右四經並說陀羅尼持誦求願種種殊勝功德

虛空藏菩薩能滿一切願陀羅尼求聞持法經

右說持呪結印畫像求願於日月蝕時呪

蘇求聞持等法

曼殊室利五字陀羅尼品經

右說受持此陀羅尼功德及種種印呪修

行法要

觀自在如意輪菩薩瑜伽法要

右說種種印呪求願修行法

佛地經

石說攝大覺地五種法謂清淨法界如來

四智

佛垂涅槃教誡經

右與虛字函遺教經同本異譯

出生菩提心經

右迦葉初見佛佛爲說三乘差別菩薩行相

佛印三昧經

鹿五

右說佛入三昧菩薩聲聞不見佛身說不得般若波羅蜜不得成佛

十三

文殊涅槃經

右說文殊現生涅槃德相及觀法異出菩薩本起經

右說佛因地現生出家學道成佛

千佛因緣經

右說賢劫千佛同一劫中成佛因緣

賢首經

右佛爲泐沙國王夫人說十方佛菩薩名

及女人疾得爲男子法

月明菩薩經

右佛爲月明菩薩說施法及說佛昔爲智止太子以血肉施病比丘事

心明經

右梵志婦施佛飯汁一杓獲授記事說佛不以七事笑不以欲不以瞋不以癡不放逸不利欲不榮貴不爲富饒笑授菩薩聲聞辟支佛等記乃笑光入項入面入肩入臍入膝入足各各差別

滅十方冥經

右說持十方佛名功德

魔逆經

右文殊說與念字函文殊悔過經本相類

鹿母經

右佛昔因地爲鹿母守信就死

德光太子經 羊

右說菩薩種種行法次說佛昔因地捨國

王太子位從佛出家事

大意經

鹿王

十四

右說佛往昔爲長者子入海求珠作大施

惠福報功德事

堅固女經

右說堅固女對佛發無上道心現大神力

受菩提記

商主天子所問經

右文殊爲商主等諸天子說諸菩薩入一

切智智達一切法彼岸速滿足六度於一

切智當修行法勝妙法門

諸法最上王經

右說比丘云何受施能爲人天福田佛說

菩薩及發菩提心人種種布施不足爲報

與養字函一切法高王經本同譯別

師子莊嚴王菩薩請問經

右說八曼荼羅最勝法門供養觀音彌勒

虛空藏普賢執金剛文殊止諸障地藏八

大菩薩有大功德利益獲大福報乃至降

魔成佛

離垢慧菩薩所問禮佛經

右說禮十方佛歸依懺悔隨喜回向發願

鹿王

十五

種種法門

受持七佛名號經

右說持七佛名號功德福報

寂照神變三摩地經

右賢護菩薩問種種法佛說是經序品如

念佛三昧卷終似文義未畢

佛臨涅槃記法住經

右佛記涅槃後一千年中法住盛衰次第
正法滅後有國王大臣長者居士等供養
恭敬讚歎護持建立佛法皆是不可思議
菩薩願力與諸有情作大饒益

差摩婆帝受記經

右頻婆娑羅王夫人問佛相好因緣十力
四無畏四無礙十八不共法等佛爲說經
授成佛記

不增不減經

右佛爲舍利弗說法身本際法義

造塔功德經

右說造塔乃至小如菴羅果輪如棗葉以
盛舍利或四句偈功德如梵天

右繞佛塔功德經

右說旋繞佛塔種種功德

大乘四法經

右文殊說大乘種種菩薩修行法門并種
種有障無障善惡夢相

有德女所問大乘經

右有德女供養佛問法發願佛爲授記

大乘流轉諸有經

右說業識如夢迷惑故轉迴

法印經

右佛爲海龍王說四句偈

廣五

十六

師子素駄娑王斷肉經

右說佛往昔因地捨身利生事

妙色王因緣經

右說佛昔因地爲國王求無上菩提天帝

下試捨妻子自身命求法因緣

般泥洹後灌臘經

右說四月八七月十五日以香湯浴佛燒香燃燈供養獲大福德

八部佛名經

右說持八佛功德利益

金剛三昧經二卷 景

右諸菩薩問佛無生實際一味真實法佛說此經後付囑云是經能入如來智海持是經者則於一切經中無所希求攝諸經

要無量義宗種種心地法門

優婆夷淨行法門經二卷

右此經說毗舍佉母問佛修學菩提種種行門修集相好因果功德乃至如來現生因緣法門富備非獨優婆夷所行也修行

卷五

十七

人宜常讀誦

投身餓虎起塔因緣經

右說佛因地爲太子爲餓虎捨身經捨千身超劫成佛

樹提伽經

右長者名也其家富盛過於國王此經說往昔因事

金剛三昧本性清淨不壞不滅經

右彌勒問法雲地菩薩云何入金剛三昧得成無上菩提佛說此經

師子月佛本生經

右佛說婆須蜜多菩薩往昔因緣於然燈佛滅後墮彌猴身見一羅漢坐禪取袈裟披擎香爐繞行供養羅漢爲授三歸五戒由受戒故命終生兜率天值遇一生補處

菩薩從是以後值佛無數今當次補彌勒
號師子月佛并八萬四千金色彌猴亦受
佛記種種因緣

長者法志妻經

右長者妻豪富自恃捶撻奴婢佛說法教
化即變爲男子佛爲授記

薩羅國經

右佛教化薩羅國王說法授記

十吉祥經

右說十佛名號受持功德

內習六波羅蜜經

右說六妙門爲六波羅蜜法

慈心因緣不食肉經

右說釋迦佛因地爲白兔王彌勒爲仙人
入山修梵行暴水七日不得食兔王捨身

卷五

十八

火中供養故超劫成道

長壽王經

右說佛因地爲國王行慈愛民棄國捨身
事

法常住經

右說有佛無佛法常住故

八大人覺經

右說諸佛菩薩所覺念八事謂世間無常
國土危脆多欲爲苦生死疲勞等事

三品弟子經

四輩經

右二經本同皆佛說弟子在家出家男女
所當禁戒功德罪業行業勝劣等法

長者女菴提遮師子吼了義經

右說有明知生不生相而爲生所留雖自

明現力未充故若不見生性雖有勝辯談
說甚深典籍即是生滅心說彼實相如盲
辨色因他語故說青黃赤白黑而不能自
見

當來變經

施五

右佛說法滅時種種惡事

十九

過去佛分衛經

右說佛因地見佛出家事分衛此云乞食
十二頭陀經

右詳說十二頭陀行十二者一在阿蘭若
處二常乞食三次第乞食四受乞食法五
節量食六中後不飲漿七著弊納衣八但
三衣九塚間住十樹下止十一震地坐十
二但坐不卧

法滅盡經

右說當來佛法滅種種事首楞嚴般舟三
昧經先滅

甚深大回向經

右說回向功德福報

天王太子辟羅經

右太子自說往修善因果福事

菩薩調伏藏經二十六部五十四卷

按開元釋教錄云菩薩淨戒唯禁於心聲
聞律儀則防身語故有託緣興過聚徒訶
結菩薩大人都無此事佛直為說今使遵
行既無犯制之由故闕訶結之事諸大乘
經明學處者撫之於此為菩薩調伏藏云
菩薩地持經十卷 行

右說信解行三地亦攝十地此諸地能與
諸菩薩為所依止處復能出生一切諸菩

薩行故持者能任攝持諸菩薩行願諸波
羅蜜故名地持經中說七地六是菩薩地
一是菩薩如來共地一者種性地二解行
地三淨心地四行迹地五決定地六決定
行地七畢竟地從初發心及修六度萬行
六神通菩提分法及修相好因果等法門
詳妙

菩薩善戒經九卷 維

右佛說諸菩薩修習六度萬行三昧六通
供養三寶兼利自他修相好業三十七助
道品從初發心至究竟地一切菩薩修學
行相法門又名菩薩藏經

淨業障經

右比丘無垢光犯戒憂悔見佛求哀佛說
此經復為授記未來成佛復說往昔勇施

比丘犯淫殺戒遇彌勒菩薩說法得無生
忍勇施今已成佛號寶月如來是經能破
一切惡業結縛除一切閻障

優婆塞戒經六卷 賢

右佛為長者子說是經廣明三歸八戒五

戒供養三寶六波羅蜜四無量心三種菩
提修三十二相業等法門義豐慧廣非惟
為在家菩薩修行龜鏡亦出家菩薩之軌
範也趣菩提者所當精勤修學

梵網經二卷

庭五

主

石此經梵本有一百一十二卷六十一品
此是第十菩薩心地一品也羅什法師參
定三乘經論五十餘部惟梵網經最後誦
出別書出此心地一品什每誦持以為心
首當時三百餘人同誦此一品此經佛說

十重四十八輕戒三世如來同說三世菩薩之所當學

受十善戒經

右佛說受八戒是諸佛爲在家人制出家法及說十業善惡因果報應等事

菩薩瓔珞本業經二卷 剋

右佛略說四十二位賢聖名字因果行相六入明門謂十住十行十向十地無垢地妙覺地明觀法門亦名六堅六忍六慧六觀瓔珞者謂銅寶銀金瑠璃摩尼水精如是六位菩薩以百萬阿僧祇功德瓔珞嚴持二種法身

佛藏經四卷

右佛說初諸法實相品說諸法無生無滅無相無爲次念佛品說念無分別即是念

佛見諸法實相名爲見佛次念法品次念僧品第二卷淨戒品說破戒比丘有十憂惱箭訶叱種種破戒罪相第三卷淨法品深戒不淨說法得大罪報往古品淨見品說佛昔因累劫修學以有所得故不蒙諸佛授記是經戒勅切至凡學佛者宜熟觀誦

菩薩戒本

出地持戒品中惡氏菩薩說

菩薩戒本

出瑜伽論本地分中彌勒菩薩說

右曇無讖譯似唐譯而略

庚五

壬二

菩薩戒羯磨文

右契法師譯

菩薩善戒經

右說菩薩戒法持犯行相大略與戒本同
菩薩內戒經 念

右文殊問佛初發意菩薩以何功德開化
衆生佛說懺罪受戒十二時戒法十住功
德

優婆塞五戒威儀經

右說種種戒法

清淨毗尼方廣經

寂調音所問經

文殊師利淨律經

右三經本同譯別寂調音天子問文殊答
大乘法義菩薩聲聞不同行相等種種譬
喻

喻

舍利弗悔過經

菩薩藏經

大乘三聚懺悔經

右三經皆舍利弗問佛懺悔滅罪速得菩
薩

經五

三三

提佛爲說滅一切業障懺悔勸請隨喜迴
向等法校量所獲福報

菩薩五法懺悔文

右說懺悔勸請隨喜迴向發願謂之五法
菩薩受齋經

右說菩薩齋戒法及受齋日數解齋法

跋陀羅菩薩經

右文殊問跋陀羅菩薩答悔過發願勸請
迴向等法校量所獲福報

文殊悔過經

右文殊說菩薩懺悔勸請隨喜迴向發願
等法

法律三昧經

右說學菩薩道退轉過失外學仙人禪定
等法

十善業道經

右佛在龍宮說十善業因果功德

大智度論一百卷 作字至正字

右龍樹菩薩造釋大般若經富詞妙辯理
精事廣西域學者無不欽崇什法師云余

若廣譯千卷有餘爲秦人識劣十分存一

蓋從略也故至三十八卷纔譯初品云

十地論十二卷 空

右天親菩薩造釋華嚴經中十地品

大乘寶積經論四卷 谷

右解釋寶積第四十三會

彌勒菩薩所問經論六卷

右解寶積經中第四十一會第五卷解十

二支因緣義甚詳

寶髻菩薩四法經論優波提舍

卷五

三十四

右天親菩薩解釋大集經四十七會寶髻

菩薩品優波提舍此名論

佛地經論七卷 傳

右親光菩提造經說五法爲佛地一清淨
法界二大圓鏡智三平等性智四妙觀察

智五成所作智經詮此理論詳解釋

金剛般若經論三卷

右無著菩薩造論釋經

能斷金剛般若波羅蜜多經論頌

右無著菩薩造頌釋經

金剛般若波羅蜜多經論三卷 聲

右天親菩薩造論解經

金剛般若波羅蜜經破取著不壞假名論二
卷

右功德施菩薩造論釋經

能斷金剛般若經論三卷

右無著菩薩造頌釋經世親菩薩釋義

文殊師利問菩提經論二卷

右天親菩薩造論解經

妙法蓮華經優波提舍

疑五

右天親菩薩造論略釋法華經義

二十五

法華經論二卷 虛

右天親菩薩造論釋經

遺教經論

右天親菩薩造論釋經

勝思惟梵天所問經論三卷

右天親菩薩造論釋經

三具足經論

右天親造論三具足者一施二戒三聞具

攝衆行解釋三法門事甚詳而經本未譯

轉法輪經優波提舍

右天親說佛成道已爲五比丘等及諸天人初轉法輪優波提舍此云義門

涅槃經論

涅槃經本有今無偈論

右皆天親造論略釋涅槃義

無量壽經論

右天親作偈復作論釋偈說極樂國功德

莊嚴種種勝妙勸求往生詞簡義廣理事

圓具

大藏聖教法寶標目卷第五

音釋

續胡對切與繪同畫也鉛與專切黑錫也颺蒲撥切

疑五

二十六

大藏聖教法寶標目卷第六

庭六

元清源居士王古撰

瑜伽師地論一百卷自堂字至善字

右無著菩薩咨問彌勒大乘經義還閻浮提以已所聞爲餘人說多不生信無著即

廣六

自發願請彌勒夜降閻浮放大光明廣集有緣誦出十七地經隨所誦出隨解其義經四月夜方竟雖同在一堂聽法唯無著得近彌勒餘但遙聞此論焚法師譯梵語瑜伽此云相應謂一切乘境行果等所有

諸法皆名相應境謂一切所緣境此境與心相應故名相應行謂一切行此行與理相應故名行相應果謂三聖果此果位中諸功德法更相符順故名果相應師謂三乘行者由聞思等次第習行如是瑜伽隨

分滿足展轉教人故名瑜伽師地論十七地境界謂五識相應地意識相應地有尋有伺地無尋有伺地無尋無伺地尋謂尋求伺謂伺察或思或慧於境推求麤外名尋即以二種於境審細位名伺舊名覺觀出諸經義三摩呬多地非三摩呬多地有心地無

心地聞所成地思所成地修所成地聲聞地獨覺地菩薩地有餘依地無餘依地

顯揚聖教論二十卷 慶尺

右無著菩薩造宣說瑜伽師地論中要義顯揚聖教文約義周使人易曉區別義類

爲十一品錯綜該羅法義深廣

大乘阿毗達磨集論七卷 璧

右無著菩薩造解釋五蘊十八界六度四攝四無量行四諦三十七菩提分等法義令後學披覽略文知深廣妙義

王法正理論

右彌勒菩薩造說出受王問佛言有訶諫我不真實過失心不悔惱有讚我不真實功德心亦不喜唯佛能知諸王過失功德真實願爲我說佛言王有九種過失一不

度六

自在二性暴惡三猛憤發四恩惠薄五受邪佞六所作不思七不顧善法八不知差別九縱任放逸無此過失爲九功德又有五種衰損門五方便門又有五可愛樂法王能遠離過失修習功德當獲一切利益安樂

瑜伽師地論釋

右最勝子等諸菩薩造略釋瑜伽師地法義

顯揚聖教論頌

右無著等造頌十一品釋諸法要

大乘雜集阿毗達磨論十六卷 非寶

右安慧菩薩翻釋上集論

中論四卷

右龍樹菩薩造佛入滅已論宗紛諍大士

依大般若義造論以折中此論無言不窮無法不盡會通真俗有無斷常之邊見故名曰中論亦名中觀以觀辯於心論定於口耳啟法師序云百論治外以閑邪中論祛內以流滯大智釋論之淵博十二門觀之精詣尋斯四者真若日月無不朗然鑑徹矣子翫之味之不能釋手云

度六

三

般若燈論十五卷 寸

右龍樹菩薩本分別明菩薩釋顯深妙法明佛道因破迷滅闇息諸惡見分別照明

列爲二十七品與中論本同譯異

百論二卷

右提婆菩薩造天親釋肇法師序云此論以百爲名理致淵玄統群籍之要文義婉約窮製作之美什法師常所詠味以爲心要

十二門論

右龍樹造敵法師序云十二門者總衆枝之大數門者開通無滯之稱窮理盡性實相之折中道場之要軌也

十八空論

右十八空者一內空二外空三内外空四大空五空空六眞實空七有爲空八無爲空九畢竟空十無前後空十一不捨離空十二佛性空十三自相空十四一切法空

十五無法空十六有法空十七無法有法空十八不可得空

廣百論

右聖天菩薩造釋百論法義
廣百論十卷 陰是

右聖天菩薩造論護法菩薩釋論破一切執有滯空之見妙開中道使學者了悟眞空故唐奘三藏於西域法師隨聽隨譯成此十卷

十住婆沙論十六卷 競資

廣六

右龍樹造大不思議論十萬頌釋華嚴經備傳西域此論十六卷即是彼論釋十地中初之二也

菩提資糧論六卷

右龍樹菩薩造說諸菩薩求無上菩提皆

以般若波羅蜜多爲母諸佛皆由此出生
故六度萬行三十二相出生之業及種種
菩薩之行微妙法門詞約義廣理圓事備
求一切智者之妙門大路

大乘莊嚴經論十三卷 父

右無著菩薩造解釋大乘菩薩從初發心
至成一切智修習證入種種功德法門天
竺三藏云西域大小乘學皆以此論爲本
於此不通未可弘法論初說造此論者以
五義譬一如金成器令信向轉彼心故
如華敷開示彼故三如食美饍得法味故
四如解文字爲令修習更不思故五如開
寶篋寶證得故

大乘莊嚴經論二十五卷 君

右馬鳴菩薩造說菩薩修習大乘功德種

鹿六

五

種法門

順中論二卷

右龍樹造無著菩薩釋破空有二邊之執
是般若波羅蜜多初品空義

攝大乘論三卷

右無著菩薩造真諦三藏第一譯收攝一
切大乘聖教法門要義總集于此而辯明
之

攝大乘論釋一十五卷 曰嚴

右論本三卷無著造釋論十二卷世親菩

薩造解兄論本義

攝大乘論三卷

攝大乘論二卷

右與前論本同譯別

攝大乘論釋一十卷 與

右晉西竺三藏達摩笈多譯

攝大乘論釋十卷 敬

右唐玄奘譯第三出已上三論釋本同譯別

攝大乘論釋十卷 孝

右無性菩薩釋唐玄奘譯與前三論本同譯別

佛性論四卷 當

右天親菩薩造解釋佛說一切衆生皆有佛性論十品說自性十相爲顯二義一顯本有不可思議境界二顯依道理修修行可得三顯已能令無量功德圓滿究竟故造斯論

決定藏論三卷

右顯了大乘全量八識心境分量善惡因

廣六

六

果論述此理決定無移

辯中邊頌論

右彌勒說執空執有爲二邊虛妄分別有於此一都無此中惟有空等頌辯中邊二義故

中邊分別論二卷

辯中邊論三卷 竭

唐譯第二右世親菩薩造釋彌勒中邊論頌此論說七義一相二障三真實四修諸對治五即此修分位六得果七無上乘

究竟一乘寶性論四卷

右不顯造者顯示第一義諦佛性體相德用等

大乘成業論

業成就論

右本同譯別天親菩薩造業謂身口意三業以一切造善造惡生聖處墮惡道皆不離三業而得成就

因明正理論本

因明正理門論 力

庚六

右陳那菩薩造本同譯別詳略有異唐譯後序云此論抗辯標宗摧邪顯正因談照實明彰顯理入言趣本正以離邪西方時彥鑽仰采深

因明正理門論

右大龍菩薩造釋因明論

唯識論

右天親菩薩造本論序云此是諸佛甚深境界非是凡夫二乘所知此論本末明三種空一者人無我空二者因緣法體空三

者真歸佛性空我空者凡夫妄想於五陰因緣法中見我爲有實不可得猶如兔角五陰無常我亦無常如是知者名人無我空因緣法空者如薪火相待無實離薪無火離火無薪見火說假名薪見薪說假名火能成所成相待不離能所亦實無是名因緣法體空真如法空者佛性名第一義空無世間色相有爲法故非是同於無性法故以具真如法體故名不空空是名真如法空實無前境界但衆生妄見有外境界故名唯識又名破色心論但破虛妄煩惱結使心不破佛性清淨心也

唯識二十論

唯識三十論

大乘唯識論

右天親菩薩造

轉識論

顯識論

右已上並說三界唯識法義

成唯識寶生論五卷

廣六

右天親造三十本頌說唯識義護法菩薩

造論五卷解釋成前三十頌義亦名二十

唯識論釋

成唯識論十卷 忠

右護法安慧菩薩等十師造此論能成就

天親三十頌論令義理圓成故名成唯識

論盡邃理之微闡法王之奧爲令學者破

空有迷謬執生正解斷重障證真解脫故

大丈夫論二卷 則

右提婆菩薩造論云能成種智果施因爲

最大一切衆事具無不由施成施是生大

道出世之胞胎救一危難人勝餘一切施

一切善法行悲心施爲首二十九品廣說

施法

入大乘論二卷

右堅意菩薩造欲爲衆生遮苦因故爲救

偏執邪見顛倒思惟不解實義不順佛智

謗正法得大罪報者如是得生聞思修乃

至具足一切智故

大乘掌珍論二卷

廣六

右清辯菩薩造序云爲悲憫世間種種邪

見生死籠樊無量憂苦故欲令學人易證

真空速入法性故略製此如掌珍論

大乘起信論

右梁真諦第一譯馬鳴菩薩撮略百本大

乘經宗旨造此論爲欲令衆生除疑捨邪
執起大乘正信佛種不斷故

寶行王正論

右說一切國王御國治民善惡功罪違理
順理苦樂因果修集相好敬愛正法等種

種法門

大乘五蘊論

世親菩薩造

大乘廣五蘊論

安慧菩薩造

右說色蘊十五種受蘊八種想蘊亦八種
行蘊有七十三法識蘊亦八種造善造惡
生樂趣苦趣有無量功能積聚故名蘊

發菩提心經論二卷 盡

右說發菩提心因緣功德天親造論廣明

經義

大乘起信論二卷

右唐實叉難陀譯與前真諦所譯本同譯
別文或有異序述其詳云大乘明鏡莫過
於此

三無性論二卷

右三無性者一分別相無自性二依他生
無自性三真實勝義無自性性

如實論

右如無乖異實非妄倒義理真實

方便心論

旃六

十

右如鍊金須藉爐火人工爲其方便乃可
成金菩薩修行須明達佛理以爲方便乃
得成道

觀所緣緣論

右陳那菩薩造心爲能觀緣境爲所觀心
境非一故言所緣緣如眼觀色境色是所
緣眼識爲能緣等

觀所緣論釋

右護法菩薩造解釋前論

無相思塵論

右陳那菩薩造意識細境非緣外境故名
無相識心分別至鄰虛位極微細故名思
塵

迴諍論 命

右佛入滅後異見偏執遂多諍論龍樹造
論迴邪歸正一切論義皆能解釋

提婆菩薩釋楞伽經中外道小乘涅槃論

右解釋佛說涅槃因果正義破二十種諸
外道邪見異論

卷六

十一

提婆菩薩破外道小乘四宗論

右破外道論師一切法一異俱不俱四宗
義

緣生論

右解在此字函緣生經

掌中論

右陳那菩薩造說三界但有假名實無外
境由妄執故謂繩爲蛇善觀察時繩亦無
實體妄識分別知相假借無實可得知一
切法但是假法

壹輸盧迦論

右龍樹造說一切法自體性空故無有常
一切佛緣覺聲聞於空法中而得出離非
於諸行斷常法中而得解脫

大乘百法明門論

右天親造一切法略有五種一心法略有八種二心所有法略有六種徧行有五別境有五善有十一煩惱有六隨煩惱有二十不定有四三色法略有十一種四心不相應法略有二十四種無爲法略有二種

百字論

右提婆造破我見等一切諸法各有自相義

手杖論

右論言世間一類有情爲無慧解便生邪執由此沉淪爲憐憫此等愚蒙作手杖論取因假設論

右陳那菩薩造取者執也因者對果假者虛妄設者施設佛化衆生不壞世間依假施設事而宣法要使之開悟永斷煩惱

庭六

十二

六門教授習定論

右無著本天親釋爲欲利益一切有情令習世出世定速離煩惱得解脫故說此修習靜定法門佛言先當依定能盡有漏求出生死海者離於正定無別方便

大乘法界無差別論

右說衆生界不異法身法身不異衆生界平等解脫一味無別如日輪爲雲所覆而性常清淨

十二因緣論

右解十二支法義

止觀門論頌

右世親菩薩造七十頌論修習定慧是入聖妙門

觀總相論頌

右陳那菩薩造諸法有總相別相差別此略頌總相義

解捲論

右論云三界唯以言名為體由強分別非實有法為生不顛倒智故造此論

庭六

十三

長阿含經二十二卷 臨深

右阿含者秦言法歸蓋萬行之淵府總持之林苑道無不由法無不在譬彼巨海百川所歸故以法歸為名也開斥修途所記長遠故以長為目此經四分合三十經以為一部辯邪正如晝夜昭報應若影響見遠劫如朝夕視六合猶目前朗大明於幽室慧五目於眾瞽不窺戶牖而智無不周矣

出聲法
師序

第一卷說七佛本緣壽量眷屬法會弟子

降生入胎出家成道乃至涅槃等緣第二至第四說佛將涅槃遊行化度乃至入滅分布舍利事第五說佛過去世為大臣捨家學道次說廣化人天事第六說劫初已來有五種姓種種轉變因緣次說往昔轉輪王福德修行事第七外道說死後斷滅無善惡報迦葉意女說法破其蔽惑第八至十佛說法教化外道次舍利弗說一增至十等種種法相義次大緣經解十二緣法甚詳次天帝釋問佛佛為說法義第十一卷阿菟夷品佛為外道梵志說法次善生經為長者子六向拜佛為說賢聖法中禮六方法第十二卷清淨經世尊說佛制法教授弟子清淨微妙離苦得道次自歡喜經舍利弗讚說佛法無上智慧神通一

切世間無與等者次大會經十方諸神天人等皆來集會禮敬如來佛爲諸衆種種結呪第十三阿摩晝經外道使弟子觀佛佛爲調伏說外道邪僞佛法真正佛弟子明行具足第十四梵動經佛說甚深微妙度六大法光明說諸六十二邪見第十五種德經佛說法調伏婆羅門衆次究羅檀頭經亦爾第十六佛不許弟子現神足次說比丘問諸天四大從何而滅義天不能答還復問佛佛爲說法次說調伏婆羅門等第十七沙門果經阿闍世王問佛佛爲說此經次布咤婆樓經次露吒經皆佛說法調伏婆羅門外道等第十八記說大千中千世界四洲轉輪王等事題云世記經第十九說地獄及諸龍金翅等事第二十說脩

羅諸天及日月宮事日月天子生日月宮因緣第二十一說三災天脩羅戰鬪事二十二說三中劫及世本緣劫初等事
中阿含經六十卷 履至清
右此經凡四分一十八品第一七法品十經第二業相應品十一經第三舍利子相應品十一經第四未曾有法品十經第五習相應品十六經第六王相應品十四經如是一十八品中總二百二十二經別法門浩博詞義廣妙不可具舉內有五十三經本同譯別皆出中阿含經具解於後度六
增一阿含經五十一卷 似至如
右此部經凡有五十品總四百七十二經別佛涅槃已迦葉阿難等結集如來法寶一代時教分爲三分經律論藏復以契經

分爲四段一名增一二名中三名長阿舍
名瓔珞四雜經在後增一謂佛告比丘常
修一法謂念佛乃至念死等二從二法三
從三法乃至九十從一增一義豐慧廣契
經義深故名舍明定前多說四諦十二緣

五陰六入十八界後出世界成敗佛成道
度人又七佛得道制戒等

出寶唱錄云

雜阿舍經五十卷 松至流

右迦葉阿難與諸大阿羅漢結集三藏集
一切長經爲長阿舍從一事至十事從十

事至十一事爲增一雜比丘比丘尼優婆

塞優婆夷諸天雜帝釋雜魔雜梵王集爲

雜阿舍

出四分律第五十四

此部經說事既雜故無

品次誦等差別自餘雜說集爲一部名修

多羅

出五分律第三十

別譯雜阿舍經二十卷 不息

右此部經與前經文雖先後不次細尋不
出前經此但撮要故爲別部契經開四增
一明人天因果長阿舍破邪見中阿舍明
深義雜阿舍明禪定出天台智者法華文

句第一

佛般泥洹經二卷

佛般泥洹下諸經並是四舍中別經異譯

淵

大般涅槃經三卷

般泥洹經二卷

右三經本同譯別說佛欲捨壽入滅人天

庭六

十六

聞法受度純陀末後獻供人天禮送分布

舍利乃至略說結集等種種因緣出長阿

舍經第二至第四卷同本異譯

人本欲生經

右佛爲阿難演十二因緣五陰八解脫等

法出長阿含經第十卷與大方便經同本

異譯

尸迦羅越六向拜經

右長者子日拜四方上下而不知法義佛為說種種在家善惡諸法出長阿含第十

一卷

梵志阿颺經

右梵志自矜種姓豪貴聰辯智慧佛為說法化度此經演戒定慧種種法義出長阿含經第十三卷與阿摩晝經同本異譯

梵網六十二見經

右說外道起種種見唯佛法真正出長阿含經第十四卷與梵動經同本異譯

寂志果經

右阿闍世王問外道六師不契王意王來

旋六

十七

問佛佛為說沙門受學證果等法出長阿

含經第十七卷與沙門果經同本異譯

起世經十卷 澄

起世因本經十卷 取

右隋譯二經同本異譯因本經十二品說

四大洲種種事次轉輪王品說輪王出世

種種事地獄品詳說種種地獄受一切苦

種種事諸龍金翅鳥品阿脩羅品四天王

品三十三天品各說諸趣中種種事闢戰

品說天脩羅戰闢事劫住品住世品說劫

成壞事最勝品說劫住已來日月寒暑立

主治民種種事

大樓炭經六卷 映

右佛說四洲轉輪王地獄脩羅諸龍金翅

鳥諸天阿脩羅戰闢大小三災劫天地初

成時種種事

已上三經出長阿含經第十卷與記世經同

本異譯

長阿含十報法經上下二卷

右舍利說種種善不善法從一法增至十

法聚成無爲出苦滅惱出長阿含經第九

卷同本異譯

中本起經上下二卷

右說佛初成道度五拘隣次化迦葉目連

舍利弗瓶沙王波斯匿王等及給孤獨園

捺女受化及食馬麥等事

從佛般泥洹下十三經並出長

阿含中別經異譯

七知經 容

右說比丘七法道謂知法知義知時知節

自知知衆知人勝出中阿含經第一卷與

初善法經同本異譯

廣六

十八

鹹水喻經

右說衆生沒溺生死河四果人得出到彼

岸出中阿含經第一卷與水喻經同本異

譯

一切流攝守因經

右說斷諸有流得度世種種調伏法出中

阿含經第三卷與漏盡經同本異譯

四諦經

右佛爲諸弟子演苦集滅道法出中阿含

經第七卷與分別聖諦經同本異譯

瞻婆比丘經

恒水經

右佛欲說戒目連擯黜不淨比丘因說此

經出中阿含經第九卷與瞻婆經同本異

譯

本相倚致經

緣本致經

右二經本同譯別說善惡法皆有依本出

中阿含經第十卷與本際經同本

頂生王故事經

鹿六

文陀竭王經

十九

右二經本同譯別說昔轉輪聖王受大福

樂升忉利天以貪欲墮而死出中阿含經

第十一卷與四洲經同本

閻羅王五天使者經

鐵城泥犁經

右二經同本異譯說地獄罪報出中阿含

經第十二卷與天使經同本

古來世時經

右說佛因地供養一辟支佛十四返人天

中尊及說當來彌勒時世快樂出中阿含

經第十三卷與說本經同本異譯

阿那律八念經

右八謂少欲知足隱處精進制心定意智

慧捨家出中阿含經第十八卷與八念經

同本異譯

離睡經

右佛爲目連說種種離睡眠蓋法出中阿

含經第二十卷與長老上尊睡眠經同本

異譯

是法非法經

右說賢者法及不賢者法教戒當行不當

行事出中阿含經第二十一卷與真人經

同本異譯

求欲經

右四種人有無求欲知不知真如差別出
中阿含經第二十二卷與穢經同本異譯
受歲經

右說比丘善惡法出中阿含經第二十三
卷初與比丘請經同本異譯

梵志計水淨經

庚六

二十

右說斷結生善處出中阿含經第二十三
卷與水淨梵志經同本異譯

苦陰經

右出中阿含經第二十五卷與苦陰經同

本異譯

苦陰因事經

右說念著三毒苦陰等事二經同本異譯
出中阿含經第二十五卷與苦陰經同本
釋摩男本經

右說世間苦多樂少教勸出家學道
樂想經

右說計想種種已知未知法出中阿含經
第二十六卷與想經同本異譯

漏分布經

右說受想行等本起分布受殃滅盡等皆
以八正道得畢苦出中阿含經第二十七
卷與達梵行經同本異譯

阿耨颯經

晉言
依次

右說善惡報差別出中阿含經第二十七

庚六

卷與阿奴波經同本異譯

諸法本經

右說斷受棄欲入正慧得苦際法出中阿
含經第二十八卷初與諸法本經同本異
譯

瞿曇彌記果經

右彌與阿難請佛令比丘尼出家戒律事
出中阿含經第二十八卷與瞿曇彌經同
本異譯

瞻婆比丘經

右出中阿含經第三十九卷與瞻婆經同
本異譯

伏姪經

右說十伏姪法出中阿含經第三十卷與
行欲經同本異譯

魔嬈亂經

弊魔試目連經

右魔嬈試目連目連爲說往昔魔嬈佛弟
子墮大地獄事二經本同譯別出中阿含
經第三十卷與降魔經同本

賴吒和羅經

右賴吒和羅長者子也見佛聞法捨家證
果還爲其家及國王說法王亦得道果出
中阿含經第三十卷與賴吒和羅經同本
異譯

善生子經

右與淵字函六向拜經本同譯別出中阿
含經第三十三卷與善生經同本異譯

數經

右婆羅門學數問佛佛爲說法出中阿含
經第三十五卷與筭數目捷連經同本異
譯

廣六

三

梵志頻羅延問種尊經

右婆羅門種自謂尊大佛爲說此經出中
阿含經第三十七卷與阿攝和經同本異

譯

三歸五戒慈心厭離功德經

右校量種種布施及三歸依行慈等福

須達經

右二經同本異譯出中阿含經第三十九

卷與須達哆經同本

佛爲黃竹園老婆羅門說學經

右佛爲婆羅門說佛坐道場得四禪三

婆羅門歸信與中阿含經第四十卷黃蘆

園經同本異譯

梵摩喻經

右說梵志見佛相好威神功德歸依三寶

遂證道果出中阿含經第四十一卷與梵

摩經同本異譯

尊上經

廣六

五

右天問比丘偈義比丘請佛佛爲說經出

中阿含經第四十三卷與釋中禪室尊經

同本異譯

鸚鵡經

兜調經

右婆羅門名也死爲狗還在其家佛爲說

宿命并種種因果事二經本同譯別出中

阿含經第四十四卷與鸚鵡經同本

意經

右說比丘問佛佛爲說此經遂得道果出

中阿含經第四十五卷與心經同本異譯

應法經

右說世間四法現在與後受報苦樂事出

中阿含經第四十五卷與後受法經同本

異譯

泥犁經

右說惡道苦惱因果報應事出中阿含經
第五十三卷與癡慧地經同本異譯

優陀夷墮舍迦經

齋經

右說六齋八戒五念功德二經同本異譯
出中阿含經第五十五卷與持齋經同本
佛言如是奉持八戒五念爲佛法齋與天
參德滅惡興善後生天上終得泥洹是以
智者自力行出心作福今十六大國滿中
衆寶不可稱數不如一日受佛法齋如比
其福者則十六國爲一豆耳天上廣遠不
可稱說當今人間五十歲爲第一天上一
日一夜第一四天上壽五百歲彼當人間
九百萬歲佛法齋者得生此天上人間百

庭六

三

歲爲忉利天上一日一夜忉利天壽千歲
當人間三千六百萬歲人間二百歲爲鹽
天上一日一夜鹽天壽二千歲當人間一
億五千二百萬歲人間四百歲爲兜術天
上一日一夜兜術天壽四千歲當人間六
億八百萬歲人間八百歲爲不驕樂天上
一日一夜不驕樂天壽八千歲當人間二
十三億四千萬歲人間千六百歲爲化應
天上一日一夜化應天壽萬六千歲當人
間九十二億一千六百萬歲若人有信有
戒有聞有施有智奉佛法齋當命盡時其
人精神皆生此六天上安隱快樂猗善衆
多我少說耳凡人行善魂神上天受福無
量

佛言一日一夜持八戒齋勝以十六大國

中珍寶布施齋戒使人得度世道以財寶
施不能使人得道我得佛道本是八戒若
欲速得阿羅漢道疾得佛道欲生天上端
心一意一月六齋一日一夜齋戒福不可
計譬如海水不可斗量一月十五日齋亦
善二十日齋亦善人多憂家事故與一月
六齋

韞摩肅經

右異學謂色妙欲念佛爲說此經出中阿
含經第五十七卷與韞摩那修經同本異
譯

婆羅門子命終愛念不離經

右說愛生則有苦憂戚不樂等法出中阿
含經第六十卷與愛生經同本異譯
十支居士八城人經

右阿難爲八城人等說此經出中阿含經
第六十卷與八城經同本異譯
邪見經

右邪命問世間有邊無邊等義阿難爲說
此經出中阿含經第六十卷與見經同本
異譯
箭喻經

右摩羅鳩摩羅問佛世間有邊無邊等義
佛不答爲說此喻出中阿含經第六十卷
與箭喻經同本異譯

普法義經

廣義法門經

右舍利弗說顯示梵行種種離障證果方
便廣義法門出中阿含經一品二經同本
異譯七知經下五十三經並出中阿含中

別經異譯

戒德香經

右說戒香功德普熏無礙出增壹阿舍經
第十三卷地主品異譯

四人出現世間經

庭六

三六

右說四人先醜後妙謂生處卑陋而積善
生天先妙後醜謂生處尊榮而死墮惡道
先醜後醜謂生處無福又復作惡死入惡
道先妙後妙謂生處有福而復積善生天
出增壹阿舍經第十八卷四意斷品異譯

波斯匿王太后崩塵土全身經

右王苦惱佛為說法此名除憂患經出增
壹阿舍經第十八卷四意斷品異譯

須摩提女經

右與辭字函三摩竭經本同譯別出增壹

阿舍經第二十二卷須陀品

婆羅門避死經

右說四婆羅門仙得五神通入空入海入
山入地避死不得皆各命終出增壹阿舍
經第二十三卷增上品異譯

食施獲五福報經

右五福謂富壽顏色光澤端正多力身安
出增壹阿舍經第二十四卷善聚品異譯
頻毗婆羅王詣佛供養經

右說王供養佛聞法歡喜姝女等皆得法

庭六

三七

眼淨出增壹阿舍經第二十六卷等見品
異譯

長者子六過出家經

右說僧伽羅摩棄家事佛修道證果出增
壹阿舍經第二十七卷聚品異譯

大藏聖教法寶標目卷第六

音釋

錯綜錯七各切
綜子朱切憤房吻切
懣也祛去魚切
開散也宅宅陟
駕
切擯斥必刃切
也

大藏聖教法寶標目卷第七

庭七

元清源居士王古撰

鵞崛摩經

鵞崛髻經 若

右鵞崛髻殺人以指爲髮佛化令入道二

庭七

經同本異譯出增一阿含經第三十一卷

力品

力士移山經

右佛將涅槃爲五百力士移山因說此經
校量種種諸力不及佛神足智慧十種之

力

四未曾有法經

右說轉輪王阿難各有四未曾有法二經
出增一阿含經第二十六卷八難品異譯
舍利弗摩訶目犍連遊四衢經

右說二大弟子遊行諸國還有衆比丘共

語大聲佛爲調伏說法出增一阿含經第

四十一卷馬王品異譯

七佛父母姓字經

右說七佛父母國土姓字弟子名氏說法

出增一阿含經第四十五卷不善品異譯

放牛經

右說比丘修行如人牧牛出增一阿含經

第四十六卷放牛品異譯

緣起經

右說十二緣差別名義略法出增一阿含

經第四十六卷放牛品異譯

十一想思念如來經

右說修行念佛十一法及修慈心十一果

報出增一阿含經第四十八卷禮三寶品

初異譯

四泥犁經

右說調達等墮大地獄種種苦報事出增

一阿含經第四十八卷禮三寶品異譯

阿那邠邸化七子經

鹿七

右說長者化七子受三歸五戒福德勝大

出增一阿含經第四十九卷非常品異譯

大愛道般泥洹經

佛母般泥洹經

右說佛乳母證果入泥洹二經同本異譯

出增一阿含經第五十卷大愛道般涅槃

品

國王不犁先尼十夢經

舍衛國王夢見十事經

右二經國王夢十事王大憂怖問佛爲說

此經二經同本異譯出增一阿含經第五

十一卷大愛道般涅槃品

阿難同學經

右阿難同學比丘不樂修梵行佛爲說法

教戒證阿羅漢從戒德香經下二十四經

並增一阿含經中別經異譯

五蘊皆空經

右說佛爲五苾芻說五蘊無我我所悟空

證果出雜阿含經第二卷異譯

七處三觀經

鹿七

右二經雜集世尊所說種種經法出雜阿

含經異譯

聖法印經

右說空無我法出雜阿含經第三卷異譯

雜阿含經

右出雜阿含經中異譯

五陰譬喻經

水沫所漂經

右說五陰空色如聚沫受如泡想如野馬行如芭蕉識如幻二經本同譯別出雜阿

含經第十卷

不自守意經

右說六根自守不自守出雜阿含經第十

一卷異譯

滿願子經

右說賢者聞法證道出雜阿含經第十三

卷異譯

轉法輪經

三轉法輪經

右說三轉四諦合十二事等法二經本同

譯別出阿含經第十五卷

八正道經

右說八正道法出雜阿含經第二十卷異譯

難提釋經

右說比丘五行六念等法出雜阿含經第

三十卷

馬有三相經

馬有八態譬人經

右說馬有善惡相如人有善惡行二經並

出雜阿含經第三十三卷異譯

相應相可經

右說善惡人以類相從出前單卷雜阿含

經中異譯

治禪病祕要經

右一經初首題云尊者舍利弗所問事佛

說種種禪觀病惱障礙

出說一切有部毗奈耶雜事第三十

九卷同本從五蘊皆空經下一十六經並出雜

阿含中別經異譯

摩登女經 思

摩登女解形中六事經

摩登伽經三卷

舍頭諫經

右四經本同譯別前二經但是後經一品

說摩登女慕阿難欲以爲夫佛爲說法受

度及說其本因地有二十八宿等占候災

禍種種法

鬼問目連經

雜藏經

餓鬼報應經

庚七

五

右三經說餓鬼罪苦本因種種因果事

阿難問事佛吉凶經

慢法經

阿難分別經

右三經本同譯別阿難問佛事佛有富貴

諧和有衰耗不偶者報護不同佛爲說此

經

五母子經

沙彌羅經

右說羅漢見宿命爲五母作子五母思子

皆涕泣悲惱欲自殺羅漢見已故笑說此

經

玉耶女經

玉耶經

阿遯達經

右三經同本異譯說玉耶女嫁給孤獨長者子而憍慢無復婦禮長者請佛爲說法教戒爲婦之道

修行本起經二卷

太子瑞應本起經二卷 言

過去現在因果經四卷

右並說佛本修因地降生王宮出家成道種種所示現事三經同本異譯

法海經

海有八德經

右二經同本異譯說大海深廣喻佛法難量

四十二章經

右漢明帝夢金人身長丈六項佩日輪光明赫奕飛在殿前乃詔郎中蔡愔等十八

庚七

六

人往天竺尋訪佛法永平十年遂與摩騰同來帝甚賞接所將像馱以白馬因建寺曰白馬譯出此經是漢地經法之祖也自此釋教相繼雲興以大化初傳人未深信蘊其妙解不即多翻且撮經要以導時俗

柰女耆域因緣經

右柰女者迦葉佛時供佛一柰故九十一劫生柰華中後生耆域號醫王能愈病起死此經說二人本起因地

罪業應報教化地獄經

右信相菩薩問衆生受苦之因佛說此經龍王兄弟經

右說目連降伏二大龍王

長者音悅經

右說長者先富後貧之本因事

禪祕要經三卷 辭

右佛說不淨觀數息法四大觀亦名白骨觀亦名九次第想亦名雜想觀法所說次第境界甚詳

七女經

七

右佛說過去世波羅柰國王有七女遊塚間觀死屍各說無常法偈帝釋來讚喜問所求願七女答欲得無根無枝無葉樹無形無陰陽地於深山大呼耳不聞響天不能答往見迦葉佛聞法受記後皆作佛即躡身空中變爲男子

八師經

右說不殺不盜不淫不妄言綺語兩舌惡口不飲酒觀老病死苦修道離苦是爲八師

越難經

右長者名越難家太豪富以慳貪故死爲乞婦作子生盲無目復至其家乞而不獲打撲幾死佛力使其自知宿命佛言富貴不布施與無財者等

所欲致患經

右呵色欲過患勸修道脫苦

阿闍世王問五逆經

右佛說阿闍世王以作逆罪命終墮地獄如拍鞠從彼命終生天中二十一劫不趣三惡道最後成辟支佛以得無根信故在黑繩地獄如人中七日重罪即盡出薩婆多毗尼明印婆沙第一

五苦章句經

右佛言三界五道生死不絕有五苦八難

五苦者一諸天苦壽盡劫衰相現雖壽大劫要當皆死二人道苦雖轉輪聖王不免生老病死衆生未脫三界苦惱災變死有萬端三曰畜生苦四曰餓鬼苦五曰地獄苦廣如經說八難地者三塗三四邊地五長壽天六盲聾瘖癡手足殘跛七世智辯聰學世經典信邪倒見屠殺畋獵不信三尊死入地獄從冥入冥無有脫時肆心放意誹謗聖道八生在佛前佛後佛言三惡道是一切衆生家暫得爲人爲天如作客日少歸家日多沙門已得出家如何不能放捨重擔謂著吾我人貪瞋癡慢專求利養自大輕人外似如法不制六情毀戒犯欲如此種種皆汝重擔如栴檀香貴於閻浮金又療人病服之即愈一切衆生莫不

願得有人賣之而無買者佛說經法留在世間無人視者如栴檀賣之而無買者父母夫婦兄弟知識奴婢有五因緣一曰怨家二曰債主三曰償債四曰本願五曰真友給孤獨長者家有五福德因緣一曰時節不失禮敬二曰身教長者起時內外小大無不隨者三曰口言所作福事皆從其教四曰一味衣食平等奴婢亦然五曰和順上下不相違戾以是五福家中奴婢牛馬六畜旋七飛蠕動死皆生天門內旋九經聲不絕不與諸惡共作因緣亦是長者本願所致佛言三界五道罪垢苦惱非天授非人與亦非鬼神沙門梵志所與所作罪福如影隨形如響應聲不失毛髮此經教戒切至明備學者宜數誦讀

堅意經

右說善惡獲報如種穀得穀等

淨飯王般涅槃經

右說王臨終見佛生淨居天及說葬送王
事

進學經

右說諸比丘所當進學事

得道梯陞錫杖經

右說比丘持錫法門

貧窮老翁經

右老翁年二百歲而貧窮饑虛佛為說其
宿因

三摩竭經

右三摩竭給孤獨長者女也女嫁難國王
子國人不聞佛法三摩竭毀譽外道請佛

說法佛勅弟子得神通者方得赴請於是

諸大弟子等各現大神變往赴此國見佛

聞法受度者八萬人經中說賓頭盧以神

力赴集大山隨後孕婦見驚墮胎佛勅不

得入滅待彌勒下生彼國無大器熟食乾

結雖是佛會中眾僧使人五通已備佛令

乾緒背負萬斛大釜手提百斛大杓飛空

先往熟食美備故今千僧大會處主事人

往往畫像供養以祈冥祐

萍沙王五願經

庚七

十

右說國王棄位出家見佛聞法得阿羅漢
果

瑠璃王經

右說王殺釋種生陷地獄

生經五卷

右類集五十五經如阿含總曰生經別說
人天諸趣善生善報惡生惡報業生三塗
修羅道證聖果等種種因緣事相

義足經二卷

右類集一十六經總曰義足所說種種緣
起善惡因果事理法義具足故

正法念經七十卷 定字至終字

右正法念處法門經七十卷皆佛說初十
善業道品一至二說十業善惡因果苦樂等
次生死品三至五說一切世界衆生無始

已來生死輪轉諸修行人當隨順正法思
惟觀察三界諸趣次第捨漏捨不善法修
行善法正住正觀地獄品五卷半說一百
三十六種地獄種種苦報事相及元造惡
業因緣餓鬼品十六至十七說三十六種餓鬼

卷七

十一

種種苦報壽命長短增減業行種類差別
畜生品二十八至三十一說五道中畜生最多有三
十四億種類差別及阿修羅衆與天鬪戰
甚詳觀天品六十二卷至六十三卷說諸天光明身
量壽命飲食服器官殿園林勝妙欲樂放
逸福盡墮滅隨業流轉天界因緣事相種
種甚詳天宮有壁鏡樹鏡現諸業果夜摩
天上有六佛塔有無量勝妙功德利益天
人無量又說比丘十三障礙法教戒切至
六十四至七十若人供養說法師即爲供養現在
世尊以聞法故憍慢者心得調伏貪著者
信布施麤糲者心調柔愚癡者得智慧迷
因果者得正信邪見者入正見殺盜淫得
遠離終得涅槃故說法恩甚爲難報一者
母二者父生身故恩不可報若令父母住

於法中名少報恩三者如來度脫生死無
上大師此恩難報若於佛法深心得壞
信名報佛恩四者說法師供養此四種人
得無量福於未來世能得菩提六十卷又聞
法有三十二種功德六十卷身念處品四至
七說內外循身觀等種種法及四部洲衆
主生死苦樂因果種種事相此經說三塗
諸天事最詳最廣天品中說夜摩天王鵝
王菩薩孔雀王菩薩說諸佛教戒天人種
種法門文義富妙

佛本行集經六十卷 宜字至基字

右說佛昔於往昔修因受記出家苦行成
道度生及諸大比丘得度因緣等事

興起行經二卷 籍

右佛與五百羅漢在阿耨大池說目宿命

度七

十二

因緣受報頭痛背痛擲石受謗木槍馬麥
苦行六年等十事非父作母作非王作天
作亦非沙門婆羅門作自造自受如來猶
不免償報宿緣況復愚冥未得道者偈云
因緣終不滅亦不著虛空當護三因緣莫
犯身口意欲示人宿緣不可逃避

本事經七卷

右弟子集記佛說種種法門一法品二法
品三法品大略如增一阿含經

業報差別經

右佛說一切衆生繫屬依止於業業有上
中下差別不同壽夭妍醜疾病多少威勢
大小族姓資生邪智正智六道苦樂貧富
不等因果報復及禮塔施蓋幡鈴服器飲
食香華靴履燈明等各各十種功德詞簡

事備理趣詳妙

大安般守意經二卷 甚

右說調息守意入禪法

陰持入經二卷

右說十八界三十七品等法

處處經

庚七

十三

右說善惡因果等種種法義

罵意經

右說人當制意學道種種善惡因果事

分別善惡所起經

右說五道善惡因果報應後偈說因果詳

博及酒有三十六失

出家因緣經

右說優婆塞持犯佛戒善惡果報

阿舍正行經

右說善惡生死人當正行修道

十八泥犁經

右說地獄種種苦事

法受塵經

右說耽著塵染不得無上吉祥之道

禪行法想經

右說彈指間修諸禪法不爲愚人虛食人

施

長者懊惱三處經

右說忉利天人壽終來生舍衛城爲長者

子墮樹死死已生龍中爲金翅鳥吞噉三

處父母一時啼哭一切生死因緣如幻如

客

健陀國王經

右說事婆羅門不能免生死唯事佛可以

得道

須摩提長者經

右說長者喪子苦惱佛爲說無常法人得

受度

阿難四事經

鹿七

右佛說教戒令阿難傳持

十

未生怨經

右說瓶沙王子阿闍世王受調遠惡友教

作惡逆

四願經

右說四願不可常保一謂空愛身命死則

委去二謂財產官祿三謂親屬知識四謂

不能守意正行姪於五樂

黑氏梵志經

右說梵志當墮地獄見佛得道

獬狗經

右說誹謗道師當墮惡道

分別經

右說六根塵造十惡業墮十八地獄末法

比丘多作業等

八關齋經

右說受八戒法其福不可稱量

阿鳩留經

右說小施獲大果報

孝子經

鹿七

右說生育恩重唯化親聞法得道爲孝

十五

五百弟子自說本起經

右諸阿羅漢各各自說得果本起種種因

行佛亦自說果報

大迦葉本經

右說大迦葉見佛聞法得道

四自侵經

右四謂夙夜不學老不止姪得財不施不受佛言四者出心還自苦身

羅云忍辱經

右說舍衛國有輕薄者以沙土著鷲鷲子鉢中及擊羅云首流血夜半命終入大地獄受大劇苦佛說其種種苦報并說忍辱最爲大力說忍功德甚詳

佛爲年少比丘說正事經

右爲比丘略說法要

沙曷比丘功德經

右沙曷比丘得羅漢果降伏毒龍

時非時經

右說十二月時非時法

自愛經

右說行善得果是爲自愛

忠心經

右大目連以神足移石國中八歸仰佛爲說法

見正經

一名生死變識

右見正者弟子名也問佛人死已識神無還今人皆不知宿命識神所從來佛爲種種喻說深談生死輪轉流浪變易之理

大魚事經

鹿七

右喻人貪欲故墮生死如魚罹漁捕

阿難七夢經

十六

右阿難七夢憂怖問佛佛爲解脫

呵鵬阿那舍經

右說佛子善行功德不欲令人知

燈指因緣經

右說燈指生而指出光明始終富貧種種因緣事

婦人遇辜經

右婦人夫子父母舅姑皆橫死種種大苦

惱因發狂見佛受度事

四天王經

右佛說六齋日天王太子使者諸天日月

五星二十八宿下人間伺察善惡人修五

戒六齋等獲福得度

迦葉度貧母經

右說大迦葉欲度貧老母從乞臭米汁飲

之爲現神足母大敬喜以此福生忉利天

說布施獲福無量事

十二品生死經

庭七

十七

右說四果人下至三塗善惡生死有十二品

輪轉五道罪福報應經

右說五道罪福因果報應如影隨形事

五無返復經

右舍衛國五人皆得道證父子耕地蛇嚙

殺其子父母姊妻奴皆說無常苦空法或

者以爲不孝慈問佛佛說此經

佛大僧大經

右二人兄弟也其一出家證羅漢果其一

以姪殺故墮地獄弟婦守貞生天

邪祇經

右婆羅門先事外道後從佛受道復悔還

戒佛爲化度證羅漢果

末羅王經

右說王國中有大石方數十里佛以足指挑石因爲說法九億人受度

摩達國王經

右說王錄國人征討比丘得羅漢亦見錄爲見神足王悔過見佛聞法

旃陀越國王經

右說兒在塚中三年不死佛說本緣

五恐怖世經

右說後世比丘等不修道可恐怖事

弟子死復生經

右說弟子死七日復生說更地獄受苦歸

信佛法佛爲說此經

懈怠耕者經

右說耕者見佛欲禮敬問法復念耕種未竟須後閑時佛說此懈怠人已經九十一

應七

十八

劫過六佛不得受度

辯意長者子經

右長者子問佛六道善惡因果等事佛說此經

無垢優婆夷問經

右說掃塔聖地香華供養禪定歸戒所得果報

賢者五福德經 竟

右說說法人得五福德謂長壽大富端正名譽聰明

天請問經

右天問佛答種種法義

僧護經

右僧護舍利弗弟子也所見地獄人五十六種佛說是等此丘往昔罪業之因受是

苦報教誡嚴備佛弟子宜皆觀省

護淨經

右說一比丘墮餓鬼中坐五百歲前以不清淨手觸僧食器以不清淨食著僧食中不持齋者食法會食六十萬世墮餓鬼中不得挾齋餘食歸給妻子設齋會食不得先嘗皆作殘食不如不作

廢七

十九

木槌子經

右說持三寶名二十萬徧生第三天滿百萬當得向初果

無上處經

右謂三寶爲無上處

盧至長者因緣經

右盧至富而慳以高慢爲帝釋所燒見佛證果

五王經

右諸國王各耽王樂佛爲說八苦即皆得果

出家功德經

右說出家功德及勸障罪福

旃檀樹經

右說背恩伐樹爲樹神所殺

頌多和多耆經

右說愚人不知施度

普達王經

右王禮敬道人群臣諫王王爲說法因供

佛得果

佛滅後棺斂葬送經

右說佛葬儀及佛鉢化緣

鬼子母經

右說鬼子母食人子佛降化受戒
梵摩難國王經

右說王太子出家證阿羅漢說施當平等
父母恩難報經

右說肩負父母經千年便利背上不足報
生育恩

度七

二十

彌多耶致經

右說外道聞佛說二十一事得道

新歲經

右說受歲說戒舉過

群牛譬喻經

右說驢効牛入牛群爲舐殺喻比丘無沙
門行微妙比丘擯出界外

九橫經

右說人有九因緣命未盡而橫死一者食

不安食二多食過度三不知時節方宜四

食未消而復食不時消吐五大小便不隨

時六犯戒犯王法或饑渴捶打驚怖憂死

七不隨醫藥教誡八夜行妄衝冒九房室

過差或奔車馬牛蛇虺水火逢拔刀人醉

人惡人涅槃經第二十六卷與此同

三十七品經

右略說三十七菩提分法

避女惡名欲自殺經

右比丘避惡名欲自殺天神爲說法使忍

度七

主

辱修道證阿羅漢

比丘聽施經

右聽施比丘不樂道行樂著睡眠佛爲說

此經

身觀經

右說幻身種種過患

無常經

一名三昧經

八無暇有暇經

右八無暇謂三塗生長壽天生邊地六根不具信邪到見不值善導言八難之時無

有閑暇可修道業

長爪梵志請問經

右婆羅門問佛因果種種法

譬喻經

右說怖人墮井爲惡象毒蛇等迫

逼喻生死五欲等

略教誡經

右說出家人應勤斷無呪

療痔瘻經

右有所持呪療一十六種悉皆消落

摩訶僧祇律四十卷 學仕

右摩訶僧祇者大衆也此根本調伏藏即大衆部毗奈耶也佛圓寂後尊者迦葉集千應真於王舍城竹林石室之所結也開元釋教錄云自摩訶僧祇律已下四十五帙四百四十六卷爲聲聞調伏藏者經云勝故祕故佛獨制故如契經中諸弟子或諸天說法律則不爾一切佛說有十事利益故諸佛制戒一攝僧故二令僧一心故三令僧安樂故四折伏高心故五有慙愧人得安穩住故六不信者令得信故七已信者令增長故八遮今世惱漏故九未生諸漏令不生故十佛法得久住爲諸天人開甘露施門故

出十誦律

律戒中犯重曰波羅夷次曰僧伽婆尸沙

此云僧殘次曰波逸提次曰波羅提提舍
尼次曰突吉羅皆梵語也云何名波羅夷
破壞離散名波羅夷爲刀稍所傷絕滅命
根比丘法中斷滅不復更生如人所頭更
不還活爲惡所滅比丘法中更無所成故
名波羅夷僧殘者如人爲他所斫殘有咽
喉少在不斷若得好醫良藥可得除差無
者不可差也犯僧殘有少可懺悔之理遇
清淨大眾懺悔可得罪滅云何爲波逸提
如被斫者少傷其皮不至損命波逸提傷
善處少波羅提提舍尼者非故心作犯即
懺悔數犯數悔故偷蘭遮者欲起大事不
成也突吉羅者此名惡作此出毗尼母論
第七卷

十誦律六十一卷 攝以

定七

二五

右初誦四波羅夷法名異分若犯一事非
沙門非釋子失比丘法故名異分次僧殘
不定捨墮墮法波羅提提舍尼法衆多學
法止諍法名不異分若犯是事故名比丘
故名釋子不失比丘法故名不異分初誦
一至六戒婬盜殺等法二誦七至十三衣
鉢等法三誦十四至二十戒用虫水九十
波逸提說罪滅諍等法四誦二十一至二
十八受具布薩自恣安居皮革醫藥衣等
法五誦二十九至三十三施衣懺悔驅擯
故出精苦切依止羯磨等法三十四卧具
三十五諍事法六雜誦三十六至四十一
種種制戒七誦四十二至四十六尼戒八
誦四十七至五十增一法九誦五十四優
波離問事十誦五十五至五十八善誦五

十九說結集事六十毗尼雜品

波羅夷者名為墮法名為惡法名斷頭法
名非沙門法不共住者如先白衣時犯行
姪如針鼻缺不可復用如人命盡不可復
活如石破不可復合如斷多羅樹心不可
復生名非梵行法懈怠法狗法可惡法
根本說一切有部毗奈耶五十卷 廿益

右武后時義淨等譯其序云佛說律為本
能生諸善法如樹根為本枝幹由是生律
能遮毀禁如堤防暴流三世諸賢聖遠離
有為縛皆以律為本能至安隱處若此調
伏教安住於世間即是諸如來正法藏不
滅離此即便無安隱涅槃路能生眾功德
如地載群生不調令善順如象馬鈎策律
能防破戒如城禦怨敵律是法中王諸佛

慶七

二十四

之導首善道之橋梁苦海大船筏險路之
善導直昇無畏城佛及聖弟子咸依律教
住佛云我滅後戒是汝導師仁等應至心
善聽調伏教毗奈耶序述制緣起所應學處凡
百餘條末有七佛說戒經偈

根本說一切有部苾芻尼毗奈耶二十卷

詠樂

右佛制尼學處百八十法又第四第五部
眾學法七滅諍法七佛說戒經偈與前五
十卷毗奈耶事多相涉而詳略有異

毗奈耶雜事四十卷 殊禮

右四十卷中總有八門九十頌有種種制
學處緣法佛諸弟子勝光等諸國王及勝
鬘行兩夫人瑠璃王誅釋子墮地獄難陀
出家證果目連舍利子入滅訶利底母愛

兒等緣末數卷記佛降生入涅槃結集等事

一切有部尼陀那五卷 別

一切有部目得迦五卷

右種種制學處多與前部相涉而詳略有異

庭七

三五

五分律三十卷 尊上

右宋景平元年佛陀什等所譯即化地部毗奈耶藏佛圓寂後三百年中從說一切有部之所出也與十誦律根本毗奈耶多

相涉此律分作五五分謂部類劑限不同故第一分十卷波羅夷法第二分尼波羅夷法十一至十四第三分十五至二十二受戒法衣法藥法食法等第四分第二十三至二十四滅諍法等第五分二十五至

三十初破僧法雜法等

四分律六十卷 和婦

右姚秦佛陀耶舍等譯序偈云衆經億百千戒爲最第一如王治正法如醫治衆病若有捨戒者於佛法爲死持戒如護命守之無毀失譬如得王印所往無罣礙小毀則不定大毀入三惡

大藏聖教法寶標目卷第七

音釋

沫莫割切耗呼到切蛸曉綠切蠕乳克切變古猛切獬居例切鷺七由切觝丁體切瘡瘡直里切瘡瘡後分病也

大藏聖教法寶標目卷第八

庭八

元清源居士王古撰

根本說一切有部戒經隨

十誦比丘戒本

五分比丘戒本

僧祇律比丘戒本

僧祇律比丘尼戒本

十誦律比丘尼戒本

根本說一切有部苾芻尼戒本

右七經同帙僧律四波羅夷十三僧殘二

不定三十捨隨尼薩耆波夜提九十波夜

提四悔過波羅提提舍尼衆學法七滅諍

法尼律八波羅夷十九婆尸沙一百四十

一波夜提餘尼薩耆波夜提衆學滅諍法

數同佛制半月布薩說戒即此本也

四分解脫戒本

四分戒本

四分僧戒本

右本同譯別

四分配比丘尼戒本

五分配比丘尼戒本

右尼律八波羅夷十七僧殘三十捨墮一

百七十八墮法五分二百一十八悔過衆

學法七滅諍法

沙彌十戒經并七十二威儀法

沙彌威儀

沙彌尼戒文

沙彌尼戒經

右經題名義自具

舍利弗問經外

右佛說涅槃後律分爲五部因緣舍利弗問佛制律或開或遮疑義及八部鬼神何故生於惡道而見佛聞法等事

根本說一切有部百一羯磨十卷 受

右梵語羯磨此云時到亦云辦事謂集僧

庭八

出家授戒出白衆罪悔過折伏諫擯等法

二

百一者舉其大數與大律數雖不同無違

妨也

大沙門百一羯磨 傳

羯磨上下二卷

曇無德律部雜羯磨

十誦羯磨比丘要用

彌沙塞羯磨本

四分比丘尼羯磨

優波離問佛經

右優波離問戒律種種事

四分律刪補隨機羯磨二卷 訓

右唐宣律師集

四分僧羯磨三卷

右唐懷素集

四分尼羯磨三卷

右亦懷素集

大愛道比丘尼經二卷 入

右佛說比丘尼當受八敬法復受十戒行

十事等乃受五百具足大戒佛正法當住

庭八

三

千歲以阿難大愛道累請度尼故減五百

歲然佛言若女人作沙門精進持戒不犯

毛髮現身化成男子復說受請受食行路

入室出戶種種戒法當除滅八十四態法

佛般泥洹後當有二千比丘尼末世時有

八萬比丘尼奉持是法律皆得阿羅漢其餘者却後百三十劫當復奉是法律得阿羅漢

根本說毗奈雜事攝頌入一切有部毗奈耶尼陀那頌

根本說一切有部毗奈耶頌五卷

右以少偈頌收戒律廣文總括宏綱使易記憶西域尊者毗舍佉等造目連問戒律中五百輕重事經

右佛說戒律中罪犯輕重事理精詳

迦葉禁戒經

右說真沙門持戒行道不惜壽命不求供養有不行沙門法者不名沙門如貧人稱名大富如醫師不自愈病如摩尼珠墮不淨中如死人著金銀珍寶

佛說戒消災經

右說持歸戒人鬼神畏避不敢害犯

佛說犯戒罪輕重經

右佛說犯眾學戒九百千歲墮地獄犯波羅提提舍尼三億六十千歲犯波逸提二十四億四十千歲犯偷蘭遮五十億六千歲犯比丘尼誹謗如是毗尼者非吾弟子是魔朋侶世世學道不成不出三界

優婆塞五戒相經

右戒殺盜姪妄語飲酒可悔不可悔有罪

疾八

無罪僧伽婆尸沙二百三十億四十千歲犯波羅夷九百二十一億六十千歲佛言若比丘比罪等事理精詳

根本薩婆多部律攝十四卷 奉母

右尊者勝友造於佛戒律中以略顯廣明

舉持犯輕重種種學處并佛略教非遮非許清淨不清淨等諸所有事皆明其義與諸部毗奈耶等多相參照

摩得勒伽經十卷 儀

右說戒律中持犯輕重種種法參照諸部理事甚詳

毗奈耶八卷 諸

右毗奈言去奈耶言真也去若干非而就真也降伏此心息此心忍不起降伏戒也息定也忍智也三世佛法藏祕要訓三乘聲聞使得道成佛皆從戒律始此律一部姚秦世初所譯律也制戒之因持犯輕重與諸部律多同但詞有詳略爾

善見律毗婆沙十八卷 姑伯

右律毗婆沙各善具足分別戒相不雜他

語於律中因緣根本所說義味具足善能分別一切律藏無有障礙故名具足第十八卷舍利弗與優波離問答律義甚詳

佛阿毗曇經二卷

右出家相品說一千阿僧祇世界衆生所有功德成佛一毛孔如是徧身毛孔功德成一好如是八十種好功德增百倍成如來一相三十相功德增千倍成一毫相千毫相功德增百倍成無見頂相次說十二因緣四諦等法義甚詳次說佛爲衆演法受具乃至廣說滅惡法度人出家等事毗尼母論八卷 叔

右毗尼此名滅滅諸惡法故母論者廣攝律義故律藏外諸義一切經要皆在此中如衆流入海制戒因本皆在此中

大比丘三千威儀經二卷

右說行住坐卧衣服飲食等種種規繩詞簡事詳委曲精盡

薩婆多毗尼毗婆沙九卷 猶

右此解十誦律論大解律中九十事及悔罪眾學滅諍等法

律二十二明了論 子

右分別解釋律中所立名義

阿毗曇八捷度論三十卷 兒

右迦旃延子造竺佛念等譯阿毗曇者此

云無比法捷度者此云聚即法聚也解釋種種法義謂初說世間第一法頂法煖法次十二緣九十八使結繫四果見諦三界所斷煩惱四諦七覺意八智等法此論三十卷分爲八捷度八部法類不同故一雜

卷八

六

二結使三智四行五四大六二十二根七定八見八捷度中復列四十四品一雜雜明諸事故二結使明諸根隨煩惱三釋智慧差別四辯善惡邪正諸行五明淨根智證見聖諦理六辨利鈍根乘行業差別七明四禪八定差別八明意止欲想時節見解各不同故此論中性相理事法數無邊故名法聚亦是藏之別名故新論作八蘊阿毗達磨發智論二十卷 孔懷

右奘法師譯與阿毗曇論本同譯別譯文順暢即是說一切有部對法藏之根本佛圓寂後三百年中論師迦多衍尼子之所造也後代傳人本有廣略此發智論文義具足傳習之者號爲身論以餘論各辯一支有異於身故

阿毗達磨法蘊足論十二卷 兄

右大目犍連造集衆法寶聚普施群生論
首偈曰阿毗達磨如大海大地大虛
空具攝無邊聖法財今我正勤略顯示其
總頌曰覺支淨果行聖種正勝足念諦靜

慮無量無色定覺支離根處蘊界緣起

法蘊足論者蓋阿毗達磨之權輿一切有
部之洪源也大目犍連所製鏡六通之妙
慧晰三達之智明桴金鼓於大千聲玉螺
於百億摘藏海之奇琬鳩教山之勝珍使
天鏡常懸法幢永樹衆邪息藩籬之望諸
子騁遊戲之歡也佛涅槃後百有餘年疊
啓五分之殊解開二九之異雖各擅連城
之貴俱稱照乘之珍唯一切有部卓乎迥
秀若妙高之處宏海猶朗月之冠衆星者

豈不以本弘基永者歟至如八種捷度驚
微于發智之場五百應真馳譽於廣說之
苑斯皆揖此消波分茲片玉遂得駕群邪
而高蹈接天衢而布武是知登崐閭者必
培塿於衆山游溟渤者亦坳塘於群澍矣

出英法師同
譯靖邁序

阿毗達磨集異門足論二十卷 弟同

右佛令舍利弗代吾爲衆宣說法要自一
法二法以至十法一法者一切有情皆依
食住一切有情皆依行住二法品謂名色
等總二十七門三法有十謂善不善根各
三善不善尋各三惡行妙行各三三界欲
害害三界出離四法有十謂四念住四正
斷四神足四靜處四聖諦四想四無量四
無色四聖衆四沙門果次五法次六法以

至十法佛歎善哉善哉汝能結集如來所
說增一法門復告苾芻眾汝等皆應受持
讀誦能引大善大義大法清白梵行菩提
涅槃

集謂聚積異謂差別法門各相各別異故

鹿八

足謂周足舍利子智慧第一於佛所說法
十二分教中增一名數勒爲一聚廣大周
足故

阿毗達磨識身足論十六卷 氣連

右提婆設磨阿羅漢造論初頌曰阿毗達

磨正法燈心中淨眼智根本三界照明慧
眼道一切法燈佛語海能發勝慧破諸疑
是諸聖賢法衢路了此勝法至聰明悟斯
聖教真佛子

阿毗達磨界身足論三卷

右尊者世友造說十大地法十大煩惱地
法十小煩惱地法五惱五法數性相事理
各各體性差別如地水火風四大欲色無
色十八界等各不同故名界多界共聚集
故名身攝義周圓滿足故名足總通大小

乘三界九地五位修斷行門故

基法師序云界身足論者說一切有部發
智六足之一足也先是婆沙八蘊闕五蘊
之幽趣發智六足無五足之玄文元本頌
有六千後譯刪略爲九百頌或五百頌裝
法師翻八百三十頌文遺廣略義離增減
神功妙思繫可殫言

鹿八

九

阿毗達磨品類足論十八卷 枝交

右尊者世友造唐奘法師譯一切法衆多
流類不同此論各隨品類條貫義理收攝

一切法周圓滿足不亂故總有五法一色
法二心法三心所法四不相應行法五無
爲法第一辯五事品第二辯諸智品三辯
諸處四辯七事五辯九十八隨眠六辯攝
等法七答千問八次擇品如是諸品中收
一切法義無不圓足

眾事分門毗曇論十二卷 友

右宋天竺三藏譯二論本同譯別

阿毗達磨大毗婆沙論二百卷 投逸

右梵語阿毗曇比言大法也阿毗達磨此

云勝法或言無比法毗婆此云廣解說或

云種種說出道安法師序佛涅槃後四百

年健馱邏國王以諸部執師資異論召集

賢聖大阿羅漢脇尊者世友尊者等五百

人皆具三明六通復內窮三藏外達五明

集義製論凡三十萬頌九百六十萬言備
釋三藏懸諸千古窮其枝葉究其淺深佛
法重明微言再顯唐三藏法師於西域具
獲本文傳譯流布焉出西域記第三卷
及本論後三藏偈
俱舍論二十三卷 心神

俱舍論本頌

右天親造解釋俱舍論三十卷中義理梵
本來有先後故釋論在前本論在後

俱舍論三十卷 疲真

右天親菩薩造俱舍也舍此云藏則庫藏

之總名也出諸經音義此論博綜群籍備推異

說天竺大小乘學依此爲本本論有九品

一分別界品說四大六入十八界等二分

別根品說眼耳鼻舌男女命意等二十二

根三分別世品廣說有情世間及器世間

各多差別三界種種事相次四分別業品
前言世別皆由業生此明種種善惡諸業
業由隨眠方得生長次五分別隨眠品次
六分別賢聖品說諸賢聖道相次七分別
智品次八分別定品次九破執我品謂有
我執無容解脫

阿毗達磨順正理論八十卷 志持

右眾賢論師造眾賢博學高才明一切部
毗婆沙論時天親先作俱舍論破毗婆沙
門所執理與文華西域學徒莫不讚仰鬼

神亦皆稱習眾賢心憤二十年覃思作俱
舍論欲與天親面定是非未果而終天
親後見其論歎有知解言其思力甚順我
義宜名順正理論遂依行焉

阿毗達磨藏顯宗論四十卷 雅爵

卷八

十一

右眾賢論師造序偈云已說論名順正理
樂思擇者所應學文句派演隔難尋非少
劬勞所能解為撮廣文令易了故造略論
名顯宗飾存彼頌以為歸刪順理中廣決
擇對彼謬言申正釋顯此所宗真妙義

阿毗曇心論四卷 自

右尊者法勝造論列十品辯一切法明義
理行相令學者生解達法故

法勝阿毗曇心論六卷

右大德優波扇多造序云昔論師解釋太

廣太略使學者迷惑煩勞今離於廣略釋
不顛倒法相令人覺悟真實離諸過惡生
諸功德得勇猛第一義利故

雜阿毗曇心論十一卷 摩都

右尊者法救造序云諸師釋阿毗曇心義

極略難解知法勝所釋最爲略極廣令智
退優婆扇多八千偈又一師萬二千偈此
名廣也我達磨多維專精思惟義賢衆所
應學正要易解了於諸論中爲殊勝具足
顯示真實義一切境界故

阿毗曇甘露味論二卷

右一施戒品二三界五道品三住食生品
四業品五陰持入六行七十二緣八根九
禪智十無漏十一智十二禪定十三雜定
十四三十七品十五四諦十六雜品逐品
分辯法義得道聖人名瞿沙造欲令學者
盡一切漏得一切智甘露味故

隨相論二卷

右說諸法不能自生藉緣方起如小兒藉
扶方起人不能自生藉食愛及業父母因

從八

十二

緣方生如地水生穀芽若無人功置穀子
地中芽終不生衆生作善惡業方牽生果
各隨其相故

尊婆須蜜論十卷 邑華

右婆須蜜菩薩大士次繼彌勒作佛師子
如來也從釋迦文降生爲大婆羅門父命
觀佛侍佛四月已出家佛涅槃後撰此論
一十品十四捷度該羅深度博盡諸法撰
論已入三昧如彈指頃昇神兜率與次補
光燄如來柔仁如來皆集彌勒天宮

三法度論三卷

右說依三寶修行可度生死修財法無畏
施可入聖道修身口意三業除三漏越三
塗超三界近三寶除三毒滅三苦生三慧
入三聖位等法故總名三法度論

入阿毗達磨論二卷

右塞建陀羅阿羅漢造說有學人聞對法中名義稠林便生怖畏欲令彼於法相海中深洄復處欣樂易入故作斯論辯演阿毗達磨中八種法謂色受想行識空擇滅

廣八

十三

非擇滅總攝一切義

成實論十六卷 夏東

右成謂成就圓滿實謂真實不虛此論辯一切法義皆真實圓成故初佛寶具足品四無畏十號三不護三善品衆法品十二部經品清淨品賢聖品福田品如是等二百二品類集演說詳如本論

立世阿毗曇論十卷 西

右立謂成立世謂大千世界佛於起世經中說器世間有情世間四洲諸天三界諸

趣因果善惡受生壽命依正勝劣地動書夜種種地獄大小日月三災劫住成壞空等種種事相與起世經樓炭經俱舍論等相參照

解脫道論十二卷 二

右阿羅漢優波底沙造以十二品演說分別因緣戒頭陀定求善友分別行行處行門五神通分別慧五方便分別諦後偈云無邊無稱不可思無量善才善語言於此法中誰能和唯坐禪人能受持微妙勝道爲善行於教不惑離無明

舍利弗阿毗曇論三十卷 京邛

右與舍利弗集異足門論法義相涉而體製不同初十二入品次十八界品次五陰四聖諦二十二根七覺不善善根四大優

婆塞諸界諸業四果三乘二覺等人品智
品十二緣念處正勤禪定道品煩惱攝品
緒品總演一切法名事理

五事毗婆沙論二卷 面

右尊者法救造釋世友尊者所製五事論

爲欲開發深隱義如發伏藏令世間歡喜

受用如除雲翳日月顯照世友製論爲有

弟子怖廣聞持欲令依止略文起明了覺

於一切法自相共相明了故雖略說五事

而攝一切法故

毗婆沙論十四卷 洛浮

右說迦旃延子本誓願於五千佛修阿毗

曇章句分捷度品數立章門此論解釋彼

諸品法義

三彌底部論三卷

右說諸有情死此生彼中有陰五道三界
捨受身等法

四諦論四卷 渭

右婆數菩薩造說苦集滅道法

分別功德論三卷

右說三寶及諸大弟子各有第一勝妙功
德

辟支佛因緣論二卷

右說辟支佛觀老病死四時改變知一切

法皆無常苦空無我因緣而覺故亦名獨

覺神通變現飛空自在不樂說法以神足

化人作勝福田

十八部論

部執異論

異部宗輪論

右皆說佛涅槃後諸部各異所從出生

佛所行讚經五卷 據

右馬鳴菩薩讚佛功德自降生出家成道
度人以至涅槃分舍利等爲二十八品

佛本行經七卷

右密迹金剛爲諸天人不識見佛者頌
說世尊功德自降胎出家成道利生以至
涅槃分布舍利等事爲三十一品

百緣經十卷 涇

右撰集恭敬供養三寶受大福報生天得
道及慳貪作惡墮餓鬼等種種善惡因果
等凡一百緣

出曜經三十卷 宮盤

右婆須蜜舅法救菩薩之所撰集比一千
章三十三品名曰法句錄其本起繫而爲

釋名曰出曜出曜者舊名譬喻即十二部
第六部也本經出曜者從無常品至梵志
品採衆經之要藏演說布現以訓將來故
名出曜經第六卷

賢愚因緣經十三卷 鬱

右說聖賢解脫受大福報生天得道及惡
業人沉淪苦趣罪報輪轉種種因緣佛往
昔捨身命求菩提爲月光王施頭尸毗王
以身代鴿薩埵太子飼虎佛成道梵天請
轉法輪及降伏六師等緣給孤獨長者布
金買地造寺及爲過去七佛皆造寺二鸚
鵡誦四諦法爲野狸所殺七反生天成辟
支佛等緣

修行道地經七卷 樓

右總衆經之大較示修行之徑路使學者

易進無惑次第曉然多所決擇

道地經

右與前經本同譯別文句簡略耳

僧伽羅刹所集佛行經三卷

右僧伽羅刹須賴國人佛後七百年著此

經賢劫第八佛也載釋迦降生成道行化入滅事迹甚備與普曜本行等經相參照手援樹葉而立化國王以巨象挽絙終不能動搖即就焚化樹葉不焦修行道地經亦其所著也

百喻經四卷 觀

右尊者僧伽斯那撰以一百事喻說道法邪正戒律持犯修行善惡等事

菩薩本緣經四卷

右說佛昔因地以國城妻子布施種種緣

更八

十七

大乘修行菩薩行門諸經要集三卷

右終南山智嚴集於諸經四十二部中集

菩薩行門總六十六條於修行人有大利

益法珠之寶聚大乘之龜鑑也

付法藏因緣傳六卷 飛

右元魏西域二三藏同譯略記自世尊付法迦葉展轉付受至師子尊者傳法因緣坐禪三昧經二卷

右說修習禪定法什法師譯

佛醫經

右說四大病苦種種因緣水屬口火屬眼

風屬耳等

惟日雜難經

右說世尊及菩薩二乘人修行功德等種種差別法義因緣

迦葉赴佛涅槃經

右說世尊入滅迦葉來赴供養偈讚等事

呵色欲經

右說捨欲復念如出獄思入如病差思病

種種呵誡

四品學法經

右說備戒行多聞能化度人爲上品真學

承法學爲中依福學爲下行三事號散侍

爲外品

佛入涅槃密迹金剛力士哀戀經

右密迹金剛力士哀戀世尊歎佛種種功

德而爲無常所壞帝釋勸止謂佛事周訖

乃入涅槃汝等不應生大憂惱等

佛使迦旃延說法沒盡偈百二十章

右記末法中種種事

佛說治身經

右說戒行制身脫一切苦

治意經

右說精進守意福未滿自守已滿得禪

那先比丘經二卷 驚

右國王彌蘭悉知異道能答九十六種經

人問難無能勝者那先阿羅漢與王問答

王大敬伏以所問答爲經種種論難譬喻

王言沙門言在世作惡臨死念佛得生天

殺一生死即入泥犁中我不信是語那先

言如人持小石置水上便沒持百枚大石

置船上以船力故不没人作惡以念佛力

故生天作惡不知佛經故便入泥犁王言

羅漢飛上梵天如人屈伸臂頃不信行數

千萬億里如是疾耶那先言王念大秦國

事王言我念已那先曰反復八萬里何太疾耶王稱善哉如是等詳如本經

雜寶藏經十卷

右集諸經古今事一百一十八緣初說佛於往昔孝養父母等種種緣事佛告諸比

度

十九

丘有二種法能使人疾得人天至涅槃樂

一供養父母二供養賢聖有二法速墮三

惡受大苦惱謂於父母及賢聖所作諸不

善次集種種供養布施獻華然燈造舍造

塔齋戒修行皆得生天受福報事及羅漢

見沙彌後七日當命盡遣歸道中見水漂

衆蟻救之得命延長及修塔修寺設齋延

壽施食施衣受種種福報羅漢知宿命時

作惡五百生作狗緣次說佛降伏曠野鬼

神鬼子母羅睺羅住胎六年等緣

五門禪經要用法 圖

右大禪師佛陀蜜多撰五門者一安般二

不淨三慈心四觀緣十二緣五念佛若亂

心多者教安般若貪欲多者教不淨若瞋

恚多者教修慈若著我多者教因緣若心

沒者教念佛禪觀法相甚詳略出觀佛三

十事修慈四十事

達磨多羅禪經二卷

右說安般不淨觀四無量心觀五陰六入

十二因緣等修行勝道進分住分退分種

種功德法開示甚詳

禪法要解經二卷

右羅什譯說修不淨觀除五蓋得四禪相

法修慈念佛修四無量心四無色定修六

神通等法

禪要訶欲經

右說人身種種不淨衆生妄愛著邪淫及載目連爲婦說偈

法觀經

右與內身觀思惟略要等經文意相涉入

內身觀章句經

庚八

二十

右說身三十六物三百六十骨節九孔不淨等是爲一切病宅一切苦器

思惟略要法經

右羅什譯說求初禪先習諸觀謂不淨四

無量觀因緣安般念佛等觀無量壽法華

三昧等

佛說十二遊經

右說佛降生成道十二年中於十六大國等處行化度人

雜譬喻經二卷

雜譬喻經 寫

右抄集諸經中善惡因果種種譬喻事

阿育王譬喻經

右初說阿育王作福以金鑄像與海龍王較

福力輕重事後復有種種喻說善惡事

阿育王經十卷

右說佛行化路中有小兒沙中戲以沙爲

糗捧內佛鉢以爲一繖地王於佛法中廣

作供養佛記涅槃後百年鐵輪阿育王廣

興供養起八萬四千舍利塔後育王登位

庚八

三十一

造地獄多所殺害有阿羅漢於鑊湯中現

十八變王大驚異羅漢說佛所記王能役

使龍鬼夜叉於一日中安置八萬四千塔

已作廣大供養布施等事第六卷後說優

波笈廣度弟子事

阿育王傳七卷

右與阿育王經本同譯別第三卷後載優

波毘多廣行化度等事

呵育王太子息壤目因緣經二卷 禽

右說育王太子業報壤目本緣事

四阿含暮抄

右本序云阿含暮秦言趣無也阿難既出
十二部經又採撮其要逕至道法爲四阿
含暮與阿毗曇及律並爲三苑焉文約義

豐經之瓔鬘

法句經二卷 獸

右集佛偈以類分品

法句喻經四卷

右說佛行化度人種種教化譬喻句偈

迦葉結集經

右略記諸大阿羅漢結集法藏緣

撰集三藏及雜藏經

右迦葉阿難等結集法藏魔波旬來燒法

集阿難迦葉化人狗蛇三尸繫魔頸降伏

之遂成法藏

三慧經

右說種種緣法似四十二章

阿毗曇五法行經

右說四諦及諸結使等義

阿含口解十二因緣經

右說十二緣等種種法義

小道地經

右說修行持息等法

文殊發願經

右大略如普賢行願經

六菩薩亦當誦持經

右說六菩薩功德宜應持誦

一百五十讚佛頌

右讚如來種種勝妙功德

讚觀世音菩薩頌

右讚淨聖種種功德

無明羅刹經三卷 畫

右說十二因緣種種譬喻

馬鳴菩薩傳

龍樹王菩薩傳

提婆菩薩傳

龍樹弟子

右三菩薩傳略與付法傳事迹相類

婆數盤豆法師傳

右梵語也此云天親并說無著菩薩等事

卷八

三十三

迹

龍樹菩薩勸誡王頌

勸發諸王要偈

龍樹說法要偈

右三本本同譯別是龍樹菩薩以詩代書

寄諸親友國王等種種勸發教誡簡要精

切寄歸傳云西域學佛法人首皆誦此

金七十論三卷

右仙人迦毗羅從空而生自然四德一法

二慧三離欲四自在憫世盲暗起大悲心

為婆羅弟子問答演說一切微妙法義此

七十偈論是大論略抄攝六萬偈義盡

勝宗十句義論

右尊者慧月造十句義論一者實二者德

至十者無說辯種種法義

賓頭盧為優陀延王說法緣經

右訶勸捨離五欲無常之法二鼠侵膝醉

象四蛇等喻苦切精至

請賓頭盧經

右說請聖僧法

分別業報略經

右說善惡諸趣因果報應事

當來變經

右記說末法種種變事

大阿羅漢難提蜜多羅所說法住記

右唐言慶友說十六大阿羅漢并眷屬等

名數住處護法應供等事過刀兵劫至人

壽七萬歲時方入涅槃釋迦法滅并記人

能於釋迦佛法中於三寶所種諸善根種

種因緣得預彌勒三會獲涅槃果

定八

二十四

大藏聖教法寶標目卷第八

音釋

晰之列切桴縛謀切擊於阮切琬亡過

也明也培培薄口切塿塿也郎斗坳下鳥交切地切

絙居登切繖蘇肝切璫渠竹切

大藏聖教法寶標目卷第九

庭九

元清源居士王古撰

釋迦譜五卷 綵

右梁僧祐撰舊十卷今合之一釋迦始祖
二姓瞿曇庭九三六世祖四降生成佛五七佛
種姓衆數同異六三千佛緣七內外族姓
名八弟子姓緣九四部名聞弟子

釋迦氏譜

右唐終南釋氏以僧祐譜文繁多述此一
所依賢劫二氏族三所託方二四法王化
相五聖凡後裔

釋迦方志二卷

右終南釋氏述一封疆序世界安立二統
攝序佛所攝三千大千世界三中邊序天
竺居天地中四遺迹序佛故迹謂西域記

詳於土風略於遺迹五遊履序今古僧俗
遊天竺可紀者六通局序佛化迹差殊不
同七時住序正像住劫八教相序歷代興
崇佛教

經律異相五十卷 仙傍

右梁天監中勅僧旻等及稟武帝節略經
律論事凡六部一天二地三佛四諸釋五
菩薩六聲聞比丘尼人鬼神雜畜地獄

陀羅尼雜集十卷 啓

右集諸經佛菩薩仙天真言而未詳集者

僧可洪序其文重複真俗雜亂傳寫訛誤
諸經要集二十卷 甲對

右唐西明寺釋道世集三寶等三十部序
決教法修行儀軌罪福果報等諸經要義
各以類從因述勸誡

出三藏記集十五卷 楹肆

右僧祐撰考校自古譯經先後存亡真偽總別以類分目又集諸家所作經序記等及歷代高僧俗士問答注解律論目錄

衆經目錄七卷

庭九

右隋僧法經等撰類次衆經律論一譯再譯數譯失譯及重出別生疑偽別生謂抄出別行

歷代三寶記 筵

右隋翻經學士費長房撰首以編年叙自周已來佛生滅譯經獲瑞像等事迹次編類譯歷代經及譯人事迹次類大小乘經目次開皇三寶總錄次帝年次代錄次入藏經次總目

衆經目錄五卷 設

右唐釋靜泰撰凡二千餘部六千餘卷一

單本二重翻至六翻及聖賢集傳三入藏

及別生四疑偽五闕本凡經各有紙數

大唐內典錄十卷 席鼓

右西明寺釋氏道宣撰序歷代所譯經次分大小乘次入藏次數譯從一次別出攝

歸本部次闕本次注解次流化次疑偽次

錄目終次應感

大周刊定衆經目錄十五卷 瑟吹

續大唐內典錄

右釋智昇撰序經目續麟德至開元所譯

庭九

三

古今譯經圖紀四卷

右唐釋靖邁撰序次逐代譯人事迹并所譯經律論目

續古今譯經圖紀

右釋智昇撰慈恩寺翻經院圖畫古人傳

譯經素三藏邁公撰題後有藻繪而無題
記今續之并序譯人事迹并所譯經目

開元釋教錄二十卷 笙階

右釋智昇撰前十卷總序歷代所譯經律
論目後十卷分大小乘經論集有譯無譯

闕本疑偽別生異名重載亦有增損拾遺
一切經音義二十五卷 納轉

右貞觀沙門玄應撰逐經音釋并唐梵字
義

華嚴經音義二卷

右唐沙門慧苑述

西域記十二卷 疑星

右唐奘法師譯沙門辯機撰叙西域諸國
風土城邑興廢佛法遺迹

集古今佛道論衡四卷

右西明寺釋氏撰叙歷代僧與道士對辯
勝負

續古今佛道論衡

右叙佛法初來道士比較勝負事

傳法記 右

右叙佛法初來道士比較及孫權等試驗
事

集神州三寶感通錄三卷

右道宣律師撰一述見諸天問答教迹戒
律事二述歷代瑞像三初述聖寺次述聖

教末述神僧事

集沙門不拜俗事六卷

右沙門彥琮纂序晉至唐奉議書詔不拜
俗事

三藏法師傳十卷 通

右叙玄奘法師取經事

求法高僧傳二卷 廣內

右唐沙門義淨自西國還在南海室利弗逝國撰寄歸叙中國及交州新羅往天竺

求法僧大抵多病難及住不迴者及那爛陀寺圖

高僧傳十四卷

右梁僧慧皎撰一譯經二義解三神異四習禪五明律六亡身七誦經八興福九經師十導師論稱昔高僧本以八科成傳今

以經導雖末而悟俗可崇故加二條足成

十數

法顯傳

右法顯自述往來天竺取經等事

續高僧傳三十卷 左明

庭九

五

右唐釋道宣撰十例一譯經二解義三習

禪四明律五護法六感通七遺身八讀誦

九興福十雜科又曰聲德傳稱凡此十條

世罕兼美今就其尤最者隨篇擬論

辯正論八卷 旣

右唐釋法琳撰陳子良序并注以道士李

冲卿劉進喜等謗法乃作此論三教治道

一十代奉佛二佛道先後三釋李師資四

十喻五九歲六氣爲道本七信毀交報八

品藻衆書九出道僞繆十歷世相承十一

歸心有地十二

破邪論二卷

右唐釋法琳撰難傳奕所陳毀佛法事上

皇太子并秦王各有啓冠篇首

十門辯惑論三卷 集

右唐大慈寺釋復禮答太子文學權無三
釋典稽疑十門一通力上感二應形俯化
三淨穢二別四迷悟見殊五顯實得記六
反經讚道七觀業救捨八隨教抑揚九化
佛隱顯十聖王興替

甄正論三卷

右僧立疑撰辯靈寶化胡等經虛偽

弘明集十四卷 墳

右梁僧祐集并序集古今僧俗衛法諸文
及製述於佛有益者以類編次

廣弘明集三十卷 典群

右唐釋道宣集一歸正二辯惑三佛德四
法義五僧行六慈濟止殺七戒功八啓福
悔罪九統歸賦論詩讚凡九篇

南海寄歸內法傳四卷 英

庭九

六

右唐三藏義淨撰用西域所見僧律儀依
根本律集四十章以證東土違失
比丘尼傳四卷

右梁釋寶唱撰傳自晉升平訖梁天監凡
六十五人

集諸經禮懺儀二卷

右唐釋智昇撰集諸經禮懺佛讚偈懺罪儀
法願生淨土上卷末云故信行禪師依經
自行此法以世無正文故集此書下卷錄
比丘善導等所集願生淨土讚偈等

說罪要行法

右三藏義淨撰半月月盡憶所犯罪說罪
自懺

受用三水要行法

右三藏義淨撰依聖教及西土現所行律

爲此方之式

護命放生軌儀法

右三藏義淨撰述瀘水得虫放生器并法

大方廣佛華嚴經四十卷

杜隸此下貞元譯右南天竺烏荼國王手

施九

自書寫華嚴經百千偈中善財童子參五

七

十五聖者入不思議解脫境界普賢行願

品并書來進唐德宗貞元中詔三藏般若

譯成四十卷即是實又難陀所譯第六十

一卷至八十卷入法界品同本而貞元本

文廣事詳幾增一倍若普眼長者甘露火

王妙德圓滿主林神最寂靜婆羅門等法

門奇特多舊所未出又實又本第八十卷

未有流通分而貞元本末卷之首爾時普

賢稱讚如來勝功德已乃是聯環第八十

卷末前偈次說十大願王卷末列衆部信
受奉行即本末具備方見前八十卷末品
來文未足

守護國界陀羅尼經十卷 漆

右佛於菩提樹下與大菩薩八萬四千及

諸天人等說此守護國界陀羅尼有三十

二修陀羅尼法十六種如來大悲三十二

種如來甚深事業種種莊嚴法門持誦儀

軌等第十卷末阿闍世王問人命終墮惡

道或生人天云何得知誰人曾見佛說當

墮地獄者有十五種相生餓鬼者有八種

相生畜生者有五種相當生人天者各有

十相詳如本經教誡切至

大集大虛空藏菩薩所問經八卷 書

右貞元中不空譯與大集經中虛空藏菩

薩品本同譯別文理互有詳略

大乘密嚴經三卷

右不空譯與墨字函經同本異譯

大乘理趣六波羅蜜多經十卷 壁

右慈氏菩薩問甚深般若波羅蜜多大乘

功德無盡法門不可思議佛說三寶功德

六波羅蜜廣大微妙法門說逐品法門時

各有無量菩薩得無生忍數十萬衆生發

菩提心經末讚說此經廣大殊勝功德

十地經九卷

右貞元中尸羅達摩譯與華嚴十地品本

同經初云薄伽梵成道未久第二七日住

他化自在天王宮與異類佛刹來集菩薩

衆金剛藏菩薩說十地品餘文或有小異

處

大寶廣博樓閣善住祕密陀羅尼經三卷府

右與悲字函經本同譯別

大雲輪請雨經二卷

右與大字函經本同譯別

大孔雀明王經三卷

右與男字函經本同譯別

慈氏菩薩緣生稻稗喻經

右與傷字函經本同譯別已上並不空譯

瑜伽金剛性海曼殊室利千臂千鉢大教王

經十卷 羅

右瑜伽金剛五頂五智尊千手千鉢鉢中

千佛文殊祕密菩提三摩地一切如來大

教王入佛心三密三十支智鏡性海具足

一切法入毗盧遮那灌頂法門五智五頂

五如來解脫門一切諸佛菩提根本文殊

無盡甚深十大願十六大士十大菩薩行
願功德持誦修證法門

大乘本生心地觀經八卷 將

右佛在耆闍崛山與三萬二千阿羅漢八
萬四千一生補處菩薩八部眷屬百千萬
億圍繞供養佛放大光明照十方界時次
補彌勒大菩薩師子吼說偈讚佛願為演
說心地觀門大乘妙法引導衆生令入佛
智文殊彌勒諸大菩薩與佛問答微妙法
義佛說有四恩德不可得報一父母恩若
時割自身肉以養父母未能報恩應勤孝
養若人供佛福等無異二者衆生以其多
生互爲父母故於一切時亦有大恩舊恩
未報宜互饒益三者國王恩護持衆生使
安樂故四者三寶恩利樂衆生不可思議

故佛法僧寶功德名真福田復說三者何

故名寶詳如本經

已上第二卷

次說持戒懺悔

及三身功德法寶利益

第三卷

次比較出家

在家功德過患

第四卷

佛言出家比丘常當

晝夜如是觀察我得人身諸根具足從何

處沒來生此間於三界中當生何處於四

大洲六道之中受生何道以何因緣免八

難身莊嚴劫千佛已涅槃星宿劫千佛未

出現住賢劫幾佛涅槃幾佛未出何時彌

勒下生人間今我身中有何善業戒定慧

學當有何德過庭九去佛皆已不遇十未來佛得

見不耶現在凡夫地三毒煩惱何者最重

一生已來造何罪業種何善根我此身命

能得幾時是日已過命隨滅少猶如牽羊

詣彼屠所漸漸近死何所逃避身壞命終

當生何處三惡道苦如何脫免勿貪世間
受五欲樂精勤修習如救頭然懺悔先罪
調伏其心名真出家披福田衣不貪知足
常行乞食醫藥知足住阿蘭若離喧攝心
如是四無垢性甚深法門各有十種功
德受持讀習解說書寫現世獲大福智命
終必生知足天宮奉觀彌勒若願生十方
佛土隨願見佛第五卷離世間品說住阿蘭
若處功德利益狀身品說有漏身三十七
種不淨穢惡不堅牢過患第六卷波羅蜜品
說十波羅蜜乃至八萬四千波羅蜜法觀
心品文殊問佛云何爲心地大妙智印佛
告文殊勝祕密心地法門名一切凡夫入
如來地頓悟法門名一切菩薩趣大菩提
真實正路名三世諸佛自受法樂微妙寶

廣九

十一

宮名一切饒益有情無盡法藏能引諸菩
薩衆到自在智處是最勝法幢是大師子
吼三界之中以心爲王能觀心者究竟解
脫不能觀者究竟沉淪衆生之心猶如大
地五穀五果從大地生如是心法生世世
善惡五趣有學無學獨覺菩薩及於如來
三界唯心心名爲地一切凡夫親近善友
聞心地法如理修行速圓衆行疾得菩提
文殊白佛心法本無不染塵穢云何心法
染貪瞋癡過去已滅未來未至見在之心
不住內外中間都不可得本無形相無有
住處一切如來尚不見心何況餘人佛答
微妙廣如本經文殊白佛凡夫初心依何
等處觀何等相佛言凡夫所觀菩提心相
猶如清淨圓滿月輪於曾臆上明朗而住

五十由旬無垢明淨內外澄澈最極清淨
月即是心心即是月塵翳無染妄想不生
能令衆生身心清淨堅固不退有加持真
言印法等說逐品法門時新發意菩薩人
天婆羅門海衆發菩提心得法眼淨住不
退轉乃至十地妙覺者四萬八萬四千以
至阿僧祇不可說一切有情等皆當得菩
提佛說此經利益安樂一切衆生凡夫身
便入佛地信解此經一四句偈其福不可
限量勝以恒河沙大千世界滿中七寶供
養十方諸佛菩薩精舍寶塔等十六分不
及一

大方廣入法界品四十二字觀相

右譯翻梵字并出觀法

護國仁王般若經二卷

廣九

十二

右與羽字函經同本

七俱胝佛母準提陀羅尼經

右說持誦功德儀範

大聖文殊師利菩薩莊嚴經三卷

右與鳥字函文殊受記經同本異譯

普徧光明大隨求陀羅尼經二卷

右說持誦寫戴有種種殊勝功德

熾盛光佛頂銷災陀羅尼經

右佛說除一切災難法能成就入萬種吉

祥事能除滅八萬種不吉祥事

金剛頂瑜伽真實大教王經三卷 路

右說持誦印呪求願降伏等法

一字奇特佛頂經三卷

右說持誦有種種殊勝功德

文殊所說宿曜經二卷

右說日月五星二十七宿唐二十八十二宮分

年月日時所主吉凶諸法

菩提道場所說一字頂輪王經五卷 俠

呵喇哆羅陀羅尼阿嚕力經

大威力烏芻瑟摩明王經二卷

右三經皆說持誦祈呪有大應驗種種法門九

一髻尊陀羅尼經 槐

右觀世音說陀羅尼利益衆生結界建壇持誦護摩種種祈願降伏息災成就諸法

末利支提婆華鬘經

右佛說末利支天常在日前行日不見彼彼能見日王難賊難行路曠野晝夜水火鬼難毒難中救護衆生印壇持誦滿種種願鬼蠱虫蛇種種瘡病解厄求財除睡縛

賊等法

大方廣曼殊室利經

右說持呪畫像印壇祈願等法

般若心經

普徧智藏般若波羅蜜多心經

右即是般若心經與什法師樊法師譯小有增多

雨寶陀羅尼經

右妙月長者多眷屬少資財又多疾病告佛佛爲說此經令滿所願

摩利支天經

右與才字函經本同譯別

文殊問字母經

右佛答文殊問一切諸法入於字母及陀羅尼字法

瑜伽念珠經

右金剛手菩薩說珠表勝果中間滿爲斷
漏線貫串表觀音母珠表無量壽不可驚
越過校量木鐵水晶菩提子等得福之量
木櫬經

度九

十四

右國王問國貧民困不得安卧求佛法要
佛說木櫬子持誦法沙斗比丘誦三寶名
滿十歲得斯陀含果今在普香世界作辟
支佛

大吉祥天女經

右受持名號除一切怖畏逼惱貧窮災橫
等有一百八名

出生無邊門陀羅尼經

右佛召集十方諸大菩薩說此陀羅尼持
誦有殊勝功德

觀自在說普賢陀羅尼經

右說持誦祈願殊勝種種功德

八大菩薩曼荼羅經

右佛說有八曼荼羅是觀音慈氏虛空藏
普賢金剛手文殊除蓋障地藏甚深法要

依法建立一徧者十惡五逆謗方等罪皆
悉消滅一切所求善利勝願皆得成就

除一切疾病陀羅尼經

右佛說陀羅尼除宿食不消霍亂風黃痰
癰痔瘻淋瀝上氣嗽瘡寒熱頭痛著鬼悉

度九

十五

得除差

能淨一切眼疾病陀羅尼經

右佛說此陀羅尼令眼無垢翳一切疾病
毗沙門天王經

右毗沙門天王白佛我願利樂諸有情等

豐饒財寶護持國界此陀羅尼如摩尼寶
能滿衆願說持誦祈願種種勝妙功德法
救拔焰口餓鬼陀羅尼經

右與羔字函面然經同本異譯
仁王般若念誦法經

右佛說仁王般若道場儀軌十法

瑜伽翳迦一字頂輪王瑜伽經

右說建道場持誦儀軌功德

迴向輪經

右佛說持誦此密言一徧得百梵福夢常

見佛諸罪消滅

十力經

右說佛具十種大智力故得名如來

金輪正念誦法

右諸佛頂經中廣說供養持誦儀軌今但

晨暮修行要略之法

華嚴長者問佛那羅延力經

右較量牛象師子等力各各十倍增勝唯
佛一一節中皆具八萬四千六百六十三
種那羅延力

金剛頂瑜伽深密門

右說持誦種種深妙儀軌法

十一面觀自在菩薩心密言念誦儀軌三卷

卿

右說持呪壇印畫像供養祈願種種法門

疏九

十六

菩提場莊嚴陀羅尼經

葉衣觀自在菩薩經

右皆說持誦祈願種種法

一切如來金剛壽命陀羅尼經

右佛說此呪爲令衆生壽命色力皆得成

就無死夭怖

穰麋梨童女經

右能除世間一切諸毒毒虫毒蛇毒藥呪
毒蠱毒魅毒皆不能害

一切如來心祕密全身舍利寶篋印陀羅尼
經

右與兵字函經同本

大方廣如來藏經

右與過字函經本同

金剛恐怖集會方廣軌儀經

右說持誦祈願勝妙功德法門

金剛頂瑜伽經十八會指歸

右說金剛頂瑜伽十八會修持法要

大吉祥天女十二名號經

右說持誦天女名號功德

庭九

七

穢迹金剛法禁百變經

穢迹金剛陀羅尼法術靈要門

右說持誦此呪能除一切病苦除遣一切
鬼祟邪魅救度衆生滿一切願降伏一切
凶惡鬼神除伏連虫獸等皆不能爲害有

結印服符等法

曼殊師利童子五字法

金剛頂瑜伽經

觀自在菩薩如意輪瑜伽經

右並說持誦祈願等法

千手千眼廣大圓滿無礙呪 戶

右與潔字函伽梵達磨所譯文別

千手千眼根本真言

右與前呪不全同亦有略注說法義處

仁王般若陀羅尼釋

右略解本經

訶利帝母真言法

右說治病滿願保胎求男女等法

不動使者陀羅尼祕密法

金剛頂經瑜伽修習毗盧遮那三摩地法

大樂金剛不空真實三摩耶法

大日經略攝念誦修行法

金剛頂修行法

大毗盧遮那成佛神變行法

速疾立驗魔醯首羅尾奢法

金剛頂降三世大儀軌

金剛瑜伽文殊菩薩法

金剛頂瑜伽觀自在修行儀軌

仁王般若念誦法

右十一儀軌各說持誦殊勝功德壇印供

建九

養攝召降伏種種祈願隨意成就法

佛為優填王說王法政論經

右與壁字函王法正理論本同

金剛瑜伽中發菩提心論

右大廣智說修瑜伽人身雖人身心同佛

心以祕密加持頓同諸佛華嚴經云無一

衆生而不具有如來智慧但以妄想顛倒

執著而不證得若離妄想一切智自然智

無礙智則得現前知一切衆生究竟成佛

又云信解清淨心自悟不由他具足同如

來則超凡夫位入佛所行處生在如來家

令修行者觀照本心湛然清淨猶滿月徧

虛空皎潔分明合普賢之心速具一切智

金剛童子菩薩成就儀軌經三卷 封

毗盧遮那佛灌頂真言

文殊菩薩根本大教王金翅鳥經

觀自在修多羅瑜伽念誦法

右四經各說持誦祈願種種法門

大藥叉女愛子成就法經

右神名歡喜母是婆多大藥叉將之女娉

癡九

散脂大將生五百子有五千眷屬常在支

十九

那國護持世界此經說持誦供養功德種種祈願法門佛付囑令勤守護衆生以至法滅

大樂金剛不空理趣釋

陀羅尼門諸部要目

右略說瑜伽經都十萬偈有十八會經說五部中方佛部毗盧遮那爲部主東方金剛部阿閼佛爲部主南方寶部寶生佛爲部主西方蓮華部阿彌陀佛爲部主北方

羯磨部不空成就佛爲部主五部主各有

四菩薩爲眷屬四部前右左背而安列外

四部四門鈎索鑠鈴四方十六大菩薩六

曼荼羅二十五種爐護摩等法事要目

般若理趣不空三昧真實菩薩十七聖大曼

荼羅義述

右略舉十七清淨三摩地成證法門

大乘緣生論

右詳解十二緣生法門

三十五佛名禮懺文

右本出烏波離所問經能淨業障重罪現生所求禪定解脫皆得滿足五天竺國修大乘人六時禮懺不闕功德廣大不能盡錄

阿閼如來念誦供養法

金剛壽命陀羅尼念誦法

聖閻曼德迦威怒王神驗法

觀自在如意輪念誦儀

普賢金剛薩埵念誦儀

不動尊威怒王使者念誦法

座九

大聖天歡喜雙身夜迦法

二十

觀自在大悲法門

金剛頂瑜伽分別聖位修證法門

右九經各各說持誦供養印壇祈願種種

祕妙法門

五字陀羅尼頌

金剛頂超勝三界經

金剛頂經文殊菩薩法一品

右並說文殊五字呪功德殊勝法門

文殊讚佛禮

右文殊四十禮讚佛功德

金剛頂瑜伽三十七禮

右禮五佛諸大菩薩名號出生功德滅罪法

百千頌大集經地藏菩薩請問法身讚

右說法身法界菩提涅槃二乘十地二覺功德

普賢菩薩行願讚

右是普賢行願品略偈首尾不具經後有速疾滿普賢行願陀羅尼云日誦普賢行

座九

主

願後誦此真言一遍普賢行願悉皆圓滿速得三昧現前福慧二嚴速疾成就受菩提心戒儀

右說最上乘受戒懺悔法

大虛空藏菩薩念誦法

金剛頂勝初瑜伽念誦法

瑜伽蓮華部念誦法

成就妙法蓮華觀智儀軌

仁王般若儀軌

甘露軍荼利念誦儀軌

一字頂輪王念誦儀

大孔雀明王畫像儀軌

大樂金剛薩埵修行儀軌

無量壽修行供養儀軌

佛頂尊勝陀羅尼念誦儀軌

金剛手光明灌頂儀軌

金剛頂蓮華部心念儀軌

觀自在心真言觀行軌儀

金剛頂略出念誦儀

金剛頂經十字頂輪王一切時處念誦儀

他化自在天理趣會普賢儀軌

大威怒烏芻埵磨儀軌

右十八念誦儀軌並不空出各各說持誦
本經修行儀軌

金剛王菩薩祕密念誦儀軌

右不空譯初云我今愍念一切求等覺者

不知此祕密瑜伽速成佛法於三大阿僧

祇忍諸苦行不至菩提故於金剛頂百千

頌中略說毗盧遮那如來自性成就法身

金剛界大圓鏡智流出他受用異名金剛

王菩薩念誦儀軌以三密修行大印等令

真言行菩薩速證等覺之位

金剛頂瑜伽五祕密修行念誦儀軌

右說金剛頂經百千頌十八會瑜伽演頓

證如來內功德祕要若不五部五密曼荼

羅加持自有漏三業身能度無邊有情無
有是處以祕密加持威德力故於須臾頃
當證無量三昧得一大阿僧祇劫所集福
慧則爲生在佛家從佛口生從法化生受
得廣大甚深不思議法超越二乘十地修
持法門詳如本經

金剛頂瑜伽護摩儀軌

右廣說護持多種如大瑜伽經今略說五
種謂息災增益降伏勾召敬愛護摩爐形
量方圓大小深闊畫五部壇位各有種種
法相面向方位加持時分建壇擇地供養
印呪法各差別此三世佛祕密法門皆須
精曉勤敬修習無不成就

修習般若波羅蜜菩薩觀行念誦儀

右初頌云運心徧法界一切佛刹海廣多

庭九

三十三

供養具宮殿衆樓閣種種寶莊嚴徧滿虛
空界如空刹土爾如刹佛亦然如佛法亦
爾如法供養然一切皆無量十方無邊刹
敬禮諸如來入般若甚深體性三摩地現
大月輪量同法界光明普照寂然清涼悲
愍有情三界熾然如一子想未度者度未
安者安未涅槃者令得涅槃種種加持法
門有大殊勝功德

結集正教住持遺法儀六卷 給

右尊者羅睺羅記沙門道宣譯初序結集
儀式二序天人偈頌三序結集付囑相篇
大迦葉問阿難答諸經首尾當安何語八
部列衆先後次叙分布舍利牙印爪髮衣
鉢杖錫坐具金瓶付囑安布置何處住持
遺法利樂衆生過去諸佛傳付法衣剃刀

經函寶塔等斷著毛羽衣斷用寶鉢斷食

肉等二十九緣

食施獲五福報經

施餓鬼食經

金剛壽命陀羅尼經

右三經與開元錄經本同

瑜伽金剛頂注釋字母品

右略解一切法不生名義性相等皆不可得

大藏聖教法寶標目卷第九

音釋

緇莊持切 繪黃外切 蕤言紀切 稈古旱切 穗木莖也切

胡惜切 痰痰徒甘切 淋淋力尋切 瀝瀝即擊切 穰穰木名也切

麋樓汝陽切 麋樓汝陽切

延九

三十四

大藏聖教法寶標目卷第十

度十

元清源居士王古撰

莊嚴寶王經四卷 千

右佛說觀自在菩薩救阿毗地獄極苦衆生及餓鬼等諸趣罪苦六字神呪不可思議功德

議功德

聖吉祥持世經

右佛爲妙月長者貧窮多病說陀羅尼

七佛讚

右讚七佛并慈氏功德皆梵文

大乘聖無量壽王經

右佛因妙吉祥菩薩說無量壽決定光明

王如來陀羅尼令天壽人而得長壽

聖佛母小字般若經

右佛爲觀自在菩薩說陀羅尼令衆生速

獲菩提無諸魔難

最勝佛頂陀羅尼經

右陀羅尼前後別無經文

無能勝旃王如來莊嚴陀羅尼經

右佛因帝釋與阿脩羅戰敗說陀羅尼一

切怨敵無能勝者

佛說守護大千國土經三卷

右佛說大明王呪保護大千國土及釋梵

天王等說呪保護衆生

大方廣總持寶光明經五卷

右如華嚴十住品發心功德品同本而此

加詳

出生一切如來經二卷

右佛告金剛手祕密主持大教明王經法

大乘目子王所問經 兵

右佛因日子王姪恚爲說女人虛誑及丈

夫姪欲四過一遠離佛法僧二不孝父母

三恒多邪見四種種虛誑廣求財利

大乘善見變化文殊問法經

右佛爲文殊說四聖諦四念處四正勤五

根五力七覺分八正見

金耀童子經

右佛爲童子授記及說風因

大寒林聖難拏陀羅尼經

右佛爲羅睺羅遊寒林爲天魅龍鬼及異

類擾惱說陀羅尼

分別善惡報應經

右佛爲輸迦長者父作大說六道善惡衆

業受報差別及飲酒三十六過及種種行

施果報

樓閣正法甘露鼓經

右阿難問佛作曼拏羅窠堵波如來像較

量功德

較量壽命經

右佛說較量六道壽命長短

大護明陀羅尼經

右佛說陀羅尼遣阿難陀入吠舍離城作

成就法退散一切衆生災難疾疫

聖虛空藏菩薩陀羅尼經

右佛在喜樂山二比丘爲部多所執身有

疾病虛空藏菩薩請問佛集七佛及虛空

藏各說明呪除病去災延壽命法

消除一切閃電隨求如意陀羅尼經

右佛及觀自在金剛手大梵四天王各說

呪除閃電中天一切毒

息除中天陀羅尼經

右佛爲四天王集十方諸佛說陀羅尼息

除中天及老病四天王亦各說呪

無能勝大明王陀羅尼經

右佛說陀羅尼爲人天作諸利樂一切障

礙及鬼神暴惡無能破壞

讚法界頌

右龍樹菩薩讚法界妙理并六根六度等

法十地及佛地等法

諸行有爲經

右佛爲諸苾芻說一切人天聖人外道等

皆歸死滅

嗟轍曩法天子受三歸獲免惡道經

右帝釋爲天子受三歸命終生觀史多天

佛頂放無垢光明經二卷

右爲摩尼藏無垢天子命將終說陀羅尼
能救中天及惡道業蛇螫疾病兵戈怖畏
能求子息

最上燈明如來陀羅尼經

右最上燈明如來遣菩薩來說陀羅尼擁

護利益安樂有情佛與文殊等并四天王

亦說陀羅尼增長有情佛力息除災難

一切如來正法祕密篋印心陀羅尼經

右佛受無垢妙光婆羅門請中路有大舊

塔如來旋繞供養塔中諸佛全身舍利并

陀羅尼能滅惡業除惡鬼毒獸究竟佛果

六道伽陀經

右佛說偈讚述六道受生因報

勝軍化世百喻伽陀經

右化人爲善戒惡悟世無常

妙法聖念處經八卷

右佛爲說六道苦樂因果與正法念處經略

法集要頌經四卷 高

右尊者法救集諸經法頌凡三十三品皆

頌

法集名數經

右略集佛法世法名數

沙彌十戒儀則經

右七十二頌說沙彌

菩提行經四卷

右龍樹菩薩集諸經法爲頌凡四卷

聖觀自在一百八名經

右佛在補陀山觀自在宮宣說百八名文

皆真言

庚十

五

讚揚聖德多羅菩薩一百八名經

右說觀自在一百八名真言持者如意消災增福

持世陀羅尼經

右佛因持世菩薩問說陀羅尼并壇印法

求富貴及耕種等諸願

十二因緣祥瑞經二卷

右佛爲大衆說用十二因緣配十二支位

占人命及選日占相以定吉凶

迦葉問大寶積正法經五卷

右佛爲迦葉說菩薩正法

諸佛心印陀羅尼經

右佛在兜率天說此陀羅尼利益天人世

出世財豐足非人不害不生魔界

無能勝大明陀羅尼經

右無能勝菩薩說能降伏魔及人非人邪
法毒藥等及消除災障

無能勝大明心陀羅尼

右無能勝菩薩說成就吉祥消除重罪除
病延壽無中天及除非人懷惡并邪法呪

詛諸難

金剛計論

右法稱菩薩造破圍陀論妄執稱婆羅門
種性行業最上等

外道問聖大乘法無我義經

右外道疑無我義佛爲解說體本空故

目連所問經

右目連問佛犯戒所入地獄比諸天歲數

差別

苾芻迦尸迦十法經

十

六

右佛爲比丘說十種法戒爲在會及未來
而爲師範

苾芻五法經

右佛說苾芻五戒法

毗俱胝菩薩一百八名經

右佛說菩薩一百八名真言成就吉祥增

壽端正及得天龍鬼神恭敬一切惡獸枷

鎖災難自然解脫

多羅菩薩一百八名經

右多羅菩薩說大陀羅尼自在天王說一

百八名呪作大救護消除過罪煩惱解脫

所願成滿

大方廣菩薩藏文殊根本儀軌經二十卷冠

右佛在淨光天上與文殊共說真言及粉

壇畫燈上中下儀軌成就所願及念珠法

并星宿災變凶吉及真言幘法等

大自在天因地經 倍

右目連持鉢至崑崙山頂大自在天子所

居歸問佛說大自在天因地所願

大乘寶月童子問經

庚十

右童子問十方佛名號佛爲宣說聞者滅

七

罪不墮惡道速得不退菩提

佛爲娑伽羅龍王說大乘法經

右佛在龍宮爲說大乘經以十善等法而

爲莊嚴及說十不善果報等事

十號經

右阿難問佛十號義佛爲解說

一切如來安像三昧儀軌經

右佛說塑畫雕造諸賢聖像慶讚儀軌真

言等法

廣大蓮華莊嚴曼拏羅滅一切罪陀羅尼經

右梵壽王入寺候戴佛頂華鬘頭疼佛令

觀自在說真言及幘法持誦法所有破用

常住財物一切過罪悉皆除滅及說無憂

皇后嫉妬果報事

如意摩尼陀羅尼經

右佛及梵王帝釋四王龍王各說真言除

雷電怖畏及一切諸毒中天惡病不祥

大金剛香陀羅尼經

右佛說此大明呪能降伏諸天宿曜

觀想佛母般若波羅蜜多菩薩經

右佛說真言并觀想菩薩法

寶生陀羅尼經

右持頌者得天耳通滅無間罪永斷輪迴

無諸侵害及無病苦

蓮華眼陀羅尼經

右持頌者滅罪無眼等五根病獲眼等五種清淨

大金剛妙高山樓閣陀羅尼

右前後別無經文

普賢陀羅尼經

第十

八

右持者能枯竭煩惱值遇諸佛成就一切智

寶藏神大明曼拏羅儀軌經二卷

右佛說真言印法等持者得財寶及聰明等

聖寶藏神儀軌經二卷

右佛說真言印等儀軌持者得財寶人所愛重乃至成佛

妙臂菩薩所問經四卷

右妙臂菩薩問金剛手菩薩有人持誦真言清淨精勤而不成就金剛手為說持誦法及成就不成就之事

大摩里支菩薩經七卷 輦

右佛說摩里支菩薩名號陀羅尼并壇等法持者所求皆遂在處常得擁護一切災難皆不能侵

一切如來微妙大曼拏羅經五卷

右佛在忉利天金剛手菩薩請問讚儀奉獻各有幾種賢瓶及灌頂法當云何作云

第十

九

何名曼拏羅及觀自在問息災增益愛敬等作護摩法佛為一說之及呪印等并說造塔功德

聖莊嚴陀羅尼經二卷

右佛因羅睺羅童子夜卧為羅刹驚怖說

陀羅尼并爲未來而爲擁護慈氏菩薩等
并釋梵四王諸天龍藥叉等各說擁護真
言

聖無能勝金剛陀羅尼經

右佛在妙高峯法會有天龍夜叉等爲大
力聖者降伏而來唱言怖畏佛勅金剛手
說安慰陀羅尼

千轉大明陀羅尼經

右帝釋天王對佛自說此陀羅尼能除一
切鬼神惱害及病毒軍衆水火惡獸惡夢
等畏

勝旛瓔珞陀羅尼經

右佛爲觀音等說此陀羅尼能滅重罪現
世獲報

智光滅一切業障經

右佛爲日月天子說佛菩薩名號及陀羅
尼滅一切無間重罪普賢菩薩亦說陀羅
尼

華積樓閣陀羅尼經

右師子遊戲菩薩問佛涅槃後供養舍利
塔等所得福報佛說此經

賢聖集伽陀一百頌

右明布施及奉佛像廟等果報事

最上意陀羅尼經

右佛說妙吉祥往昔作比丘說此陀羅尼

消除衆生一切災病等

普賢曼拏羅經

右佛說金剛界大曼拏羅法陀羅尼及金
剛一百八名令相應法速得成就
持明藏八大總持王經

右佛說陀羅尼息災增益改惡爲善及伏
冤一切所求成就

聖六字大明王陀羅尼經

右佛說陀羅尼一切恐怖鬼神刀兵不能
爲害

尊勝大明王經

右佛說陀羅尼消除罪業怨家惡鬼不能
爲害

聖大總持王經

右佛說陀羅尼懺罪除病一切刀兵不能
爲害及通宿命

如意寶總持王經

右妙住菩薩問善男子受持章句云何不
得見佛世尊說此人心住有爲無善巧智

摩訶帝經十三卷

卷十

十一

右佛因衆問令目犍連說釋種過去所生
種姓并述佛出家成道度人事與本行集
經所載同

月光菩薩經

右佛爲比丘述舍利弗目犍連不忍見佛

圓寂先入滅度風生因緣

金光童子經

右佛爲釋種金光童子說及叙過去造像

植福事

布施經

右佛爲比丘說三十七種布施差別及爲

舍衛國王說布施事

捷椎梵讚

右讚皆梵文

毗婆尸佛經二卷

右說毗婆尸佛爲太子出家成佛度人說戒等

長者施報經

右佛爲給孤獨長者說較量布施功德解憂經

右佛說生死輪迴勸令求斷生死

聖曜母陀羅尼經

右佛處星曜衆會因金剛手菩薩請問說陀羅尼延壽消除災害及一切毒

大三摩若心經

右佛於衆會降伏魔等令住聲聞乘

七佛經

右佛爲比丘說七佛壽命父母弟子城邑名

佛一百八名讚

佛十

十

右釋迦佛一百八名并讚

毗沙門天王經

右毗沙門天王白佛一切鬼神等有不信佛惱亂曠野林間苾芻優婆塞等說此真言以爲救護

聖觀自在菩薩梵讚

右讚八篇皆梵文

文殊師利一百八名梵讚

右讚十九篇皆梵文

五十頌聖般若波羅蜜

右佛因須菩提說般若聚集攝受一切善法

聖最勝陀羅尼經

右文殊師利爲比丘說陀羅尼消除國界衆生疫病旱澇等

佛說諸佛經

右與將字函大自在天地經同本異釋

聖六字增壽大明陀羅尼經

右佛因阿難有大疾病說此陀羅尼消滅

一切疾病驚怖

增慧陀羅尼經

皮十

十三

右大慧菩薩爲童子相菩薩說陀羅尼誦者增益智慧明記不忘

徧照般若波羅蜜經

右佛爲金剛手說般若祕蜜字義門并二

十五種祕密般若字義門持者增益功德

達宿命智

大乘戒經

右佛說戒爲最勝不可犯

帝釋般若波羅蜜多心經

右佛說甚深般若波羅蜜多十八空等義聖多羅菩薩梵讀

右讚皆梵文

大乘舍黎婆擔摩經

右佛因見舍黎婆擔摩說十二因緣法舍

利子請問慈氏復廣其說此經與傷字府

字函稻芊經本同而此尤詳

四無畏經

右佛爲比丘說佛四無畏

切如來說佛頂輪王一百八名讚

右讚一篇說佛一百八名

大乘無量壽莊嚴經三卷

右佛爲阿難說無量壽佛本願及國土莊

嚴功德

佛母寶德藏般若波羅蜜經三卷

右佛爲四衆說般若伽陀三十品其品分
十波羅蜜等諸法義

薩鉢多野經

右佛說法無常劫盡七日並出火災燒器
界

金剛手菩薩降伏一切部多大教王經三卷

右佛因金剛手菩薩說降伏一切部多成
就法金剛手說一切真言降伏印所求成
就等法

一切如來烏瑟膩沙最勝總持經

右阿彌陀佛爲觀自在說陀羅尼及燈像
護摩等法持者延壽所求皆遂

最上大乘金剛大教寶王經二卷 轂

右佛爲印捺囉部帝王說四種乘及說夙
因令金剛手菩薩爲王說金剛大乘

菩提心觀釋

右釋發菩提心體功德如虛空無邊際
護國尊者所問大乘經四卷

右尊者問菩薩行法佛爲廣說菩薩四法
及說福光太子修行成佛事

金剛香菩薩大明成就儀軌經三卷

右佛爲金剛手菩薩說陀羅尼印曼拏羅
法一切息災增益愛敬降伏等無不成就
八大菩薩經

右佛說八大菩薩名及諸大菩薩五如來

名號持者不墮惡道及長壽天等常生佛

刹成無上道

妙吉祥菩薩所問大乘法螺經

右妙吉祥問如來法螺音佛爲較量自持
十善衆生至輪王帝釋梵天緣覺菩薩佛

相好相倍功德分數

金剛薩埵說頻那夜迦天成就儀軌經四卷

右金剛薩埵說此最上儀軌作種種成就利益息災增益敬愛調伏等造頻那夜迦天像作成就法

妙吉祥最勝根本大教王經三卷

右妙吉祥說真言持頌曼拏羅儀軌一切成就法

幻化網大瑜伽教十大忿怒明王大明觀儀軌經

右毗盧遮那佛說十明王觀想法真言所求成就

妙吉祥瑜伽大教金剛陪囉嚩輸觀想儀軌經

右金剛陪囉嚩輸一切成就曼拏羅等法

及一切調伏等所求皆得成就

難你計濕縛囉天說支輪經

右彼天說十二官分生人吉凶及諸宿攝於三趣

囉嚩拏說救療小兒疾病經

右囉嚩拏說小兒自一歲至十二歲所得

疾病各有鬼魅名字及真言救療法

較量一切佛刹功德經

右佛說較量諸佛刹土晝夜長短即是華

嚴如來壽量品

卷十

十六

大乘八大曼拏羅經

右佛爲寶藏月光菩薩說作八大曼拏羅

持誦八大菩薩根本心大明

迦葉僊人說醫女人經

右迦葉僊人說女人妊娠逐月安胎所服

藥

持明藏瑜伽大教尊那菩薩大明成就儀軌
經四卷

右龍樹於持明藏略出世尊言修習諸成
就法應於是教尊那菩薩大明法中修習
及欲見菩薩阿羅漢一切所求真言印法
曼拏那幀像護摩等法

瑜伽大教王經五卷

右世尊大徧照金剛如來爲金剛手菩薩
說真言印法及護摩作息災增益愛敬降
伏事

大乘觀想曼拏羅淨諸惡趣經二卷

右佛說大曼拏羅法觀想字法真言呪法
曼拏羅護摩等法淨諸惡趣

一切佛攝相應大教王經觀自在菩薩念誦

延十

十七

儀軌經

右觀自在觀想結界儀軌及幀法息災增
益愛敬降伏皆得成就

俱吒羅陀羅尼經

右佛說此陀羅尼能除部多惡曜及一切
瘡病

寶髻陀羅尼經

右佛說陀羅尼消除一切災障作大利益
能滅衆生極重罪業降伏一切天龍鬼神
能除饑饉病疫毒藥及求財寶子息

妙色陀羅尼經

右佛說陀羅尼作大利益獲大福聚晝夜
安樂加持出生飲食以祭諸鬼

旃檀香身陀羅尼經

右佛說能消極重宿業獲殊勝果及得見

觀自在菩薩及除惡瘡癰

鉢蘭那賒縛哩大陀羅尼經

右佛說辟除惡魔及惡鬼神遠離災害除諸疾疫

宿命智陀羅尼經

右佛說消滅千劫重罪終身受持能知宿命

慈氏菩薩誓願陀羅尼經

右佛說解脫惡趣轉身受勝妙樂慈氏受菩提記

滅除五逆罪大陀羅尼經

右佛說能滅五逆重罪如持千佛無異

無量功德陀羅尼經

右佛說滅千劫所積惡業得見慈氏觀音無量壽佛

度十

十八

十八臂大陀羅尼經

右佛說消滅根本罪業積集無量功德

洛叉陀羅尼經

右說受持如持洛叉佛無異成大福聚滅無量罪

辟除諸惡陀羅尼經

右佛說能除飛蝗毒虫蚊蝱虎狼饑饉

大愛陀羅尼經

右海神大愛對佛說陀羅尼持者解脫海難

妙吉祥菩薩陀羅尼

無量壽大智陀羅尼

宿命智陀羅尼

慈氏菩薩陀羅尼

虛空藏菩薩陀羅尼

右共一卷皆梵文

無畏陀羅尼經

右佛說受持讀誦陀羅尼者一切災難雷
電毒螫饑饉疾疫悉皆解脫

尊那經

右尊者尊那問佛世尊無盡功德可得十九

佛爲說七種無盡功德

寶授菩薩菩提行經

右佛入廣嚴城乞食寶積童子與目犍連

舍利弗文殊論說妙法

阿羅漢具德經

右佛說聲聞弟子各具功德及比丘尼烏
波薩哥烏波薩吉各具功德

八大靈塔經

右佛說八大靈塔名號及處供養功德并

戒日王作靈塔梵讚又三身梵讚共一卷

佛三身讚

右并迴向讚共四首西域賢聖撰又曼殊
室利菩薩吉祥伽陀梵文一首

不空三昧經七卷

右世尊毗盧遮那令金剛手菩薩說曼拏
羅成就法頌呪印幀法一切所求皆得成
就

大正句王經二卷

右尊者童子迦葉破正句王邪見無有來

世復無有人亦無化生義

戒香經

右佛爲阿難說戒香徧聞十方

延壽妙門陀羅尼經

右佛爲金剛手菩薩說陀羅尼持者延壽

得二十種功德金剛手及梵王四天王各
說妙門陀羅尼

聖多羅菩薩經

右爲五髻乾闥婆王說菩薩陀羅尼并一
百八名頌持者滅罪破魔增福所求皆遂

庚十

二十

一切如來名號陀羅尼經

右觀自在菩薩對佛說諸佛名號并陀羅
尼持者不墮惡道生天成佛

息除賊難陀羅尼經

右佛爲阿難說陀羅尼息除賊難器仗悉

不能侵

觀自在菩薩母陀羅尼經

右普賢菩薩對佛說此陀羅尼滅罪及見
普賢觀自在無量壽佛多聞增長證宿命
智得不退轉地

祕密八名陀羅尼經

右佛說金剛手祕密八名并陀羅尼持者
不墮地獄生兜率天

大吉祥陀羅尼經

右佛爲觀自在說大吉祥菩薩陀羅尼持
者獲富貴功德不可具說乃至部多普令

愛敬

寶賢陀羅尼經

右寶賢大夜叉王說此陀羅尼持者所作
勝利皆得成就金銀珍寶悉皆供給

庚十

三

法身經

右說法身化身功德差別

頻婆娑羅王經

右與衆等至佛所諸婆羅門長者等見耆
舊優樓頻螺迦葉侍佛有疑佛令迦葉現

神變自稱是佛弟子佛因爲王等說法今得見諦

信解智力經

右佛說信解力法能證真實之理謂佛五力十力唯佛能知非聲聞法

人僊經

右阿難問佛摩伽陀國頻婆娑羅王及諸優婆塞生何處佛爲說王作人僊及人僊所說梵法

信佛功德經

右舍利弗對佛稱說佛種種最勝法及神通力

善樂長者經

右善樂長者目疾佛爲說陀羅尼除愈舊城喻經

右佛說觀十二因緣如被昔人所被之甲到昔人涅槃之城借城爲喻也

最上祕密那拏天經三卷

右那拏天對佛衆會說呪法一切所求皆得成就

解夏經

右佛解夏日爲舍利弗五百比丘說解夏法夏中三業互相忍可

帝釋所問經

右帝釋問佛盡愛斷除疑惑佛爲說法證

契十

三十二

果

決定義經

右佛爲比丘說五蘊五取十八界至七覺支八正道諸法名決定義

四品法門經

右佛爲阿難說界處法緣起處非處法不了爲愚人了者爲智人

護國經

右護國長者投佛出家證果爲父母及俱盧王說捨親出家法

大宋高僧傳三十卷 世祿修

右僧贊寧等奉勅撰採貞觀已來高僧五百三十三人附見一百三十人爲十科三十卷

法苑珠林一百卷

右釋道世撰始從劫量終乎雜記部類之前各序別論令覽者就門隨部如提綱領焉

景德傳燈錄三十卷

右僧道原披奕世祖圖採諸方語錄次序

庚十

三三

源派錯綜詞句由七佛而至大法眼之嗣凡五十二世一千七百一人成三十卷上進真宗御覽命翰林學士楊億等刊削裁定周歲成書永布寰海

天聖廣燈錄三十卷

右駙馬都尉李遵勗集傳燈錄後禪門宗師語句爲三十卷

仁宗御製序勅隨大藏流布天下

建中靖國續燈錄三十卷

右法雲佛國禪師惟白集廣燈錄後八十年諸善知識一千七百餘人語句偈頌等列正宗對機拈古頌古偈頌五門爲三十卷

大藏聖教法寶標目卷第十

音釋

𦵏切勿發
𦵏切汝
𦵏切鴉
𦵏切娠
孕也失
𦵏切
與莫
同切
𦵏切
許玉
同

𦵏切
𦵏切
施隻
切蟲
𦵏切
與猪
同切
𦵏切
與古
同切